

July 87
N-218

R. 28

7/23

Q. 26

C. 8







1935-291P

ALEXANDRI
PICCOLOMINEI
IN MECHANICAS

QVAESTIONES ARISTOTELIS,
Paraphrasis paulo quidem plenior.

EIVSDEM COMMENTARIVM DE
Certitudine Mathematicarum disciplinarum :
In quo, de Resolutione, Diffinitione, &
Demonstratione: necnon de materia,

ET IN FINE LOGICAE FACULTATIS,
*quamplurq; continentur ad rem ipsam, tum mathema-
ticam; tum Logicam, maximè pertinentia.*

TRAIANO

CURTIO



Venetijs, Apud Traianum Curtium. 1565.



2

ILLVSTRISSIMO
AC STRENNVISSIMO

DOMINO IOAN. THOMASIO
Constantio a secretis militaribus, atque
consilij sacri Venetorum Senatus,

LÆLIVS BARILETI SALVTEM
*felicitemq; uniuersam, & nun-
tiat, & precatur.*



IRTVTES, cunctas (præclarissime Domine) id roboris, ac nerui habere, fatentur peritissimi omnes, experientia duce: vt mox humilibus animis oblatę, nō possint quin eos sibi attrahant, perpetuąq; beneuolentia deuinciant. Iam causa (ornatissime Vir.) in me agitur. Ex quo enim te iuuenulum de re militari, vrbium regimine, horumq; similibus, non absq; aptissimo præsentis tuę summę autoritatis præfugio, solertissimę disserentem audiui: (isti iusmodi hæc nobilissimo patre tuo Scipione cū auo meo familiariter loquęte) ita me hæc tuę præfulgentissimę virtutes ceperunt, vt ex eo tempore tuum magis quàm meum me esse senserim: animoq; semper ac mente noctu,

interdiuq; reuoluerim, quonam genere officij hanc meam in te conceptam beneuolentiam liquido ostenderem. Tandem occasio fauētibus astris sese obtulit. Aristotelis. n. mechanicas quæstiones denuò incudibus nuper rimè mea opera datas celsitudini tuæ destinandas est uisum. Ut illud tibi dicem, a quo animi mei erga te obseruantia cepit exordium. Quod quidem genus muneris, & si exiguum fore magnitudini tuæ certo sciam, meæ tamen erga eam conceptæ seruitutis & beneuolentiæ aptissimū pignus futurum esse confido. Vbi enim a tuis teneris unguiculis memetipsum (quo maius donare non poteram) tibi dicaui, qui hæc uti munera, & non potius uti amoris inditia transmitti diiudicabis? Vale. & Lelium tuum inter eos ascriptum, qui te colunt, & venerantur, solita benignitate foue, ac tuere. Venetijs calendis Februarijs.



ALEXANDRI PICCOLOMINEI
COMMENTATIONIS,

Seu potius plenæ Paraphrasis, in Me-
chanicas Quæstiones Aristo-
telis Præfatio.



HILOPHIA est omnis di-
uisa in partes tres, si Stoicis ac
etiam Platoni credimus, qui in
Phædro facultatem differendi,
Philosophiæ esse partem existi-
mauit. uidebat enim forte Pla-
to quod, cum huiusmodi rationa-

lis facultas, contēplatiua mētis habitus quidā sit, isq;
nec sapientia, nec intellectus dici possit, scientiā esse il-
lam, atq; ob id Philosophiæ partē relinquebatur. præ-
sertim cū hæc facultas sua habeat principia, suasq; cau-
sas, propriumq; propositū. quo, si ad aliarū scientia-
rum uel bonū uel uerū exhauriendum, utimur, nil ta-
men prohibet, quin (si a reliquis seiungatur) Scien-
tia dici possit. Verum enim uero, quia nec Stoici, nec
Academici, sed Peripatetici uolumus esse, Ammo-
nium, Philoponum, ac Simplicium secuti, Philoso-

pbiam in duas tantummodo partitur partes, alteram scilicet operatiuam, contemplatricem & reliquam. Licet enim tam operantes quam contemplantes, speculari philosophemur, quia tamē operatiua speculatio ad opus exit, ibiq; desinit, contemplatiua uero in se ipsa perficitur ac conquiescit: ideo hanc contemplationis illam uero operationis nomine nuncupamus. Operatiuæ autem duæ sunt partes, actiua scilicet & factiua. Sub factiua, quæ uile magis opus, respicit quæ honestum, ordinantur illæ artes omnes, quas Græci Βαυυοατς, siue Βαυυοιματς dicunt, nos sellularias nunc uipare possumus. Sub actiua uero, quæ maxime honestatem intendit, hominisq; naturæ (qua homo ciuile animal est) potissimum conuenit, tres resident partes, Moralit, Domestica, & Ciuilis, quarum prima nos ipsos, duce Prudentia regimus; atq; ut hominem decet constituimus. Secunda uero uxorem, filios, seruos, fortunæq; bona, ac tandem domum ipsam, optime administramus. Postrema demum Reipublicæ ac Ciuitati, cui maxime nati sumus, optima gubernatione succurrimus. cui Ciuili philosophiæ, quia eloquentia, si uirtute ac sapientia coniungatur, maximum semper attulit ornamentum, propterea a multis, recte dicendi artem, ciuili philosophiæ partem esse creditur. Cōtemplatiuæ autem philosophiæ tres esse partes, nemo ignorat, Naturalem, Mathematicam, & Diuinam. Naturalis cuncta quæ mouentur, ea ratione, qua motum includunt, considerat ac pertractat. cuius tot sunt partes, quot eorum quæ naturalia sunt, ea ratione qua motum respiciunt, cōtingit esse gradus, ueluti præter pri-

ma principia, simplicium etiam corporum, mixtorum imperfectorum, metallorum, plantarum, animalium, ac tandem hominis & eius partium. Diuinam uero Philosophiam, quam Metaphysicam uocant, in duas dissecunt partes. quarum altera, naturas non solum ratione, sed & re ipsa ab omni materia seunctas ac se paratas considerat, mentes scilicet illas simplices, nulliq; mutabilitati obnoxias: ueluti intelligentia sunt, et in primis Deus ipse optimus maximus. reliqua uero Metaphysicæ pars in cõmunissimis uersatur: ueluti in eo quod est, cuius partes atq; proprietates perscrutatur. Quo fit, ut ex hac Metaphysicæ parte, omnia quæ tanquam cognita in cæteris scientiis assumuntur, si a quopiam abnegentur, probari & ostēdi possint. quomobrem circa eadem laborant Metaphysicus & Dialecticus, circa communissima scilicet: diuersa tamen ratione, ut apud Alexandrum siue Ephesum Michaelem, abunde uideri potest. Sed de Diuina, & naturali philosophia hætenus, cum ad rem modo nostram non pertineant. Cæterum Mathematica, quæ contemplatrix philosophiæ tertia restat pars, quia quantum, magnitudinem scilicet & multitudinem, easq; nullo habito respectu ad materiam in quâ firmentur, considerat: iccirco due sunt eius partes, altera numerum contemplans, Arithmetica scilicet: reliqua uero continuã magnitudinem specularans, quam Geometriam nuncupamus, quæ tametsi numerus ex continui diuisione nascitur, posterior tamē atque ignobilior est, quã sit arithmetica, multas ob causas, quæ apud Boetiũ in Arithmeticis haberi possunt. Vtraq; autem harũ mathe-

I N Q U Æ S.

maticæ partium, alias rursus complectitur partes: nõ quidem sellulæ eas artes (ut quidam uolunt, qui illas sub decimo Euclidis libro non recte collocant, in quo libro potentia tantum habetur magnitudinum) sed Arithmetica quidem Musicam sibi uedicat, Geometria uero Stereometriam, Perspectiuam, Cosinographiam, Astronomiam atq; Mechanic. m. quæ tamen omnes, & si pura, ac syncera mathematica dici nequeant, cū materiam modo quodam respiciant: conuenientius tamen Mathematica, quam naturales appellatur, quod de Astronomia ipsemet testatur Aristoteles in diuinis. De Musica autè, & Perspectiua, in libro secundo de Principijs naturalibus. Verum & si eius testimonium, atq; auctoritas non adesset, nihilominus, cū mathematicorum instrumento, pertractentur, mathematica dici deberent. Quemadmodum enim enunciatio qualibet, ex dictione ipsa, quæ substandi uerbum sequitur, appellari cõuenit; ita ex modo, & ui demonstrandi, qualibet scientia recte nuncupabitur. cum enim dicimus hominem generari, aut album fieri, quia tã generatio, quãeductio albedinis motum indicat, huiusmodi enunciationes naturales esse, audacter pronunciamus. si uero hominẽ esse id quod est, uel totum, uel substantiam uel alia id genus, affirmabimus: tunc, quando hæc quæ dicimus inesse homini, communissima sunt, huiusmodi enunciationes metaphysica dici poterunt. Eodem pacto hominem ad infinitum diuidi posse, asseuerantes, enunciationem mathematicam constituimus, Aristoteles enim in sexto libro naturalium principiorum, habitum accipiens mathematicum, de

motu differit. Quapropter & scientiæ etiam ab ijs, quæ media sunt in demonstrationibus, nuncupari debent. Cum igitur Perspectiua, Astronomia, Musica, & huiusmodi facultates, instrumento, ac (ut ita dicam) medio mathematico pertractentur, nil mirum est, si recte mathematicæ appellentur. Quod quidem instrumentum, cum simul ostendat, & quod res sit, & quare sit, ob id certissimum existimatur. Verum enim uero, & nos alias disputantes sustentauimus, & nunc constanter asserimus, demonstrationes, quibus utuntur Mathematici non esse potissimas illas, ac præcipuas, quas Aristoteles in libris de Demonstratione omni diligentia inquiri, quò sit ut alia sit causa, qua in primo certitudinis gradu mathematicæ Scientiæ reponatur. sicut nos abunde in Libello, quem fecimus de Certitudine mathematicarum scientiarum, opinionem hanc nostram, manifestissimis rationibus declarauimus, cuius quidam opinionis ansam præbuit Proclus in primo Elementorum. Mechanica igitur Scientia, cum mathematico instrumento, ac medio pertractetur, nemini dubium esse debet, quin sub Geometriæ commodissime collocetur. Mechanicam autem Scientiam uoco, ex qua causa, & principia, ad quamplurimas artes sellularias, exhauriri possunt. quæ quidem artes uulgo non recte, mechanicæ nuncupantur: nam potius sellularia, siue Banauistica, ac humiles dici deberent. Ea itaque artes maximè ex mechanicis iuuentum capiunt, cum earum auxilio complures machinæ, compluraq; instrumenta, domi, militiaq; ex cogitentur: ex qua quidem excogitatione, huiusmodi nomen sortite sunt.

I N Q U Æ S .

Quoniam autem mechanicæ facultates, quânis materiam ac motum, ueluti res graues & leues, celeritatē & tarditatem tangentes, modo tamen ac uia mathematica pertractentur: iccirco illas inter mathematicas connumerandas esse, existimandū est. Licet enim mechanica instrumēta, ac machinationes ipsæ, ad opus aliquod excogitentur, Mechanicus tamen artifex, ea ratione qua mechanicus est, solummodo causas et principia earum considerans, in contemplatione ipsa quiescit & sistit. Ex quibus omnibus quæ iam diximus, cū liquido patere possit, sub qua nam Philosophia, mechanicæ scientiæ collocentur, quod nomen earum propositū, quæ utilitas, quis nam doctrinæ modus, restat solummodo, opusculum hoc, quod nunc in manibus est, diuidere, eiusq; inscriptionem explanare, ac cui tādē auctori, ascribendum sit, palam facere. Liber hic in duas partitur partes, in quarum altera, ueræ causæ, certaq; principia, excogitationum fere omnium mechanicarum, inuestigantur: in altera uero unde Liber inscribitur, quæstiones quædam, & proponuntur & dissoluantur, ad eaq; principia, quæ iam prius inuēta sunt, commode rediguntur. Quod autem ad inscriptionem attinet, quæstio & propositio hoc tantum differunt, quod propositio quasi assenerans, enūciat id quod ponit, quæstio uero illud idem dubitationis modo, inuestigandū proponit. exempli gratia, si hoc modo proposuero. Longius feruntur missilia funda, quam manu, propositio erit. si uero, Cur longius feruntur missilia funda, quam manu, quæstio euaserit. quæ admodum etiam apud Euclidem: super rectā, triangulum æquilaterum

laterum cōstitueret, *quæstio est, quasi hoc proponat inquirendum . illud autem, majori angulo manus subten- ditur latus, propositio erit: cū quasi assenerans id pro- posuerit. Quæstiones itaq; Mechanicæ liber hic inscri- bitur, qui an sit Aristotelis, ne in causa tam manife- sta, præiudicium ipsi fiat, non dissentiaero . præsertim quia, si nos phrasim atq; elocutionem huius libelli, & aliorum Aristotelis locorum, in quibus mathemati- cis utitur demonstrationibus, simul inuicem contuleri- mus, sicut in disputatione de Iride & alijs in locis, hanc esse Aristotelis peculiarē phrasim, manifestum erit. Illud tamen solum addo, Opusculum hoc, quāvis breue sit, magni tamen faciendum esse . in quo mira Aristotelis uis ingenij, atq; incredibilis doctrina, per- spici potest . cum tam acute ac breui sermone omnium fere machinarum mirandarum, quæ tum excogitatae fuerint, tum etiam in posterum excogitandæ sint, ue- ras causas inuestigauerit. Quem quidem libellum, pro- pter eius (ut dicunt) obscuritatem, nullus fuit, quem ego uiderim, qui ad hunc usq; diem exposuerit: præter unum Leonicum, cuius quedam extant breuissimæ an- notationes . Atqui obscuritas illa, quam dicunt, tum ex magna libri huius, in eo quod ad uerba attinet, de- prauatione oritur, tum etiam maxime ex inscitia ma- thematicarum literarum: quæ, cum maiorem in mo- dum, Aristotelis tempestate colerentur, hodie autem ferè negligantur, mirari utiq; non debemus, si, cum hæc tempestate collatis; eorum temporibus, Philoso- phia ipsa nunc iaceat, ac languescat. Sed quia hic locus deplorationem mathematicarum disciplinarum non*

I N Q U A E S .

postulat , de his hætenus dictum sit . præsertim cum
 de utilitate , ac dignitate earum , abundanter disserue-
 rimus in quodam opusculo : ubi Ptolæmeum defensa-
 uimus contra Gebrum , qui ei pluribus in locis Magnæ
 constructionis , quam *Almagestum* uocant , obijciens
 aduersatur . Ego tamen obscuritati , quam dixi , Libel-
 li huius occurrens , omni studio , cura , ac diligētia qua
 potui , collatis inter se , quampluribus exemplaribus
 quæ Venetijs , Patavi , Bononiæ , ac Florentiæ , in Bi-
 bliothecis magni nominis , adire potui , Libellum hunc
 sanè aureū , maiori ex parte emendaui , ac Paraphrasim
 quadam ualde plena , seu potius Commentatio-
 ne , dilucidauit . ex qua mi fallor , clarissi-
 ma Aristotelis sententia haberi po-
 terit . Sed nimium forte præ-
 fati , ad ipsam nunc Pa-
 raphrasim si-
 ue Com-
 mentationem acce-
 damus .

7
ALEXANDRI PICCOLOMINI
COMMENTATIO,
Seu potius plena quædam Paraphrasis,
in Mechanicas quæstiones
Aristotelis.

De Principiorum Mechanicorum potentia.

Caput I.



*Q*UAMVIS vulgo ea potissimū admirationem præbeant, quæ raro contingunt fieri, sapientes tamē, sciendi cupiditate flagrant, earum rerum admiratione afficiuntur: quarum, uel crebro uel raro accidant, ignorant causas, quas omni conatu inquirentes philosophantur. Terræmotus, defectus Solis & Lunæ, diluuiâ, crinitas stellæ, & alia id genus, quæ uulgus horret, non admirantur: quippe qui horum causas recte nesciunt. multa uero quæ singulis horis fiunt, quorum hos latet causa, considerant admirantes. Harum tamē rerum mirandarum, duo sunt genera. alterum est illarum, quæ secundum naturam uidentur fieri, quarum, ut diximus, nescitur causa: alterum uero, earum quæ contra naturam accidunt, ueluti si grauiâ ascendant, lenia non superuolent, & multa huiusmodi, quæ ars ipsa conficit, naturam quandoq; superans. Hæc itaq; cum ui quadam contingant, præter

I N Q U A E S.

naturam dicuntur fieri, atque horum causam, hoc est ipsam uiolentiam, cum uel ignoramus, uel minorem arbitramur quam effectus appareant, miramur ois. Ars enim quamuis naturam imitetur, ac illam adiuuet, multa tamen ut usui nobis esse possint, aliter operatur ac illa facit. neq; minus ob id, naturæ imitatrix existimari debet, quippe quæ eo modo efficit quicquid fuit, quo illa met efficieret, si illud faceret. Nam, tamen si natura eundem semper in quo uis opere suo, si non impeditur, seruet modum. ars uero, propterea quod nostra utilitas, usus, atq; commoditas multiplex est, multiplici etiam & illa itinere progrediatur: in quo uis tamen itnere, naturam & ipsa sequitur. Natura igitur, ex sua simplicitate nequaquam multiformis, si quando uenit, ut eius simplicitate, nos propter multiplices nostros usus non contenti, aduersus ipsam quippiam moliamur, tunc illa contra nitens ac contendens, nostris conatibus difficultatem imponit. quã difficultatem, seu potius hæsitationem quãdam ut superemus, arte quadam indigemus, qua tandem naturæ conatus, uel penitus confringentes, uel aliqua saltem ex parte, demolientes, nostrum opus perficiamus. Illud itaq; artis genus, quo huic difficultati mederi possumus, mechanicum appellamus: propterea quod machinantes, hoc est omni ui, mentis excogitantes, machinationes quasdam atq; instrumenta, quibus quam plures artes exerceantur, reperimus. quod factũ est, ut omnes artes, quæ humiles & sordidæ, atq; ideo illiberales sunt, abusione quadam, mechanicas uocauerimus: cum potius sellulariæ seu banausicæ dici debeant.

Mechanica

Mechanica enim ars, illa tantum existimanda est, quæ ex cogitantes, quamplures machinas, constructionesq; cæteris artibus sellularijs inuenimus. quam, philosophiæ contemplatricis partibus, annumerandam esse, nemini dubium esse debet, quippe quæ Geometriæ subiecta, multarum artium principia, excogitat ac speculatur. quæ quid est principia, & si dirigantur ad opus, non ob id tamen, horum principiorum facultas, cõtemplatrix non existimabitur. ueluti & Geometria & Perspectiua, licet principia tradant Pictori, qui opus respicit, contẽplatrix tamen habentur & sunt. Scientia igitur magis quam ars, facultas hæc mechanica merito nuncupabitur, præsertim cum Aristoteles ipse, non solum ab initio mechanicarum questionum, sed etiam in generatione animalium, in Metaphysicis, & quam pluribus alijs in locis, de Scientijs loquens, nomine artis abutatur. Hæc itaq; uel Scientia uel arte, quam mechanicam dicimus, bis excellimus, in quibus a natura uincemur, ea autem sunt, tum quibus maiora a minoribus superantur, tum etiam quæ & si modicæ uirtutis sint, grauiora tamen cõmouent, tum demum ea omnia ferè, quæ mechanicis quæstionibus inquiruntur. quæ quidem, quãuis non penitus naturales, nec omnino mathematicæ dici possunt, sed utrorumq; naturam sapiant, magis tamen mathematicis quæstionibus propinquæ sunt. Cum enim in naturali materia uersentur hæc, u. luti circa mobilia & ponderosa, ea ratione qua huiusmodi sunt (circa enim lapides, ligna, & alia id genus, subiecta mechanicæ uersantur artes) modo autem mathematico, per designatio-

nes, & propositiones, deinceps dicuntur: ac qualibet facultas, magis a modo ostendendi, quam a subiecta materia numeri pari debeat: ideo hæc facultas, potius mathematicis contemplationibus, quam naturalibus annumerabitur. Quemadmodum enim de Perspectiva & Musica asserunt omnes, quæ & si res naturales intueantur, ut sunt usus lineæ, spectra, sonora, & similia: quia tamen uia mathematica ostenduntur, inter mathematicas scientias collocantur, ita etiam mechanicæ quæstiones, si non ad subiectas artes seculares applicentur, quamuis & naturalium, & mathematicarum speculationum communes sint, magis tamen ad mathematicas facultates accedere fatendum est.

De Dignitate figuræ circularis. Cap. II.




V M mirandarum rerum, quarum nescitur causa, duo esse genera ostenderimus, alterum earum, quæ natura fiunt, alterum uero, quibus natura ipsa aduersatur: in hoc quidem genere omnes effectus ex huius mechanicæ contingentes, continentur: quibus cum naturam ipsam superari uideamus, miramur omnes. Quis enim admirabilitate non afficietur, cum quam magnū sæpe pondus, ab exigua ui moueatur, ac simul cum alio, præsertim pondere? sicut in uelle uidere possumus, quod enim sine uelle quispiam mouere nequit, illudmet facile mouet, uelle ad illud pondus adiuncto pondere. Hæc & multa alia id genus, cui non mira uidebuntur, donec causa ipsa magis miranda, ex qua hæc omnia ortum habent, ignorabitur? Has itaq; quæstiones, quæ

iam mechanicas nuncupamus, cum ex admirabili contingant natura, mirandas esse etiam & ipsas non est absurdum. Causa autem est circulus ipse: qua quidem figura, quid mirabilius inueniri potest? Circuli enim natura ex simul contrarijs constituitur: contraria simul retinet: simul cōtrarijs motionibus mouetur, ac unica existente linea quæ a centro est, non æqua ue locitate mouetur tota, sed eo punctus aliquis in ipsa, uelocius mutatur semper, quo magis a centro distat. atq; ob id pleraq; miranda accidunt, quæ ex his quæ adducentur quæstionibus palam erunt. At primo quidem, quod circuli natura, ex simul contrarijs constituitur, ex eo manifestum est, quod ex manenti & moto fit: non quod, uel ex centro, & ambitu, uel ex uno pede manente circini, & altero circumlato, cōstituatur: cum centrum nulla seorsum sit pars, ac forinsecus circuli naturæ accidat, quod a circino producat: uerum illa eius existimanda est constitutio, quæ haberi potest ex Euclide: cum scilicet linea recta, altero eius termino stante, circumagatur: quæ admodum etiam & globus ipse tunc producit, cum semicirculi planum, dimetiente non moto, circumferatur. Ex manenti ergo et moto, natura circuli constituitur, quia ex eò fit, quod altero lineæ rectæ manente termino, linea ipsa, donec ad locum primum redeat, circumuebitur. Contraria etiam circulus simul retinet, quoniam linea illa orbicula, quæ ipsum claudit, cum per latitudinem diuidi nequeat: duo quodammodo, simul contraria secum habet, concauitatem scilicet: & curuitatem, quæ quidem duo, non aliter a se inuicem distant, ac magnum &

I N Q U Æ S.

paruum, quorum sicut medium est æquale, sic concavi & conuexi media est reilitudo. Quemadmodum enim quamlibet magnitudinem, si altera quapiam maior sit, ut illa minor efficiatur, ei æqualem prius oportet fieri: ita etiam quod concauum est, si in gibbum deformatum sit, prius in rellum protendi necesse est. Contrarijs dehinc etiam, siue aduersis motionibus, mouetur circulus. nam simul sursum, & deorsum, dextrorsum, ac sinistrorsum, mutationem suscipit. non quod in sui natura, aliquod uere dextrum, aut sinistrum, aut superius, aut inferius, inueniri possit (nulla enim talis diuersitas inest circulo, ea ratione, qua circulus est, præter interius, & exterius) sed ita locutus sum et loquar inferius non naturam respiciens circuli, sed situm legentis, ac scribentis considerans, ut quæ dicuntur apertius perspiciantur. Sursum ergo simul, et deorsum mouetur circulus. quod linea ipsa, quæ circulum describit clare ostendit, si enim sursum moueri incipiat, quamuis nunquã retrorsum regrediat, uno tamen semper motu continuo, tandem ex aduersa parte ad locum redit, unde progressum inceperat, ac ibi motionis terminum facit: unde principium factum erat. quod quidem facere non potuisset, nisi etiam (ut ita dicam) descendisset. quare cum unus eius motus numero tantũ fuerit, simul sursum, & deorsum eam lineam motam fatari necesse est. quod etiam in extremitatibus dimetientis uideri potest. cũ primum enim alter terminus deorsum tendet, alterum ascendere necesse fuerit. Atqui hoc nonnullis ansam præbuit ad multa conficienda, quæ nos admiratione suspensos detinent. cum enim
huius-

buiusmodi aduersum motum in circuli natura contem-
plarentur, ex hoc confici posse excogitarunt, ut una
motione, multi circuli, alius aduersus alium, simul
contrario motu circūferrentur. itaq; pluribus conse-
ctis orbiculis, opera quaedam uulgo admirabilia fa-
bricarunt, cuiusmodi illa sunt, quæ græci uocant: πίνυ-
µετα, αὐτίοµετα, αὐτόνοµετα, & alia id generis, quæ
ex se dum motus causam in recessu celarent, cieri ac
moueri uidebantur, ac in locis sacris, & in Theatris
spectaculi gratia proponebantur. Huius generis sunt
quā plurimæ horologiorum formæ, ac omnes demum
machinæ, quæ uarijs rotularum uersationibus cōstruun-
tur. quales etiam erant illæ, quas tertio ab hinc an-
no, præstigiatores quidam, seu præstrictores, ut ex ad-
miratione hominum lucrum facerent, per urbes & op-
pida circūferrebant. Memini enim inter alias huius-
modi constructiones, puellulam quandam me uidisse,
mira arte compactam, quæ ex orbicularum & rotula-
rum motu, speciem uiuentis puella præferret. quæ
ex se ipsa aptissima agitatione mēbrorum omnium pro-
gredi, ac modo tympanum, modo cytharam pulsans,
mira uenustate atq; oris nutu, choream ducere uide-
retur. Hæ itaque machinæ, constructionesq; omnes,
ex hoc (ut dixi) quod unica motione multi contrario
mouerentur circuli, ortum habent. Quod ut ma-
nifestius elucescat describantur circuli. *A, B, C, D.*
E, F, G, D. Et *I, K, L, M*, sese consequenter, ac
contingentes positi. Cum ergo circulum, *A, B, C,*
D, contingat circulus *E, F, G, H*, moto sic dime-
tente *A, C*, ut *A*, sursum, *C*, deorsum, hoc est *A*,



uersus. B, C, autem uersus. D, feratur: necessario seque-
tur circulum. E, F, G, H, a contingenti primo circulo
impulsum, in contrariam partem moueri. adeo quod
pars sinistra dimetientis. E, G, hoc est. E, deorsum
uersus H, G, uero uersus F, circumagatur. cuius con-
trarium iam diximus fieri a dimetiente primi circuli,
A, C. Nec dissimili etiam ratione circulus E, F, G, H,
circulum sibi contingentem, propter eandem causam,
I, K, L, M, in contrarias partes sibipsi mouebit. dime-
tens enim I, L, ita feretur, ut sinistra pars, quæ est I,
sursum sicut A, L, autem sicut C, uersus M, deorsum
circumferatur. ac rursus, si plures erunt circuli disposi-
ti, uno solo circumactio, idem efficere necesse est. Hanc
itaq; naturam formæ circularis animaduertentes Ar-
chitecti, quàm plura in dies (ut diximus) instrumenta
conficiunt, quorum principia, & causas occultates, id
solum, quod admirationem præbet, palam faciunt: &
ad quam plures artes huiusmodi instrumenta applican-
tes, maximo illis adiumento fuisse existimati sunt. quã-
obrem concludere indubitanter possumus, duabus si-
mul motionibus contrarijs moueri circulum, quod ter-
tium admirandum in eius natura proposuimus.

De quarta dignitate formæ circularis.


Cap. I I I.



RESTAT modo quartam huius figura dignitatem explicare, quod scilicet unica existente lineâ, quæ a centro est, non eadem uelocitate mouetur tota: sed eo uelocius eius pars mutatur semper, quo magis a centro distat: cum enim illud dicatur uelocius moueri, quod uel in minori tempore, æquale conficit spatium, uel eodem tempore maius interuallum pertransierit: pars autem lineæ, quæ magis a centro remota est, maiorem eodem tempore describat ambitum: hinc est, quod celerius pars illa, reliquis partibus circû agitur. Quod autem uerum sit remotiorem a centro lineam, eadem uelocitate commotam, maiorem quam illa, quæ minus abest, ambitum eodem tempore designare: iam manifestissime apparebit, si primum ostenderimus, tum duabus ferri motionibus, quæ circulum describit, lineam, tum etiam ambas has lationes, in nulla ratione sibi inuicem deuinctas esse. non solum enim circulus ipse, duobus contrarijs simul fertur motibus, sicut supra iam demonstrauimus: sed illam met lineam circulum describentem, binis in nulla proportionem duci lationibus, necesse est. siquid enim duabus motionibus in aliqua conuenientia duceretur, necessario per lineam rectam tenderet: quæ qui dem eius quadranguli dimetiens efficeretur, qui ex lateribus eiusdem conuenientiæ seu analogiæ constitueretur. Quod ut clarius eluceat, describatur hæc figura. sitq; proportio, secundum quã quip-

I N Q U A E S.

piam fertur, quàm habet A, B , ad A, C , sitq; quod fertur A , quod quidem ex se moueatur uersus B , de-




feratur etiam uersus C , simul motum cum A, B , linea, quæ ad M, C , transferatur. sit autem A , ex se motum usq; D , delatum uero cum A, B , usq; E . Quoniam igitur ex concessu data est lationis ratio, quàm habet A, B , ad A, C , necesse erit A, D , ad A, E , eandem habere rationem. quare in eadem sunt dimetiente A, M , ex conuersa uigesima quarta propositione Sexti Euclidis. Ex qua habetur, quod omnes quadranguli æquidistantium linearum, qui circa eandem lineam dimetientem constituantur, sunt toti, & sibi inuicem similes, hoc est eiusdem rationis. eadem ergo linea dimetiens est quadranguli A, D, F, E , & E, A, B, M, C , atque ob id A , erit in puncto F , cum A, D , linea sit æqualis F, E , A, E , uero ipsi D, F . Eodem etiam ostendetur modo, ubicunq; latio terminabitur. semper enim A , in dimetiente reperietur, atque ob id A , duabus lationibus in laterum ratione datis, in dimetiente A, M , feretur semper. Ceterum si A , duabus

bus

bus motionibus non in ratione quam habet A, B , ad A, C , feretur, sed in quacunque alia ratione, tunc quidem non in dimetiente, A, M , latum erit, sed in quapiam alia linea, recta tamen. feratur igitur A , secundum quandam aliam rationem, ex se uersus B , & delatum uersus C , ita quod quo tempore suo motu ad O , uenerit, delatum ad N , accesserit: tunc certum est, quod quadranguli A, O, P, N , & A, B, M, C , non sunt in eadem linea dimetiente A, M , sed quadranguli A, O, P, N , facta est diameter uerbi gratia A, P . A , igitur latum secundum datam rationem, quam habet A, O , ad A, N , erit in puncto P , atque ob id quamuis per lineam A, M , latum non fuerit, per A, P , tamen quæ etiam & ipsa recta est, translatum erit. Quamobrem concludendum esse arbitror, quod quicquid duabus motionibus in quacunque ratione datis, deferretur: illud secundum rectam protendi lineam necesse est. Et uice uersa, quicquid orbiculato ambitu latum erit, id in aliqua duci ratione nunquam posse. nam si in quapiam ratione ducetur: tunc ex iam dicta Euclidis sententia per rectam lineam, quæ quadranguli eiusdem rationis dimetiens erit, deferretur. quæcunque igitur in nulla ratione, nullo in tempore lata fuerint: recta ferri ratione, non possibile est. nam si recta erit, posita tunc in diametri locum ac completo quadrangulo, illud quod ferebatur: secundum rationem quadranguli laterum ut diximus, deferretur. posuimus autem ex concessu, quod

in nulla ratione mouebatur : secundum rectam ergo non deferetur atq; ob id circulariter ipsum moueri necesse fuerit: quod ostendendum erat . Sed forte quispiam dubitauerit . nam & si concedatur id, quod duabus lationibus in nulla ratione fertur, secundum rectam non ferri lineam : non ob id tamen sequitur , circulariter latum esse . non enim qualibet non recta linea, circularis est . Huic dubitationi respondendum est, quod ex eo, quod Aristoteles addit, in nullo tempore, concluditur ipsa motio circularis . si quid enim binis lationibus, in nulla ratione, in qua uis modica temporis parte deferetur, illud forte, quamuis non per rectam , per orbiculatam tamen lineam non agetur . sed cum primum in nullo tempore adiunxerimus, tunc circuli lationem concludemus . Quod autem binis ducatur mutationibus , ea quae circulum describit linea (quod ex concessu in superiori demonstratione assumpsisse uisi sumus) quamuis ex his , quae diximus patere possit : ex hoc tamen magis etiam elucescet . quod scilicet si unica tantum latione duceretur, ad unam solummodo situs differentiam, progredieretur: quare recta esset latio, ut ostendi potest ex his, quae habentur ab Aristotele in primo Caeli . quod autem ad diuersas situs differentias tendat simul Circulus , circulumq; describens linea , iam in praecedenti capite ostensum est . Quin etiam , si recta tenderet circulum designans linea, nunquam ad perpendicularum diametro collocabitur: & tamen contingit, ut & ipsa a centro perpendicularis efficiatur . quod ut manifestius percipi possit, describatur haec figura . ubi linea F, B, circulum descriptura intelligatur.

ligatur. Tunc palam fit, quod si unica tantum latitudine feretur in circulo describendo, ipsam semper per re-



ctam progredi necesse est: cum omne quod unico motu ciatur, ad unam situs differentiam tantummodo mouetur. F, B , ergo si per rectam feretur, nunquam ad perpendicularum diametri protensa, F, D , peruenire poterit. & tamen, si circulum descriptura sit, fieri illam quandoq; perpendicularem ex centro, F , ad F, D , necesse est: quando scilicet ad ipsum accedet, C , quare sequitur, quod non unica, sed duplici motione ferri debeat, si circulum designauerit. sed si recta accesserit ad ipsum, C , ulla quidem erit B, C , in ratione igitur facta erit motio, quam habet B, E , ad E, C , ex iam dicta sententia Euclidis completo namq; quadrangulo, B, E, C, M , B, C , dimetiens eius euadit. sed ex priori demonstratione assumpsimus, in nulla ratione ipsum B , moueri: ergo non secundum rectam lineam facta est motio. quò fit ut secundum curuam lineam fieri conclu-

di possit . quam quia non solum in nulla ratione , sed etiam in nulla ratione in nullo tempore , facta est motio , circularem esse necesse erit . quod oportuit ostēdisse .

Quænam in circulo sit motio secundum naturam , & quæ præter naturam , vnde habetur completa quarta dignitas figuræ circularis . Cap. IIII.




V O N I A M iam euidenter demonstramus , tum duabus ferri motionibus , quæ circulum describit , lineam : tum etiam duas hæc motiones , in nulla ratione sibi inuicem deuinctas esse : quæ duo paulo superius proposuimus demonstranda : reliquum est , quid nam ex his iam sequatur , ostendere . quod scilicet unica existente linea , quæ a centro est , non eadem celeritate mouetur tota , sed eo uelocius eius pars mutatur semper , quo magis a centro longinqua est : eodem tempore longius transiens interuallum . siue (quod idem est) quod quæ magis a centro abest linea , eadem uel commota , citius fertur , quam minus distans . quod quartum in figura orbiculata mirandum esse , in secundo capite affirmamus . Huius ergo rei ueram ac proximam causam ostendamus . Quotiescunq; duorum eodem impetu , siue eadem potentia latorum , hoc quidem magis repellitur , seu potius in aduersum retrahitur : illud uero minus : rationi consentaneum est , tardius id moueri , quod retrahitur magis , sed illarum linea-

TUM,

runt, quæ ex centro circulum describunt, quarum altera maior sit, altera minor, eadem uero motarum: illa quæ minor est, proximiorq; manenti centro: magis ad medium, quasi in contrarium trahitur: quàm quæ maior. sequitur ergo, quod lineæ minoris extremitas, seu tota lineæ, feratur tardius. Propositio ipsa ex se patet. quicquid enim in suo cursu impeditur, aut in aduersum repellitur: tardum fit magis, quàm si uel minus, uel nullo pacto impediretur. Assumptione uero probabimus, si illud primum nobis ex media naturali Philosophia assumpserimus. quod scilicet quicquid duabus latioribus simul mouetur earum alteram sibi naturalem, alteram uero præter eius naturam, contingere necesse est. Quo assumpto habito: quoniam iam demonstrauimus quamlibet lineam, quæ circulum describit, quantacunq; fuerit, duabus motionibus simul ferri, consequitur ergo alteram sibi esse naturalem, alteram uero præter naturam, ac quodammodo uolentam. naturalis latior illa dicitur, quæ secundum ambitum est, non naturalis uero, quæ in aduersum ad centrum fit. uidetur enim centrum ipsum quod manens est, retrahere, ac reuocare lineas omnes, quæ ab ipso exeunt: quasi legem ipsis imponat, ne ab eius solio longius remoueantur, quàm sibi libeat. uult enim omnium linearum a se egredientium extremitates, æquo semper intervallo a seipso distare. nulla igitur linearum extremitas, secundum eius naturalem cursum, potest suo arbitrio longius uagari ac spatari, quàm sibi lege positum fuerit, qua lege ad centrum ita semper retrahitur,

I N Q V A E S.

ut ab ipſo æquum intervallum ſervare poſſit. Atqui quemadmodum Regibus, ac Principibus evenit, ut quo magis gentes, ac nationes aliqua, quæ ipſis ſubiectæ ſint, longo terrarum tractu ab aula regia longè fuerint, eo minus eorum legibus, ac iſtitutis uiuant, atq; imperium uereantur, & minus etiam ſi peccauerint, puniantur: ita etiam centrum, quaſi in circulo Princeps ſit, quo magis linea ipſa longius producentur: eo minus naturalis earum motus impediatur, ac minus etiam ad medium retrahentur. Atq; ob id evenit, quod linearum ex cætro egredientium, illa minor, quæ centro uicinior eſt: magis mouetur præter naturam, hoc eſt magis retrahitur: quàm linea maior, quæ uerſa uice in longinquum protenſa, minus præter naturam mouebitur, quam illa minor. Quod ut manifeſtius appareat, deſcribatur circulus B, D, E, C, maior, & M, N, O, P, minor circa idem centrum A, protrahanturq; dimetientes in maiori quidem circulo B, E, & D, C, in minori uero M, O, & N, P, protendaturq; linea contingens circulum in puncto B, quæ ſit R, K, compleaturq; ex R, K, & D, C, quadrangulus rectorum angularum, qui ſit D, K, R, C. Hac deſcripta figura, ante aquam ulterius accedamus, ut clarius cognoſcatur in circulo motio naturalis, & motio præter naturam, dico quod in linea mota A, D, eius extremum quod eſt D, motu ſuo naturali, qui ſecundum ambitum eſt, mouebitur in partem dexteram (non quod in circuli natura, ut diximus, ſi dextrum, uel ſiniſtrum: ſed cum ſic loquimur, ſitum ſcribentis aut legentis reſpicimus, ut ſenſus ipſe acquieſcat



quiescat magis) mouebitur inquam punctus D, ex sui natura, ad partem dexteram, exempli gratia, hoc est uersus K, totum ergo interuallum, quod uersus eiusmodi partem acquirit confectum dicitur ex motu naturali: ita quod si solummodo naturali motione progredetur, per lineam rectam uersus, K, tenderet. uerum quia altera latius præter naturam simul mouetur, dum a centro trahitur: sequitur quod dum uersus K, ex sui natura progreditur: simul etiam, ut aequo interuallo semper a centro distet: tanto spatio retrahentur, ad A, accedens: quanto magis semper distaret, si ex sui natura tantummodo moueretur. obiter tamen T, animaduersum uelim, quod id quod in motione

circuli, præter naturam dicimus, non aliquid vere
 uiolentum, ac naturæ simpliciter repugnans, intel-
 ligendum est, motus enim circularis, sicut reliqui duo
 recti: simplex est, ut in motione orbium cælestium
 perspicere possumus. sed quod cum Aristotele hoc in
 loco, præter naturam nominamus, quippiam quasi
 ut ita dicam secundarium, intelligimus. motio enim
 secundum ambitum peculiarior lineæ circulum descri-
 benti, est, quam regressus ad centrum. Ad pro-
 positum ergo redeuntes, dicimus quod moto puncto,
 D, latione naturali uersus K, clare quidem patet,
 quod si ex sui natura tantum ciceretur, recta uer-
 sus K, tenderet. tendat igitur uerbi gratia usq; ad
 V, & producat lineam ab V, ad M, quæ secet cir-
 culum maiorem in puncto I, & ab I, descendat per-
 pendicularis ad lineam D, A, sitq; linea I, H; di-
 co igitur quod D, ex sui natura, si nulla alia latione
 moueretur, recta pertransisset ad V, & tunc quidem
 magis distaret a centro A, quam ante initium sui
 motus. Verum quoniam ut diximus altera latio-
 ne præter naturam simul fertur, hac quidem latio-
 ne, ut æquo semper interuallo a centro distet, ad cen-
 trum ipsum tanto spatio repulsum est, quanto, si re-
 tractum non fuisset, longius abesset quam prius.
 Cum enim ex sui natura, si non retraheretur, perue-
 nisset ad V, illuc, retractum peruenire non potuit,
 sed tunc erit in puncto I, ablatumq; fuit de suo motu
 naturali, uersus centrum, interuallo ferè V, I, uel
 D, H, quod idem est. qualibet enim distantia, secun-
 dum perpendicularum mensurari debet: cum in quolibet

generis mēſura debeat eſſe quid minimū in illo genere. Eodem pacto hoc idē oſtendi poteſt in toto ambitu circulari : ita quod , ut ſemel dicam , quælibet linea , quæ a centro egreditur , ſi motu ſuo tantum naturali duce retur , uerſus illam partem reſta ſemper tenderet , ad quam mouetur . ſed quia ſimul alia latrone præter naturam moueri ipſam opus eſt : neceſſario ad centrum , ut æquo intervallo ab ipſo diſtet , trahetur ſemper . quæ retractio ſiue repulſio in longioribus lineis minor eſt : tum quia earum extrema magis a centro manente , & uim faciente remotæ ſunt : tum etiam quia , quo maior eſt circuli ambitus , eo magis ad lineam accedit reſtam . ita quod ſi ex eadem reſta linea , portio quædam minoris circuli , conſtituenda eſſet , magis oporteret ipſam incuruari , atq; in gibbum reddi , quàm ſi ex ipſa maioris circuli portio quæpiam conſtituere- tur . Sed cum ſatis iam euidenter , ni fallor , declarauerimus , quiſnam ſit motus naturalis , & quis præter naturam in linea circulum deſcribente : ad propoſitū modo reuertentes , oſtendere debemus ex deſcripta figura id , quod paulo ſuperius pollicebamur . quod ſcilicet linearū è centro egredientium , ac circulum deſcribentium , minor illa , quæ centro uicinior eſt , magis mouetur præter naturam , hoc eſt magis a centro manente reuocatur , atq; ob id tardius fertur , quàm maior linea : in qua uice uerſa cōtraria penitus ratio reperitur . Hoc igitur ſic demonſtrabimus , repetita quidem ſuperiori figura . Nam ſi A, B , maior linea circulum deſcriptura , ad illum met locum redierit , unde progreſſa eſt , ma- niſeſtum eſt , quod ad ipſum met locum A, B , feretur

I N Q V A E S.

tandem. atque eodem pacto A, M , minor, minorem circuitum descriptura, ad locum A, M , demum perveniet. dico itaq; quod tardius feretur A, M , quam A, B , secundum naturam, quia maior fit repulsio in ipsa A, M . Moveatur namq; linea A, M , usque ad aliquem locum, verbi gratia ad punctum L , & producat a centro linea A, L, F , & a signo L , ducatur perpendicularis ad A, B , sitq; L, Q , ab eodemq; L , protrahatur linea æquidistans ipsi A, B , usq; ad S , sitq; L, S , ab S , autem cadat perpendicularis ad A, B , ipsa videlicet S, T , quæ æqualis est ipsi L, Q , ex xxxiiii. propositione primi Euclidis. ubi habetur quod quadrangulorum æquidistantium laterum, latera ex aduerso sunt æqualia. ex motu igitur puncti M , ad L , confectum fuit spatium secundum naturam, quod metitur linea Q, L , quodlibet enim spatium perpendicularo mensuratur. ex latrone vero puncti B , ad S , intervallum quod B , secundum naturam fecit, metitur ipsa S, T , cui ut diximus est æqualis L, Q , motiones ergo secundum naturam M , ad L , & B , ad S , sunt æquales, motus vero præter naturam inæquales. maior enim confectus fuit a puncto M , quam a B , nã cum primum M , accesserit ad L , trãslatum erit præter naturam intervallo M, Q , ut patet ex his quæ diximus superius. quando motum præter naturam declaravimus. B , vero cum venit ad S , ob eandem rationem, non naturaliter, intervallo B, T , latum erit, minori scilicet, quam M, Q , ut ostendi potest ex ijs, quæ habentur ex doctrina sinuum rectoriũ, & versorum. probat enim Gebrus, & Ioannes de Monte regio, quod eadem

eadem linea, siue æquales linea, si in circulis non æqualibus, perpendicularares fiunt ad dimetientes circulorum: maiorem sinum uersum, hoc est maiorem partem absindunt ipsius dimetientis, in minoribus circulis, quàm in maioribus. quod aliunde nõ prouenit; nisi ex eo quod eadem linea, uel æquales, si portiones minoris circuli debeant fieri: magis incuruatur, ac in gibbum deformantur, quàm si maioris. maior igitur est linea. M, Q , ipsa. B, T . & æqualis est. Q, L . ipsi T, S . hoc est motus naturalis motui naturali: latio igitur secundum naturam æqualis est, ea autem quæ præter naturam, non æqualis: uelocius ergo A, M . minor præter naturã mouetur, quàm A, B , maior, quod erat primum declarandum. Quod autem ob id A, B , maior celerius moueatur secundum naturam, quàm A, M , minor, palàm etiam patet. Nam quoniam necesse est quaslibet lineas tam maiores quàm minores, in circulis eadem uel motis, tam secundum naturam, quàm præter naturam, in eadem ratione circumferri, ita quod quæ sit in maiori linea, ratio motus præter naturã, ad naturalem: ea etiam sit in minori: hinc est, quod in descripta figura, quò tẽpore linea, A, M , minor peruenerit ad L . oportet quod A, B , transierit ultra punctum S , nam in ipso S , non reperitur ea ratio motus, quàm requirimus; sed motus tunc naturales in maiori, & minori linea, ut probauimus, sunt æquales: præter naturã uero, maior est motio in minori linea: cum M, Q , sit maior ipsa, B, T . quare ad hoc, ut ratio motus naturalis ad præter naturam in uno, sit eadem quæ in altero: opus est, quo tẽpore, M , ad L , latum

I N Q V Æ S.

fuerit, B, maiorem ambitum peregrisse, quàm sit B, S, ac eò tandem peruenisse, ubi prædicta contingat ratio. quod existente M, in L, in uno tantum loco contingere potest, qui est ubi F, quo in loco motus secundum naturam ipsius B, erit ipsa perpendicularis F, X. præter naturam uero B, X, cum ex perpendiculari, ut diximus, huiusmodi interualla, dignoscantur. quo tempore igitur punctus M, translatus fuerit ad L, B, ad F, necesse est peruenisse: ubi ea ratio contingit, quæ requiritur. nam quam habet rationem F, X, secundum naturam ad B, X, præter naturam in maiori circulo; illã met habet etiã L, Q, secundum naturam ad M, Q, præter naturam in minori. quod clarins patebit si ducantur à puncto B, ad F, & ab M, ad L, lineæ B, F, & M, L. tunc enim uidebimus ex quarta propositione Sexti Euclidis, quod quam conuenientiam habet F, X, cum B, X, in triangulo B, X, F, eam habebit & L, Q, cū Q, M, in triangulo M, Q, L, æqualium. n. angulorum sunt isti trianguli. angulus enim M, Q, L, est æqualis B, X, F, cum ambo recti sint. angulus uero Q, M, L, æqualis est angulo X, B, F, ex XXXIX. primi Euclidis propositione. nam æquidistantes sunt M, L, & B, F. si enim intelligamus duos triangulos A, M, L, scilicet, & A, B, F, cum angulus in A, sit cõmunis utriq; triangulo, sequitur ex XXXIII. propositione primi Euclidis, quod anguli, A, M, L, & A, L, M, simul sumpti sint æquales angulis, A, B, F, & A, F, B, identidem simul sumptis. & cum lineæ A, M, & A, L, sibi sint æquales ob diffinitionem circuli:

li:


li: quinetiã & lineæ A, B , & A, F : sequitur ex quinta propositione primi Euclidis, quod anguli A, M, L , & A, L, M , sint æquales: & angulus A, B, F , æqualis sit angulo A, F, B . quare necessariò sequitur ex cõmuni cõceptu mentis, omnes hos quatuor angulos sibi inuicem æquales esse: ac propterea lineas M, L , & B, F , sibi, ut dicebamus, æquidistare. Quamobrem, ut iam diximus, necesse est, eam esse rationem F, X , ad B, X , quæ est L, Q , ad Q, M , & ex permutata ratione, qualis est F, X , ad L, Q , talem esse B, X , ad M, Q , qualis scilicet est motus naturalis, ad naturalem, talem esse motum præter naturam ad præter naturã. Quod si quis, quo tempore M , ad L , peruenerit, existimat aliò peruenisse ipsum B , quàm ad F . is rationem, & convenientiam omnem euertet, quàm diximus in motione literarum, in circulis eadem ui motarum, inueniri semper oportere. Quò fit, ut maiorem circuitum transierit in eodem tempore A, B , maior lineæ, quàm sit circuitus B, S , qui æqualis est ambitui M, L , quem eo tempore A, M , minor peregerat. quare ex dffinitione uelocioris, celerius lata est lineæ A, B , quàm A, M , maior scilicet, quàm minor. quod tandem oportebat demonstrare. Quam ergo ob causam ab eadem ui celerius fertur punctus ille in circulo, qui magis à centro distat, ex his, quæ iam diximus, manifestum esse arbitror. & hoc erat postremum quatuor mirandorum seu quatuor dignitatũ, quas in orbiculata-figura, reperiri, nos superius in secundo Capite, proposuimus. atq; hoc idem magno nobis erit usui in quæstionibus inferius explicandis, ut uidebimus.

De Veſte & Libra, quid ſint, & quod ad Circulum referantur. Cap. V.



Oſteaquam ſatis abundanter, ac ſortasse nimis prolixè enucleauimus: quam ſit admirabilis Circuli natura: rationi poſt hac diſſonum non uidebitur, quam plurimas machinationes, atq; inſtrumenta, mira excogitatione ad ſuperandam naturæ uim fabricata, quæ ex hac orbiculata forma ortum habent; admirationem hominibus præbere, ex admirabili enim mirandum contingere, ac oriri quippiam, rationi conſentaneum eſt: cum ſemper effectus ſapient quodammodo naturam cauſa: Quod autem cunctarū ferè huiusmodi machinarum cauſa & principium circulo deferatur, ex eo patet, quod, cum omnia ferè, quæ circa mechanicas ſunt motiones, ad ueſtem; quæ uero circa ueſtem ad libram: quæ tandem circa libram ad circulum, tanquam ad ſui primam originem referantur: ſequitur, ſi ratiocinationem collegerimus, mechanicas omnes lætiones, ad huiusmodi formam orbiculatam redigendas eſſe. Quæ res ut melius declaretur; quid per ueſtem, & quid per libram intelligendum ſit, explanandum eſt. Veſtitiū itaq; plura ſunt genera. eſt enim ueſtis inſtrumentum quo clauditur oſtium. Eſt autem, quo uinaria torularia comprimuntur, quinetiam ueſtis eſt, quo in trochleis ductarius funis uoluitur. Sed, quod ad rem modo noſtram attinet, ueſtis inſtrumentum quoddam eſt, ſiue ligneum, ſiue ferreū, ſatis oblongum. cuius altera extremitas, cum in formulam lingulæ


lingulæ cuiusdam redacta sit: quam ob id lingulam, siue patellulam vulgo uocant: ponderi eleuando subiicitur: quod quidem tunc eleuabitur, cum quapiam re firma, cui uellitis innitatur propè lingulam substrata, altera uellitis pars deprimeatur. Describatur enim hæc figura, in qua intelligatur uellitem esse lineã A, B , cuius lingula sit, A , cui superimponatur pondus summo- uendum, sitq; illud C , superior autem extremitas quæ deprimenda est sit, B , cui applicetur uis aliqua moto- ris, quæ sit, D , illud autem, quod substerni debet (cuidã enim rei fixæ semper debet inniti motus) sit, K , quod



quidem proximius est ipsi, A , parti scilicet habenti pondus, quàm ipsi, B , potentia scilicet deprimenti. si qua ergo uis, uellitis extremitas, quæ est, B , deprimeatur, uerbi gratia usq; ad G , tunc necesse erit, pondus usq; ad F , eleuatum iri. illud autem quod uelli substernitur graeci uocant ὑπομάχλιον, siue ὑπερὸν, nos forte fulturam, siue fulcimentum recte uocabimus. Alius autem est usus uellitis, cum scilicet lingula ipsa nõ ponderi subiicitur, sed terræ, uel cuipiam manenti ualido,

I N Q V A E S.


quod fulcimenti vicem gerit, innititur. pondus uero uecti ipsi prope lingulam imponitur. ita quod altera uectis extremitas, a uis quæpiam momente nõ depressa (ut prior uectis usus postulabat) sed ad superiorẽ partem eleuata, pondus ipsum commoueat, ac sursum tollat. ueluti in hac figura. sit enim uectis A, B, cuius lingula, A, qua terræ, seu alicui corpori ualido in-



nitatur quod sit D, pondus extollendum sit M, uis eleuans. C, si qua enim uis uectis extremitatem scilicet B, eleuabit usq; uerbi gratia ad G, pondus etiam sursum latum fuerit ad H, D, uero terra scilicet, fulcimenti vicem obtinet. Uectis itaq; illa est, quam diximus, & ij sunt eius usus. Libra uero etiam & ipsa, instrumentum quoddam est, siue ferreum, siue aeneum, siue ligneum, satis oblongum, in cuius medio foramen est, intra quod est lingula quedam, siue stylus, qui quo pondus uergit, exit: quem stylum examen uocant. foramen autem illud πᾶγρον græci dicunt, nos autem trutinam nuncupabimus. uiscula uero illa concava: quæ utraque ex parte à libræ extremitatibus pen-

dent,

dent, lances dicuntur, trutina uero uicem tenet centri circularum à duabus libræ extremitatibus descriptorum. ac examine illo: libræ æquamentum siue libramentum, examinari debet: hoc est cognosci, si libra ipsa, ad id, quo suspenditur, ad angulos rectos residet. eo enim usq; fit libratio, donec examẽ ipsum è trutina non egrediatur. nam quamuis proprie trutina foramen sit illud, quod diximus, accipitur tam crebrò, pro toto appendiculo, quo per foramen libra suspenditur. Describatur itaq; huius, quàm diximus figura libræ. in qua trutina sit D, A , cuius extremum, quod est A , centrum est circularum ab ipsis $B, A,$



& A, C , descriptorum, examen uero sit ipsum, E, A , quod non exit à D, A , cum primum ad libramentum peruenit libra. Nunc uero explanatis iam & uellis & libræ diffinitionibus, reliquum est, ut

I N Q U Æ S.

ad propositum redeuntes, ostendamus uectem ad libram, et hanc ad circulum tandem referri. quod enim omnia ferè, quæ accidunt in mechanicis motionibus, redigantur ad uectem, inferius in quæstionibus mechanicis explicandis manifestum erit. Uectis itaq; si primum, quem diximus, eius usum considerabimus, quicquid potest (potest autem plurimum) libræ tamè acceptum refert. nam fulcimentum trutina euadit libræ, fitq; centrum circulorum descriptorum ab extremitatibus uectis, tanquàm à duabus libræ partibus. potentiam autem mouens, quæ alteram extremitatem deprimit, ponderis & ipsa uicem obtinet. ita quod cõnis ipsa depresserit, clare apparebit maius in ipsa pondus existere, quàm in altera extremitate, eleuando subiecta ponderi. atq; ob id eleuari ipsum, atque à ui mouente superari necesse est. sicut eadem ratione de duobus ponderibus accidit, quæ in libræ lancibus imponantur. Eodem autem pacto, quantum ad alterum uectis usum attinet, uidere possumus, quod terra ipsa, quæ fulcimentum fit: non solum centri libræ, sed alterius etiam eius lancis uicem gerit: ut in figuris quas superius designauimus, facillimum est uidere. Rursus libra ad circulum referri debet, eius enim trutina fit centrum circulorum, quos extremitates libræ, si uel eleuentur, uel deprimantur descriptura sunt: ut in eius superiori figura luce clarius cuiuslibet non penitus rudi apparere potest. quamobrem concludi posse arbitror, et uectem ad libram, & ad circulum illam necessario redigendam esse, quod declarandum in hoc capite proposuimus. Sed ad Quæstiones accedamus.

Q U Æ S T I O =

Q V A E S T I O N E S.

Quæstio Prima. Cap. VI.



*V*nde est, quod maiores Libræ exactiores sunt minoribus & hoc est magis exacte ostendunt pondus eorum, quæ perpenduntur. ita quod nonnulla, quæ in minoribus libris imposita, non manifestum ostendunt pondus: si mox in maioribus imponantur, eorum pondus: apparet magis: An quæ trutina libræ sit centrum: partes autem libræ utrinq; à trutina productæ, fiunt lineæ à centro circulorum, quos describunt. Cuni autem in minoribus libris, partem earum, cum breuioribus existant, angustiores describant circulum: in maioribus uero libris, amplior describatur ambitus: sequitur quod ab eadem ui, hoc est, ab iisdem prementibus ponderibus, uelocius mouebuntur maioris libræ partes, quàm minoris: cum iam probauerimus eò celerius circumagi lineam, quò magis à centro distat, ab eodem igitur pondere, eo citius moueri necesse est extremitates libræ, quò magis à trutina distant: quod in maioribus accidit libris. Quoniam ergo ex maiori uelocitate motus, distinctius uis mouentis, quæ pondus est, dignosci potest: ob tarditatem uero sensum quandoq; latet: concludi profecto poterit, quod libræ maiores minoribus exactiores sunt. atq; ob id sæpe uideri possumus, in parua quapiam libra, quippiam imponi non multi ponderis, ex cuius nitu, libræ motus

I N Q U Æ S.

sensui non appareat. & forte adeo modici ponderis illud erit, ut libra uere etiam non moueatur, quod idem tamen, si in maiori pendatur libra, confestim eius declinatio apparebit: quoniã ab eadem ui citius, ut diximus, ac facilius mouetur linea, quæ magis distat à centro circuli, quem describit. Si cui tamen absurdum ui debetur, quod modo diximus: aliquod scilicet modici momenti pondus, in quapiam parua libra pendi posse: quæ non solum ob id mota sensui non apparebit, sed uere etiam non mouebitur. præsertim cum ratione cõcludi possit, quod, quia lancibus illis aliquid appositum est, quod ibi prius non erat, necesse est, uel illud nullius ponderis esse (quod falsum est ex concessu) uel pondus illud nutum aliquem nõ habere, quod absurdum relinquitur in natura. Hoc pacto dubitanti respondendum est, quod multa sæpenumero concluduntur uera, ex demonstracione, at que imaginatione mathematica: quæ tamen in rerum natura, dari nequeunt. Necesse enim est, exempli gratia, si abstrahimus imaginantes à materia naturali: lineam rectã non contingere globũ, nisi in puncto: nihilominus hæc in rebus naturalibus, reperiri nequit. si quidem, quãuis corpora cælestia ab omni labe immunia, sint perfecte rotunda, ac tornata: non ob id tamen à recta linea, possent ita contingi, ut quadam inter capidine nõ contingantur. Dico igitur quod ratio quam adducunt, qui eo modo dubitant, uerum concludit: sed modo mathematico, in naturalibus tamen, ob interpositam materiam naturalem, non concludit. Quare idest in causa, quod multi Pseudo philosophi hallucinantur, dum

multis ac prolixis questionibus, ueluti de maximo, & minimo, & huiusmodi: integros discurrant dies. & hoc præsertim (ut dicunt) occasione sumpta ab ijs, quæ scribuntur ab Aristotele in Sexto de Principijs naturalibus. non animaduertentes Aristotelem ipsum in illo libro, disputasse rationibus mathematicis, non naturalibus. Ad institutum nostrum itaq; redeuntes concludere possumus, exactiores esse maiores libras minoribus. propterea quod lineæ a trutina egredientes, quo maiores, eo uelocius eadem ui motæ circumagiuntur. Quamobrem ij qui purpuram aut crocum, aut quippiam huiusmodi uendunt: ut in pendendo decipiant, trutinam non ponunt in libræ medio: ut a longiori parte, si pendeat id, quod uendi debeat, magis deprimat, ac moueat, quam æquum sit. Quiritiam & plumbum in eam libræ partem infundunt, quam deprimi uolunt: seu lignum conglutinant, quod in nodis sit, seu ad radicem uergat, nodus enim est quedam radix: in eamq; ipsam lancem, quam deprimi uelint, sic constituunt, ut grauior lancis existens, facilius deferri possit.


Quæstio Secunda. Cap. VII.



Secunda quæstio, in qua uerbercle plurimum insudauit, ut cum uerbis sententia consentiret: ea est. Cur nam, si trutina in libra, storsum quidem fuerit: quando deorsum in altera lance lato pondere, quissiam id ammoverit, rursus ascendit libra: atq; ex se ipsa ad æquilibrium redit? si uero deorsum trutina constituta fue-


I N Q V Æ S.

rit, auferaturq; iam ad inferiorem partem delatum pondus : non ascendit libra, sed inclinata remanet. *Trutinam autem uoco, nō solum foramen ipsum, quod proprie trutina dicitur : sed simul etiam id, in quo libra sustentatur, ac pendet. An huius rei causa est: quoniam si sursum existit trutina, minorē tunc libræ partem, contingit deprimi, quàm dimidium. quare si pondus, è lance depressa ammoueatur : reliquā libræ partem, eleuatā scilicet, quia maior est, inclinari necesse est. cuius contrarium contigerit, si trutina deorsum fuerit. Quod autem minor libræ pars declinet, si in superiori parte existat trutina, ex eo palàm est, quoniam minor pars libræ extra perpendicularum deorsum est. nam cum primum ab æquilibrio discedit libra, in quo quidem æquilibrio, eadem sit linea, trutina cum libramenti perpendicularo : confestim quo uergit libra inclinata perpendicularum, ibi maior extitit pars libræ, extra perpendicularum libramenti, quod cum trutina*



idem

idem est. quare illa pars nutu suo, necessario praeualebit: & propterea declinabit. quod quidem eleuatae parti semper accidit. Verum ut magis euidenter quae diximus, percipiantur, describatur figura. in qua librae iugum in suo libramento sit B, A , (iugum enim dicitur, longitudo librae, unde lances dependent) trutina autem sursum existens sit C, E , libramenti perpendicularum, protensa C, E , deorsum erit E, D . Tunc nimis quopiam faciente pondere, descédat B , ad locum F , simulq; eleuabitur A , ad locum H , amoto tunc quidem pondere, confestim pars librae E, F , sponte sua eleuabitur, & ad libramentum reuertetur in B , Nam quoniam inclinata E, F , eius perpendicularum G, E , a perpendicularo libramenti, quod erat E, D , uersus eleuatam librae partem E, H , sejunctum est: sequitur eleuatam librae partem maiorem relinqui. atq; ob id magis etiam ingrauescere, & inclinare: siquidem perpendicularum libramenti, librae totius nutum in binas aequas portiones partitur solum, E, F , igitur ob id ascendet, & ad aequilibrium reuertetur. Si autem uice uersa, trutina in inferiori parte existat in libra; horum quae diximus, contrarium contingere necesse est. Namq; cum primum ab aequamento recedit libra (in quo quidem aequamento, eadem cum eius perpendicularo, sit trutina ipsius linea) illico ibi maior facta erit pars librae extra perpendicularum aequilibrij: quo inclinantis librae perpendicularum uerget. quapropter suo nutu impulsu, necessario illa pars superans declinabit. Quod quidem depressae atq; inclinatae parti, si deorsum existit trutina, semper euenit. Sed &



hoc etiam forte clarius apparebit, si figura describeretur. in qua, Libra in suo aequilibrio sit A, B , sitq; eius trutina deorsum collocata C, D , libramenti autem perpendicularum, extensa D, C sit. C, E , Tunc quopiam incumbente pondere, descendat, B , ad locum H , simulq; eleuabitur A , ad locum G , remototum. quidem pondere, nihil minus B , perseverabit in loco, H , & nequaquam ad libramentum redibit amplius. nam quia ex depressione, ac descensu libræ partis C, H , inclinata libræ perpendicularum, F, C , ab aequilibrii perpendicularo E, C , versus depressam libræ partem C, H , semotum est: necessario huiusmodi depressa pars maior relinquitur: atque ob id magis grauescet & inclinabit, C, H , igitur non ascendet, nec ad aequilibrium accedet amplius. siquidem perpendicularum libramenti, ut superiorius diximus, nutum totius libræ in duas aequales partitur

titur partes. Ex dictis igitur elucere potest, quomodo non iniurta existente sursum libræ trutina, pars libræ ab onere iam depressa, liberata pondere, sponte sua sursum tendet. si uero deorsum existat trutina, eius contrarium continget semper. Verum, ut dixi, deprauatus admodum est Aristotelis uerborum contextus in hac questione: ac ad habendam eius sententiam, contextuq; uerborum applicandam, non parum laborauimus, & materiale instrumentum adhibuimus: ut quæ demonstratione intelligebam, etiam sensu cognoscerem: qui in doctrina peripatetica ualet plurimum. Potest etiam confirmari, prima saltem pars huius questionis, ex hoc quod quodlibet pondus quanto magis descendit in libra, tanto minus grauescit: quoniam semper in descensu, per magis obliquum arcum mouetur, & ita minus directe. cuius oppositum accidit in ascensu. Qua de re, qui merces ex pondere uendunt, semper in lance libræ, plus ponunt mercis quàm satis sit; ut in descensu libræ, aliquid inde auferre debeant, tunc enim magis pondus ingrauescens fraudem facit, & inde lucrum.

Quæstio Tertia. Cap. VIII.




*V*r ab exigua uirtute, magna, uellis auxilio mouentur pondera: cum præsertim, & ipsius uellis addatur pondus. Nam cum facilius ui moueatur, quod minorem habet grauitatē, minor autem sit ponderositas rei motæ, deimpto uelle: quam si uellis, etiam adiungatur:

I N Q V Æ S.

mirum profectò uidetur, quod ab eadem ui, facilius unà cum uectè, quam absque illo, pondus ipsum moueri possit. An, quemadmodum in prima quaestione, libram ad circulum redigentes, quaestionem soluimus: sic modo uectem ad libram, ac deinceps ad circulum referentes, hanc nunc soluerimus. Nam uectem libram esse quandam, manifestum est. fulcimentum enim trutinæ uicem gerit, cæterum ex inferiori parte, centrumq; fulcimentum est in uectè, sicut trutina est in libra. Vectus autem partes, sicut etiam libræ, sunt lineæ à centro exiuntes, ac circulum ex motu ponderum describentes. & quemadmodum in libra, duo debent imponi pondera, in singulis lancibus quidem alterum: sic etiam in uectè, duo sunt pondera, alterum quod eleuari debet: alterum uero uis ipsa mouens: quæ cum deprimat, ac momentum faciat, loco ponderis existimanda est. Quoniam ergo iam probauimus, quod quò magis linea à centro distat, eò celerius, quia maiorem describit circulum, ab eadem ui mouetur, atque ob id facilius: necesse est, quod quamuis exigua sit uis, & quasi exiguum pondus: tamen quia, longitudine inuatur lineæ, maius pōdus moueat, quàm illa sit. quod enim est pondus motum ad ipsum mouens: illud uersa uice longitudo patitur à longitudine. hoc est, in quo, pondus excellit pondus, longitudo uincitur à longitudine, pondus enim motum, quia maius est, magis moueret ex sui natura, quàm uirtus mouens exigua. sed quia huiusmodi uirtus, longiorem à centro deprimat lineam: propterea, cum ab hac longitudine, non solum eius infirmitas compensetur, sed

etiam

etiam inuetur magis ; nil mirum erit, si pondus illud longe minus mouere possit . atque ob id eiusdem potentiae, eo facilius mouebit mouens , quo magis à fulcramento: hoc est à centro distabit. Cuius ostensionis sit



hec figura . in qua uelut sit *A*, *B*, fulcimentum *K*. pondus eleuandum *C*, uirtus mouens *D*, ut cuiuslibet, ex his qua iam diximus, patere potest.

Quaestio Quarta. Cap. I X.



V R. ii, qui in nauis medio sunt remiges, ac nauim mouent remigantes, magis illam propellunt, quam qui uel in puppi remigant, uel in pro- ra ? hoc enim sensui manifestum est.

An quia remus uelut quidam sit, cuius fulcimentum scalmus est. est aut scalmus tabella quaedam sic constituta, atq; cōpacta, ut remus illi inniti possit. cui quandoq; strophijs, ac loris quibusdam, siue fasciolis alligatur: quandoq; uero, ita scalmi conficiuntur, ut absq; aliquo ligamine, quibusdam semiapertis foraminibus, remi ad ipsos commodissime coaptentur. hos aut è nau-

I N Q U Æ S.

tae siculas uulgo uocant. scalmus itaq; fit fulcimen-
tum, cui innitatur remus, qui uellus est, cuius altera
pars, quæ palmula appellatur, ad aquas: altera in-
tra nauim ad remigem, à scalmò, tanquã à centro ten-
dit. aqua autem eius ponderis uicem gerit, quod sum-
moueri debet. mouens autem est ipse remex. Quoniã
ergo celerius, atq; ob id facilius, ut diximus, mouetur
uellis auxilio, pondus aliquod, quò magis à fulcimen-
to distat quicunq; mouet: ù minor ita fiat, quæ à cen-
tro linea: scalmus autem, quia fulcimentum fit, cen-
trum est: sequitur, quod in illi parte nauis celerius, ac
facilius eam mouebit remex, in qua longiorem remi
partem, à scalmò intra nauis parietes, uersus remigè,
procedi contingerit. quod proculdubio, in medio na-
uis euenit. ibi enim latissima est nauis: atq; ob id ma-
ior utrinq; remi pars, utrorumq; nauis parietum in-
transsecus est. uehementior igitur erit ibi propulsus na-
uis, quam si uersus puppim, uell: uerorã uersus fieret
remigatio. non ob aliud enim mouetur nauis, nisi quo-
niam appulso ad aquas remo, quæ ponderis commo-
uendi in uelle, uicem gerunt: extremitas remi, quæ
ad remigem est, in anterior em mouetur partem. nauim
uero, quod sca'mo coniuncta sit, simul eadem pro-
pelli cõtingit, quò remi extremitas, quæ intra nauim
est. Vbi ergo remus ipse, maiori interuallo retrorsum
impellit aquas: ibi etiam magis in aduersam partem,
hoc est anteriorem uersus, propelli nauim necesse est.
plurino autem interuallo, impelluntur aquæ cum fa-
cilius commouentur. hoc autem euenit, cum maior re-
mi pars, quàm cõtingere possit: à scalmò ad remigem
produ-

producetur . quod ob latitudinem navis, in eius medio euenire, manifestissimum est . & hanc ob causam remiges , qui in medio navis sunt : cum maxima tunc remi portio, quæ à scalmis est, intus sit , maxime illam pellunt : quod opus erat demonstrasse : demonstratio autem ita facilis est, ut figura descriptione supersedendum esse, arbitrati simus .

Quæstio Quinta.

Cap. X.




Vr paruum existens gubernaculum, & in extremo nauigio positum, tantum habet vim, ut ab exiguo clauo, siue temone, & ab unius hominis viribus, præsertim modice utentis : magnæ nauigiorum commoueantur moles ? Gubernaculum autem uoco, tabellam illam ligneam, quæ ad puppim in dorso navis posita est : cuius motione, ac istu, cum aqua in rectum diuidantur, oblique tamen cietur nauis . quod quidem instrumentum, temonem dicunt . uerum hoc loco temonem uoco, ansam gubernaculi, quæ in extrema puppi, intra nauim uergens, à gubernatore, ut res postulat, modico labore mutatur, quæ græce ἰσῆς dicitur . An quoniam gubernaculum uelutis est, onus mare, gubernator autem mouens est fulcimentum uero, ille est nodus, siue cardo, cui annectitur gubernaculum . qui quidem cardo, tanquam centrum est eius ambitus, qui à gubernaculi extremitatibus, utrinque describitur . Quemadmodum enim remus, mare ipsum transversum diuidens, atq; retrorsum reijciens : in anteriorem partem, nauim impellit sic etiam gubernaculum, mare in rectum stindens, atq;

I N Q V Æ S.

à latere illud pellens, nauim & ipsam oblique cōmo-
 uet. Nam non secundum latitudinem, ueluti remus,
 mare accipit gubernaculum: cum in anteriorem par-
 tem nauim mouere non debeat: sed ipsam commotū,
 aquam accipiens, inclinat oblique. etque ob id, cum
 pondus sit aqua, gubernaculum cōtrario innixum mo-
 do, nauim inclinat: fulcimentum enim in contrarium
 uersatur, cui cum adiūcta, ac quasi alligata sit nauis
 necessario illud sequitur. ita quod si mare dextrorsum
 pellatur, sinistrorsum tendit cardo, siue fulcimētum:
 quod ut diximus, nauis consequitur, siquidem guber-
 naculum, cum obliquum hæreat, obliquam etiam mo-
 tionem facit. remus uero, quia secundum latitudinem
 aquam ingreditur, ab ea repulsus, in rectum propellit.
 In extrema autem parte nauis, & non in medio, nec
 in principio, ponitur gubernaculum: quia, cum pri-
 ma cuiuslibet rei motæ pars, celerius moueatur: eam
 ab extremo, facillimū est mouere. Quod ita intelligen-
 dum est. Nam quicquid continuum existens mouea-
 tur: facillime ex illo extremo, in obliquum aptū est
 moueri, cui extremo adiunctus fuerit motor (de mo-
 tu enim uiolento loquor) siquidem alterum extremū
 uelocissime fertur. Sicut enim in ijs quæ iactu libran-
 tur, in fine ipsorum incipit languere motus: sic conti-
 nuæ rei, in fine imbecillis fit latio, ac minor utique re-
 sistentia. ab illa autem parte facilius res motæ im-
 pelluntur, ubi maior est imbecillitas, atque ob id mi-
 nor repulsio. Namque, siquid dextrorsum feratur:
 uelimusque illud sinistrorsum repellere: ex illa parte
 facilior impulsus fiet, in qua maior debilitas, & iccir-


co minor resistentia repellitur . quod proculdubio in eius sine contingit : cum prima eius pars, uelocissima aliarum sit, postrema uero imbecillima: & ob id facillima ad hoc, quod in cōtrariam partem repellatur . Propter hoc igitur, in extrema puppi ponitur gubernaculum . Ad hæc accedit , quod modica ibi motione facta : multo maius intervallum efficitur in ultimo : in prora scilicet : quam ultimam uocare possumus , si principium motus in puppi respexerimus . Id autem euenit, quia idem, sine æqualis angulus, quò maiores erunt lineæ illum continentes, eò maiore spectat basim : producantur enim lineæ in hac figura B, C, & E,



D, sese diuidentes in puncto A, protendanturque longiores uersus C, D, quam uersus E, B, ducanturq; lineæ B, E. C, D, G, I, & F, H, sicut in ipsa figura uideri potest . intelligaturq; longitudo nauis ipsa E, D, cuius puppis in E, prora in D, moueaturque puppis oblique, auxilio gubernaculi usque ad B, ita quod trās lata prora in contrariam partem, facta sit longitudo nauis, ubi lineæ B, C. Clare igitur patet, paruo inter

uallo mutata puppi, uidelicet E, B, longe maiori motam esse proram, spatio scilicet C, D. Atque etiã euidens est eundem angulum A, respicere basim, C, D, qui tamen angulus, si lineæ ipsum continentés, magis protraherentur, maiorem respiceret basim G, I, si uero magis F, H, maiorem: & sic deinceps. modica ergo motione in puppi facta, satis magna in pro-
 ra fiet. ac propterea gubernaculum, in altera nauis extremitate ponitur. in puppi autem & non in pro-
 ra, propter priorem, quam assignauimus rationem. Ex his autem, quæ dicemus, manifestum etiam esse poterit, tur magis in anteriorem partem procedat nauigium, quam remi ipsius palmula, retrorsum aquas repellat. Quoniam enim eadem magnitudo, usdem commota uiribus, plus in aere progreditur, quam in aqua, cum minorem in aere inueniat resistantiam: sequitur, quod remi palmula, quoniam in aqua mouetur, tardius, hoc est æquali tempore, minus interuallum retrorsum cõficiet, quam altera remi extremitas, quæ in aere in anteriorem partem impellitur. Describatur enim figura, in qua sit remus A, B, scalmus uero C, remi autem extremitas, quæ à remige per aerem mouetur, sit A, B, uero in mari palmula. transferatur itaq; A, in aere, ad locum, D, dextrorsum, uerbi gratia. tunc si B, motum esset etiam per aerem, translatum esset ad E, æquale conficiens interuallum, sicut & A, æqualis enim est lineæ A, D, lineæ E, B. Sed quia cum, moueatur per aquam ipsum B, minus moueri propter maiorem resistantiam, necesse est: non erit ergo translatum, ubi E, quo tempore A, ad D, iam peruenit,

nit, sed exempli gratia, ubi F , quare & ipsum C , deorsum in linea A, B , translatum erit, ad G , scilicet. ac cum minor sit B, F , linea ipsa A, D ,



ipsa etiam G, F , minor erit, quam G, D , propter similitudinem triangulorum B, G, F , & A, G, D , similes enim sunt ex quarta propositione Sexti Euclidis: si quidem anguli ad G , quia contrappositi sunt, aequales esse ex XV propositione primi elementorum, necesse est: angulus vero F, B, G , ex $XXIX$ primi, aequalis est angulo G, A, D , quare & reliqui duo, ex $XXXII$ propositione primi elementorum, sunt aequales, F, G , igitur minor est quam G, D , quia aequalibus angulis, quod sua magis producantur linea eò maiorem sp. Etant basim. manens autem erit medium in G , in linea quidem A, B , que facta est D, F , medium enim quod est C , in contrarium palmulae, quae in mari est, hoc est v . r. sus alteram remi partem, quae est A , procedere necesse est. non procedet autem, ubi est D , hoc est ad remi extremitatem, ut patet: sequitur ergo quod na-

nis ipsa commonebitur, ac eò transferetur, ubi remi est principium. quod si equalis fieret motio, per aerem, & per aquam, medium esset ubi C, tantumq; in anteriorem partem progrediretur navis, quantum retrorsus expelleretur mare. Simili autem modo, hoc idem de gubernaculo probare possumus: praterquam quod nihil navigio, ut diximus: in anteriorem partem confert. sed solum puppim in obliquum pellit, ad contrariam scilicet partem, quam tendat prora. sicut enim quocunq; tendit superior remi pars, eodem & scalmus, ac simul cum ipso navis progreditur: ita etiam quocunq; superior gubernaculi pars pellatur, eodem & eius centrum, ac simul etiam annexam puppim: progredi necesse est, quem tamen motum, reliqua navis non sequitur: sed in contrarium quò uergit prora. Si quando igitur ad ortum exempli gratia, recta progredi uolumus: orientem uersus impellere oportet superiorem remi partem. si quando tamen ad ortum, obliquam fieri nauem uolumus, non orientem uersus, sed ad occasum, gubernaculi supremam partem impellimus, tunc enim ad ortum uergente prora, habebimus cursum, quem uolumus: cum proram non puppim sequatur navis, quò enim uergit prora, totum transfertur nauigium.

Quaestio Sexta.

Cap. XI.



Nde est, quod quò antenna sublimior fuerit, uisdem uelis, eodemq; modo ex passis: quin etiam & eodem uento stante: eò celerius feruntur naues? ut qui libet experiri potest: An & hoc etiã

ex uelle oritur . malus enim hoc est nauis arbor, ue-
 latus fit , eius fulcimentum, cui malus inuititur, mali
 radix seu sedes est : quam caleem siue pternam uocant .
 pondus autem quod moueri debet , nauigium ipsum
 est . mouet uero is , qui uela inflat , uentorum flatus .
 Quamobrem, cum iam ostensum fuerit, quod quò lon-
 gius, est uirtus mouens , a fulcimento uellets , eò uelo-
 cius idem mouet pondus : maior enim a centro linea
 celerius agitur, cum maiorem describat ambitum : se-
 quitur quod quanto etiam magis , antenna , que per
 transuersum mali, uela suspendit : ad Carebesium, hoc
 est ad mali summitatem accedet : tanto etiam uelo-
 cius spiritus ueli tendens , nauim mouebit quæ pon-
 dus est . nam quò altius sublata antenna fuerit, eò ma-
 gis uela a fulcimento, hoc est a sede mali, remota fa-
 ciet , atque ob id uirtus mouens magis distans a fulei-
 mento, quod centrum est , eelerius propellet nauim :
 quod declarare oportebat .

Quæstio Septimâ . Cap. XII.



U R non flante ex puppi uento, sed
 potius per transuersum nauis : nau-
 tæ tamen rectum habere cursum, nõ
 aliter cupientes , ac si è puppi flaret
 uentus: ueli quidem partem, quæ ad
 puppim est , contrahunt ac coustringunt : illam uero
 quæ uersus proram est, pedem facientes, hoc est totis
 uiribus laxant, ac explicant : & obliquos in prora to-
 tis uelorum finibus, admittunt spiritus ? An quid nau

I N Q U A E S .

tae aduersus uentum ipsum , gubernaculo nauim , impellere cupiunt : ac , ut in gubernaculi , uenti uiribus pares sint : id efficiunt quòd dictum est . ex hoc enim sequitur , quod neutra harum uirtutum , in obliquum praeualente , cum nihilominus , uentus uim faciat , tunc nauis ex puppi , recto cursu propellatur . hoc autem multo existente uento , gubernaculi uirtus , tanquam uento inferior , efficere non potest . poterit tamen , si spiritus minor erit . Contrabunt itaq; ueli partem , quae ad puppim est : illam quae ad proram , dilatant , ac laxam faciunt , atq; hoc pacto , cum partem status represserint gubernaculo , in contrariam partem , uim faciunt . quò fit , ut quantò dextrorsum , exempli gratia navigium impellit uentus , tantò etiam ex uirtute gubernaculi , sinistrorsum repellitur . cui etiam uolentiae , ut magis praeualeant , & illud addunt : quod scilicet , et ipsi nauis in contrariam incumbentes partem , totis uiribus cum uento contendunt . donec neutra tandem harum uirtutum praeualente : cum uentus nihilominus impellunt : necesse est , quod cum in obliquum uentus ipse , quia impeditur , propellere nequeant : in rectum , quod ipsi querunt , propellat tandem . quod propositum ostendendum . Et haec quidem quaestio ad uellem , & ad libram referri potest . Ventus enim ponderis : gubernaculum mouentis , uicem obtinet . centrum uero in medio nauis est , quod tamen magis ad proram uergit , ut si illius ipsi uento resisti possit . tunc enim in rectum mouebitur nauis : cum sibi inuicem aequatae uires , quasi libramentum constituerint .

Quaestio



*V*ius. Etana quæstionis, difficilis ad modum est solutio apud Aristotelé. quod ex eo patet, quod in hoc scriptum obuoluerit quidam interpres. mos enim est quorundam interpretum, dum plinum, ac facillimum patet iter: maiori sollicitudine, quam oporteat, laborare: si quando tamen in aliquos incidunt saltus: ac cui-dam (ut fit) itinerum difficultati, occurrunt, ubi laboriosius laborandum esset: cum primum situs asperitatem odorantur: pedem referunt: eoq; tendunt, quò facillimus est progressus. Quamobrem Græci interpretes Aristotelis, ob id excellant: quod eò uerbosius Aristotelis uerba, & sententiâs explicant exponêtes: quo magis res postulare uidetur, atq; utinam ob id antiquorum Græcorum aliquis in Mechanicas Aristot. Quæstiones reperiretur: non enim adeo mihi modo laborandum esset. Sed ad propositum redeamus. Est quæstio octaua, cur sit, quod inter genera figurarum, quæcunque rotunda, ac orbiculata sunt, facilius moueantur. Atqui hæc quæstio duas habet partes. Cum enim, trifariam figura circularis rotari contingat: uel scilicet secundum absidem, hoc est secundum rotæ extremam curuaturam, centro simul moto: sicut in plaustrorum rotis contingit: uel circa manens centrum, nõ moto centro: quemadmodum accidit in rotulis illis, quibus utimur iuxta puteos, ad hauriendam aquâ: & in trochleis èt, quas recharnos vulgo dicunt, uel tandè euenit moueri figuram circularem in pavimento: hoc

I N Q U A E S.


est iuxta planitiem pavimenti, manente identidem cetro: sicuti sigulorum rotæ circum aguntur. Trifariam igitur (ut diximus) cum circulares figuræ moveri possint, idem quovis modo ferantur, semper accidit; quod scilicet facilius quàm cætera figuræ moveantur. An primo quidè modo, celerrime huiusmodi figuræ sunt, quia modica parte sui, planitiem tangunt, veluti circulus in puncto. in rebus enim naturalibus (ut superius probavimus) non possunt reperiri, quæ in mathematicis necessariò concluduntur. Quamvis ergo naturalia corpora, rotunda, ac orbiculata, planum in solo puncto contingere nequeant: sicut si moles materialis removeretur, eveniret: huiusmodi tamen corpora, minori sui parte, planum contingunt, quam cuiuslibet alterius figuræ moles. Celerrime itaque moventur, quia modica portione sui, planitudinem tangunt. Quinetiam & hoc accidit, quia non offendunt, cum a terra semotus sit angulus. minimus enim omnium angulorum, angulus ille est, qui ex bulusmodi corporum ambitu, ac plano ipsò constituitur: qui contactus vocatur angulus. in corpore enim quod exempli gratia quadratū sit, necessariò accidit, quivis eius angulus planum contingat, eundem totū ab vna parte, in plano stare, angulum enim uoco, totam linearū, a quibus oritur inclinationem. atq; ob id, ad quidvis modicum, offensationem tunc fieri necesse est. quod in rotundis corporibus, propter eleuatum angulum non euenerit. Præterea, cuiuscunq; etiam obuiam fiant moli, illam secundum sui pusillum tangunt. quod si rellarum linearum, eorum essent plana, ob huiusmodi rellitudinem,

radinem,

rudinem multum plantici contingi necesse esset. Si quando ergo offensaerint, nihilominus monebuntur semper, cum in solo puncto, uel, ut rectius dicam, modica intercapedine, obuiat angunt offensacula. Huc accedit, quod quò nutat pondus, eò facilius motor mouet. mouens autem quæ rotunda sunt, nutu ponderis inuatur semper. nam cum ad perpendiculariculum super planum, circuli dimetiens fuerit, planum in puncto fere contingente circulo: æquale utrinq; pondus, a dimetiente relinquetur. Tunc ergo, quamuis a modica admodum potentia, huiusmodi orbiculatum corpus: quia in puncto fere planum tangit, cui innititur; moueri poterit: cum primum tamen, deiecta linea dimetiente, ex illo puncto: impulsus fuerit: illico, quocunq; deuerget superior dimetiens pars, eodem necessario sese inclinauerit contiguæ partis pondus, atq; ad hanc contiguæ alterius partis: & sic deinceps, ita quod succedentibus semper partibus, ad eas quæ præcesserint, nutum facientibus: nullo negotio inceptus motus, a minori etiam potentia, quam illa fuit, quæ a primo impulserit: perseveranter perpetuabitur. quò enim unum quodque suo nutu uergit, eò facillime motum recipit: quemadmodum uice uersa, difficulter ad contrariam sui intus partem, mouentur omnia. Atq; id est in causa, quod maiores circuli facilius ab eadem ui mouentur, faciliusq; trahunt pondera, quam minores. & ob id etiam, illum met circulum, quem aliqua nis mouere non possit, si maiori tamen circulo coaptetur, ab eadē ui, maiorem mouente, moueri & ipsum manifestum erit. cuius rei, nutum illum, quem diximus, asserimus

I N Q V A E S.

esse causam : quoniam circuli maioris angulus, ad minoris angulum, nutum habet quendam, nutusq; tales angulorum maiorum ad minores angulos, eam habet rationem semper, quam habent ad seinvicem, suorum circularum dimetientes. angulos autem uoco, totam linearum angulos constituentium inclinationem, non enim sum ignarus, angulum proprie dici, illam eandem inclinationem, non accepta linearum uel breuitate, uel longitudine : atque ob id eundem in circuli centro angulum, & si quam maximus euadat circulus, & maiores & minores sibi subtensos ambitus respicere. Verum eo modo, quo diximus, anguli hoc in loco accipiendi sunt, quemadmodum ab Aristotele ipso accipiuntur. Habent ergo maiores anguli hoc modo accepti, nutum quendam ad minores, si in circulis, circa idem centrum constitutis, intelligantur. quin etiam & maior circulus ad minores intra se existetes



(infiniti autem sunt minores) eundem quem diximus habet nutum, atque ob id maior circulus, quia ad alios habet nutum, non iniuria fit bene mobilis. Describatur figura, ut magis pateant ea, quae diximus. in qua sit circulus, A, B, C, D , contingens lineam, E, F , in puncto D , sitq; interior circulus minor, I, K, L, M , circa idem centrum O , ducaturq; linea O, N, G , constituens simul cum O, L, C , angulum in maiori circulo, G, O, C , in minori vero N, O, L , ex expansione scilicet suarum linearum. ad quem quidem minorem angulum, nutum habet maior angulus: dummodo tamen eo, quo diximus modo, angulos intelligamus. Reliqua, quae superius dicta sunt: ex se ipsis patent in figura, de angulo scilicet contingentiae in D , & ceteris quae diximus. quare prolixiori eorum repetitioni supersedendum est. Propter huiusmodi ergo nutum, quem declaravimus, tum angulorum ad angulos, tum etiam (quod forte idem est) succedentium circuli partium in eius motu, ad eas quae praecesserint: existimauerunt quidam, circuli lineam siue ambitum perenni uersari motu. quemadmodum enim quae in aduersum aqua ui nituntur, cum neutra uis praeualeat, illa manere necesse est: sic etiam uersa uice: quae se ipsa alterum alterius nutu, iuuat: perpetuo cieri arbitrati sunt, quorum opinioni, ac rationi, cum Aristoteles ipse non aduersatus sit, nec ego etiam aduersabor. solummodo tamē illud dicam, quod si circulum intelligunt seiuncta materia naturali, illum nullo cieri motu manifestum est, sin autem cum materia: quis est, qui uidere nequeat, quod, & si ex nutu quē diximus, il

I N Q U A E S.

lud forte quod dicitur concludi posset : ex nutu tamē, quem habent cuncta naturalia, quæ graua aut leuia sunt, motum rectum appetant ex sui natura : atq; eodnutant, ubi perficiuntur. a corporibus autem cælestibus huiusmodi motus, qui ponderositate aliquam significat, sciungendus est. sed de hoc hætenus. Quod ad reliquam questionis partem attinet : quærebatur, cur non solum cum feruntur secundum absidem, seu curuaturam, centro simul moto, orbiculatæ figuræ facillime mouentur : ut in prima parte questionis declarauimus : sed etiam, hoc idem accidat, & cum mouentur circa non mutatum centrum, ut Trochleæ, ac etiã quæ iuxta planitiem moueantur, sicut sigulorum rota manente etiã centro circum aguntur. An & hoc contingit, non quia modica sui portione, uel tãgat planum circulus, uel offendet : sicut in superiori questionis parte contigebat : sed ob aliam causam, quam in superioribus capitibus declarauimus. quia scilicet circulus ex duabus effectus est mutabilitatibus : uidelicet naturali, & quæ sibi præter naturam est. ad quarum alteram, naturalem scilicet, quæ secundum circuitum est nutum habet semper. & sic: in naturali motu, quasi continuo motum, mouebunt circulum, quicquid quæ secundum ambitum illum mouerint : quasi ab eius inuentur nutu. lationem autem in obliquum, quæ præter naturam est. penitus fieri forinsecus ab ipso mouente necesse est : quia non solum non iuuatur mouens, sed cum contra circuli nutum moueat, impedimentum recipit. Palam igitur concludi potest, non iniuria figuras omnes, quæ rotundæ sunt : quouis modo moueantur,

moueantur, facilius moueri semper, quod quidem pro
posuimus declarandum.

Quaestio Nona. Cap. XIII.



T clarius appareat sententia huius
nonae quaestionis, & quarundam, quae
sequuntur: animaduertendum est,
quod praeter Trochleas ipsas, quas
apud Architectos, ut diximus recha-
mos vulgo uocant: instrumentum scilicet mechani-
cum tractorij generis, in quo plures includuntur rotu-
lae, in quarum curuaturis, implicati funes, qui ductorij
dicti sunt, cum rotulae ipsae sibi inuicem subseruiant:
facilius eleuant pondera: quam si vni tantum rotulae,
sicut in puteis accidit, inniterentur. praeter huiusmodi
in quam trochleas, aliud etiam mechanicum reperitur
instrumentum: quod (propter similitudinem quam ha-
bet, cum quodam epistolarum genere, quo Lacedaemo-
nij usi sunt) Scytalam nuncupant. quarum Scytalarum
duo sunt genera. alterum est lignum quoddam oblon-
gum, ac teres, in cuius altera extremitate ferrum est quod-
dam inflexum, cui potentia mouens coaptatur, ipso au-
tem utimur, cum aliquod magnum pondus, sursum ele-
uare uolumus. tunc enim ponderi eleuando connexis
funibus, atque iisdem met, ipsi tereti ligno per quod-
dam foramen, quod in medio est, coaptatis; tunc fer-
rum illud, quasi manubrium aliquod, apprehedentes:
ac totis uiribus, si opus est, incumbentes, illud in gi-
rum uersantes: magnos rerum moles, quam facillime
eleuamus. hoc instrumentum, vulgo Arganum uocant,
Alterum Scytalarum genus est, cuius descriptione, in

I N Q U A E S :

quaestione undecima, indigebimus. primi namq; mentio fit, in hac quaestione: Est autem Quaestio (quae quidem non valde praecedentis dissimilis est) cur nam pondera, & moles illas, quae per maiores circulos el uantur, siue trabuntur: veluti per maiores trochleas, ac Scytalas: facilius & celerius, moueri contingit: quam si per minores traherentur? An quia, quò maior sit illa linea illa, quae à centro est, aequali tempore, magis efficiet interuallum quam obrem eodem siue aequali existente onere, Trochleæ, siue Scytala maiores: um uelocius, ut probauimus, circumferantur, facilius etiam onus illud el uabunt. prolixiores enim in illis sunt lineæ, quae à centro egrediuntur.

Quaestio Decima. Cap. XV.



Nde est quod libra, quae sine incumbente pondere sunt, si quod pondus imponatur, facilius mouentur: quam si quopiam prius existente pondere, rursus aliquod recens pondus imponatur. quinetiam & ex grauari materia constituta, difficilius mouentur, quam si ex minus graui, ut exempli gratia. si ex ferro, aut ex ligno conficiantur. lenius enim est lignum, propter commixtum aerem, quam sit ferrum. praeterea & ipsa rota & alia id genus, si grauiora sunt, difficilius mouentur, quam, minus graui. An quoniam, non solum in contrarium, hoc est sursum uersus, difficulter mouetur quod graue est: cum talis motus praeter sui naturam sit: sed etiam in obliquum, haec difficultas contingit. motus namq; obliquus non est sibi naturalis: siquidem graui ad inferius, ex sui natura, inclinationem

seu nutum habent. Cum ergo difficile admodum sit eò mouere onus, quò naturaliter non feratur: quò autem uergat, facile: sequitur quod difficulter, aut oblique, aut sursum moueri poterit: atq; eò difficilius, quò talia ponderosiora fuerint. quamobrem Libræ lignæ, ab eodem pondere facilius, ac celerius deprimuntur, quam æneæ, uel ferreæ: quin etiam quippiam modici ponderis, libram ferream non mouebit: à quo tamen lignæ deprimetur, quoniam difficulter, ut diximus, grauiamouentur sursum. Atq; ob id etiam rotæ grauiiores, quæ uerbi gratia ferramentis compactas habeant curuaturas, propter difficilem in grauib; obliquum motum, tardius mouebuntur, quam si ex solo ligno constructæ essent.

Quæstio Vndecima.

Cap. XVI.



Vo Scytalarum esse genera, paulo superius asseruimus: alterũ quod arganũ uulgo dicunt, de quo in Nona quæstione satis multa. alterum uero genus est, ex tereti quodam cõstructum ligno, quod cum oblongum ac tornatum sit: in utriq; extremitatibus rotulas quasdam habet: quæ si ad curruum rotas comparentur: pusillæ admodum sunt. quæ, cum ipsi ligno, compactæ sint, simul cum ipso, & illas moueri necesse est. quod quidem instrumentum, quò uulgo uocetur nomine, non comperio. scio tamen huiusmodi Scytalas, maximo usui esse, in quampluribus uillis, quæ in agro Senensĩ sunt. ibi enim plaustra quædam construunt, ad deportandum sterco, ut agros pinguesciant. sub quibus quidẽ plau-

M E C H A N.

stris, huiusmodi Scytalas, transuersas neētunt, atque accommodant; quæ cum sibi ipsis axes fiant, minori offensione, atq; ob id facilius uehunt onera: quam Currus faciant. At qui autumant quidam, his quas diximus Scytalis, simile esse instrumentum, illud quo Cymbæ à Brenta fluuio, ad Venetorum æstuarium, quod à Venetijs quinq; millia passuum interuallo distat: transfuehuntur. qui quidem locus, uulgo Zafusina nuncupatur. Verumenimvero: non penitus machinatio illa, his quas diximus Scytalis, similis est. habet enim utrinq; rotulas, quæ maioris sunt ambitus, quam ipsum sit lignū, cui transuehendæ nituntur Cymbæ. quinetiã & motio rotularum, ab ipsius ligni motu seiuncta est. Tales ergo, quales descripsimus sunt Scytalæ, quarum in hac questione, mentio fit. at questio ea est. Cur super Scytalas facilius portantur onera, quam super currus? cum tamen ij magnas habeant rotas, illæ uero pusillas. An quoniam in Scytalis, nulla fit offensatio: hoc est à nullo, earum impeditur motus: quemadmodum contingit in curribus. onera enim, quæ in Currus imponuntur, axim rotarum premunt: quâ pressione, non parum rotæ remorantur. cum etenim deorsum premantur ab axi propter onus impositum, difficilior rotatio: quæ difficultas eò etiã fit maior, quod etiam ex obliquo siue à lateribus axis patitur. axim autem uoco lignum illud, quod amborum rotarum centris, cui innitantur rotæ, ex aduerso coaptatur, quod premi tum à curru, tum ab onere imposito, manifestum est. Quod in Scytalis longe aliter euenire uidemus. nam & mouentur. desuper à ui trahente,

trabente, & ab onere etiam superimposito : propter
nutum illum, quem in Cap. xiii. declarauimus, inua-
tur motus : in utriusq; etenim ijs locis, hoc est de super
ac, & de sup er cietur cir. ulus, ac concitatus impellitur.

Quæstio Duodecima. Cap. XVII.




Ut magis à longe, funda iaciuntur
lapides, aut alia missilia, id genus,
quam si manu ipsa emitterentur ? cū
præsertim proyiciens, magis pondus
ipsius, quod iacitur, manu compræ-
bendat : quam cum illud funda suspendit . quin etiam
& ad hoc accedit, quod cum funda quis proyicit, duo
simul mouet pondera , funda scilicet , & id , quod iaci-
tur : ab que autem funda solummodo pondus proyectū
mouet . An quoniam infunda ipsa, agitatum, atq; cō-
motum missile, mittitur . funditores enim priusquam
missile iaculentur : fundam rotant . cum ergo missile è
funda elapsū proyicitur : ex iam citato motu emitti-
tur . quod si manu ipsa proyiciatur : quia ex quiete mo-
uetur, id non contingit, siquidē nemini dubiū est, om-
nia, cum in motu sunt, facilius moueri, quam si è que-
te protinus moueantur . quod ex hoc etiam sensu ma-
nifestum est, quod à modica admodum vi, alicui pon-
deri, dum est in motu, nouus etiam additur motus :
quod tamen in mutationis initio maiorem admodum
uim postulasset . siquidem facilius à quo uis eiusdem
ponderis motus continuabitur, quam initium cæpe-
rit . Præterea aliam huius quæstionis adducere pos-
sumus causam : ad Libram, siue ad circuli lineas cur-
uata referentes, in fundæ enim usu, manus fit centrum,

funda uero linea quæ à centro exit . Quoniam igitur, quò longior fuerit à centro linea, eò celerius mutatur semper : tardius uero si propè centrum . : necesse est, quod proiectio, quæ fit manu, infirmior sit, ac difficilior, & ob id tardior, quàm si funda auxilio facta fuerit. & iccirco longius funda, emissus lapis, quam manu, progredietur.

Questio Decimatertia. Cap. XVIII.



Iugum plura significat : sed quod ad præsentem quæstionem attinet : instrumentum est ligneum, oblongum, ac teres : in quo textores auxilio coloppum, quos uulgo stangulas uocant, telas conuoluunt . sunt autem collopes ligna quadam satis gracilia, quibus tanquam uetibus traictum iugum uersatur : seu circumagitur . sicut patere potest in hac figura, in qua iugum est A, B, collopes uero D, F, & H, G, foramina, per quæ collopes iugum traiciunt, erunt C, & E . Est itaque prima pars quæstionis, cur circa idem iugum , maiores collopes facilius, quàm minores uersantur? An quia col



lopes

lopes ueltes sunt, quorum fulcimenta, foramina illa sunt, per quæ transeunt æqua productione à centro distant. centri enim iugum ipsum, ac præsertim in foraminibus uicem obtinet. Quoniam igitur, quò longiores exeunt à centro lineæ, eò celerius, ac facilius ab eadem uim uentur, ac circumaguntur, cum maiorem describant ambitum: hinc est, quod collops maiores, facilius uersantur, quàm minores. collops enim H, G, cum ueltis unus sit, centrum habet in puncto C, à quo utrinque æque distat. quanto igitur C, H, & C, G, ueltis partes, magis in longum productæ fuerint: tanto etiam maiores describent circulorum circuitus: atque ob id facilius moueri, ac circumagi poterunt. Et eodem pacto de collope, D, F, dendum est. Quod autem ad secundam quæstionis partem spectat, animaduertendum est, quod succularum, quantum ad retractoriam attinet, plura sunt genera, ut apud Vitruuum haberi potest. Verum, quod ad institutum nostrum pertinet: succula est instrumentum, quod oblongo, & tereti ligno constat: duobus, aut pluribus transiæto ueltibus utrinque æqua portione distantibus: quos collops vulgo uero sũt ingulis, nuncupamus. Hæc succula dum uersatur, funis quem ductarium diunt, dum in ipsa conuoluitur, magna auxilio trochlearum, tollit pondera. quò instrumento utuntur etiam, qui puteos penitus exburrere uolunt. quatuor autem tigris, ex utraq; parte binis, iunxi firmatur: quare Græci succulam ó' uocant, tãquam g' stanti cuidam asino similis sit. Eandemq; ob causam, succulam à sue latini nuncupant. vulgo autem huiusmodi succulas, corroleros di-

cunt. habet etiam succula, iuxta eius extremitates, eclonia quaedam, testudinum non dissimilia: ideo coaptata, ut dum uersatur, succula non exeat: hoc est intra trabes erectas maneant, quæ scilicet trabes, in superiori parte simul sese sustentant, ac colligatae trochleas ad eleuanda suspendunt pondera. Verum enim uero si moles ipsa non sursum eleuanda, sed à latere trabendæ fuerint: huiusmodi succulae alio quam dispositum aptantur situ. nanque non æquidistans terra erigitur succula, sed magis ad perpêdiculum, ita quod non sursum, ac deorsum, sed per transversum, collopibus impelluntur, ac circumaguntur: qui collopes, sunt quasi radij in rota. atque huiusmodi machinam, hoc modo erectam, uidi ipse in quodam uico, non longe à Patuio: quem uocant Stram. ubi ob diuisionem Brentæ fluuij: in quendam locum aquam fluuij, patefactione ac clausura quarundam ualuarum: ut cõmodius trãstuebantur Cymbæ, colligunt ac mox dimittunt. huiusmodi autem patefactio, auxilio descriptæ machinæ conficitur. Est igitur Secunda pars quæstionis. vnde est, quod succula, quæ graciliores sunt facilius uersantur, quam crassiores? An quia succula ipsa, hoc est lignum illud teres, quod à collopibus ipsis, tanquam à uellibus traicitur: tenet in uellibus locum centri, ab ipso enim collopium partes utrinque æquali productione distantes, tanquam à centro protenduntur. Quoniam ergo, quò longiores à centro existunt lineæ, eò facilius circumaguntur, ut sæpenumero dictum est: ex tenuitate autem succulæ, magis ab ipsa, tanquam à centro distant; sequitur ergo, quod quò gracilior erit succula, eò facilius

lius uersabitur : propterea quod uellium partes , ma-
gis ob id à centro seunētē fuerint .

Quæstio Decimaquarta. Cap. XIX.

Cur eiusdem longitudinis , ac roboris lignum ,
si ad genu frangi debeat , facilius frangitur , si
quispiam æque in aduersum deductis manibus ,
extrema comprehendens fregit , quam si propè ge-
nu manus applicans , uim effecerit . Quinetiam si ter-
ra illud applicet , ac pede superimposito frangere ne-
lit : facilius manu procul à pede diducta : quam pedi
proxima , lignum illud confregerit . An quia , genu cen-
trum est : ligni autem à genu productæ utrinque par-
tes lineæ à centro sunt : quæ quidem cū maiores sunt ,
facilius , ac uelocius moentur . eò autē maiores erunt ,
quo magis à genu manus diductæ fuerint , ex uehemen-
tiori autem motu , maior sit fractio , quam ex tardiori ,
ac languidiori . Atque eandem causam adducere pos-
sumus , si ex superimposito pede , ligna terræ innixa
frangi debeant . pes enim sic centrum : quò autem lon-
gus motura manus , à pede seiungetur , eò etiam uelo-
tior , quia maior euadet à centro lineæ , erit motio : atq;
ob id facilior fractio : ut manifestum est .

Quæstio Decimaquinta. Cap. XX.



Unde est , quod quæ circa littora ap-
pellantur Crocæ (latinum autem
uerbum non habemus) rotundæ sunt
figuræ : cum tamen à primo , ex ma-
gis & angularibus lapidibus , ac o-
strearum fragmentis confectæ sint .

I N Q U Æ S.

Crocæ autem uoco, reliquias quasdam, quæ ex lapidum, lignorum, ostrearum, & aliorum, id genus: quæ extremis in litoribus, aquarum alluuntur fluctibus, fragmentis confectæ: ac continua attritione, & agitatione, ad orbiculatam redactæ formam: magis semper decrecentes, in nihilum tandem euanescent. huiusmodi ergo effectus, causam querimus. An forte illa est quoniam scilicet quæcunq; plus recedunt à medio, eadem commota ui, celerius mouentur semper. cunctorum autem medium in orbiculato motu, eorum sit centrum: interuallum uero, quod est à medio linea sit, quæ ex centro exit. Quoniam ergo maior à centro, ex æquali impetu. æquali tempore, maiorem describit circulum: quod autem maius æquali tempore conficit interuallum, celerius fertur: celeriusq; lata, uehementiorem impetum faciunt: atq; ob id, maiori etiam impetu repelluntur, siue ex resistentia retunduntur, ac refranguntur: sequitur quod eorum, quæ mouentur, portiones illæ prius in orbem rediguntur, quæ magis à medio distantes erunt, quod in corporibus habentibus angulos, angulis ipsis, qui magis à medio longinqui sunt, contingit. ac id patientibus angulis, rotunda fieri, ea, quæ mouentur, necesse est. Atque hoc idem, non solum si orbiculatus fiat motus, sed etiam si rectus erit, contingit similiter. quæcunq; enim extrinsecus sit resistentia, extremas, atq; extimas semper partes prius agereditur, quam intimiores inuadat. cunq; ipsi anguli extremi sint, hoc est longinquiores à medio, quam reliquæ partes: sequitur necessario, quod ledantur magis, ac obtundantur:

& ob

Et ob id lata ipsa corpora, ad uolubilitatem rotundari necesse est, quam ob causam grandis ipsa, quò magis ab eminentiori aeris parte descendit: eò etiam rotundior apparet semper. Crocas igitur, hoc est reliquias illas lapidum, ac ostrearum, quæ in littoribus reperiuntur propter perpetuam agitationem, quam ex continuo fluxu, ac refluxu maris patiuntur: cum extremæ eminentes partes, prius semper ob dictam causam, conterantur, ac retundentur; ad orbiculatam formam tandem accedere, necesse erit. Crebrius enim ac celerius commouentur, ac agitantur, quæ magis à centro recedunt partes: quæ attrita demum eminere desinunt. Et cum hoc æque contingat ab omni parte: euanescentes anguli, id quod remanet in globum rotundant.

Quæstio Decimasexta. Cap. XXI.



Ut, quo longiora sunt ligna, eò imbecilliora, ac infirmiora fiunt: Et si tollantur, inflectuntur magis: quam quæ minus longa sunt? tametsi quod breue est, ut bicubitum uerbi gratia, tenue, et infirmum fuerit: crassum uero, quod cubitorum triginta. An quoniam, cum huiusmodi eleuantur ligna, pars illa, quæ proximior est manui: cui totius ligni sit nixus, uelut fulcimentum est: pondus uero, altera erit ligni extremitas, quæ eleuanda est. ea autem quæ interiacet longitudo, uelut locum gerit. Si igitur huiusmodi lignum aliquod manu eleuetur, siue ex altera eius extremitate, siue inter extrema, compræhensione facta, quantò semper procerius fuerit id, quod à manu siue à fulcimento seiunctum

I N Q V A E S.


est, tanto celerius propter maiorem à centro distan-
tiam, suo met nutu, hoc est, sua naturali ponderosita-
te, motum, deorsum inclinabit: magisq; ob id incur-
uabitur. nam quò magis à fulcramento distat, eò etiam
magis ipsam inflecti necesse est. quoniam enim incum-
bunt grana cuncta ex sui natura deorsum: huiusmo-
di earum nutus, hic quidem in uelle, momentis uicem
obtinabit. altera uero ligni extremitas, quæ breuior
erit, in contrariam partem uim faciet. si ergo flexile
fuerit lignum, quod à terra leuandum est, siue manu
comprehensum siue ex altera eius extremitate in-
mixtum terra: semper reliquam extremitatem, quò lon-
gior erit, & à fulcramento, cui innititur, semota magis,
eò semper suo met ingruente, ac mouente pondere:
magis inflecti necesse est. quod in admodum breuibus
signis non contingit: quod enim in ipsis extremum
est, quiescenti fulcramento proximum sit: & ob id in-
curuatio fieri nulla potest.

Quæstio Decimaseptima. Cap. XXII.



Vneus est instrumentum ligneum,
uel ferreum, cuius auxilio in finden-
dis, seu scindendis trabibus, seu alijs
lignorum molibus: maximum susci-
pinus iuumentum. ex altera enim
parte, ita angustus est, ut quamuis ri-
mulam facile ingrediatur. quæ angustia paulatim de-
crescens, tandem in ampulum desinit. ex duobus itaq;
obliquis ex aduerso lateribus, planum habet quadran-
gulare satis oblongum. ex reliquis uero duobus late-
ribus, trium angularum figuras habet: quæ in angu-
stiam


stiam quam diximus terminantur. in superiori uero parte, planum quatuor angulorum obtinet. Cuius quidem instrumenti talis describatur figura. *A, B, C,*



H, K, M. Cuneus igitur, ex parte *B, H,* intra rimulam quandam scindenda molis ingreditur. ex parte uero *A, C, K, M,* uehementi percussus plaga, intus mouetur, ac molem scindit. Est igitur quaestio. cur nam est, quod cum paruus existat cuneus, magnas tamen findit lignorum moles, ualidaq; eius auxilio, & uehemens fiat impressio? An quia in cuneo duo intelliguntur uectes, sibi inuicem aduersi, ac duo etiam fulcimenta, duoq; pondera, unum uero tantum mouens, utrisq; inueniens uectibus quae quidem fulcimenta propter aduersam uim, diuelluntur, ac comprimunt. Describatur figura, in qua moles, quae diffindi debet, sit *G, D, E, F;* cuneus uero *A, B, C,* pars scilicet angusta in ipso *B,* pars uero percutienda sit *A, C,* rimula uero scindenda molis, quae cuneo ingressus pateat, sit *N, O,* *A, B,* igitur est alter uectis cuius fulcimentum, cui innititur, ipsum erit *N,* pondus uero commouendum erit in *B,* quod quidem uersus partem *D, E,* repelle-

I N Q V A E S.

tur, quoniam percutiens vim facit ipsi *A*, ad partem *G*, *F*. Huius contrarium uice uersa contingit in uectē *C*, *B*, cuius fulcimentum erit *O*, pondus uero in *B*,



quod uersus *G*, *F*, impelletur, cum percutiens in *C*, comprimat ad partem *D*, *E*. Horum itaque motuum aduerso impulsu, cum utrinque uectēs sibi inuicem vim faciant, dum pondus iuxta *B*, ad oppositas impellatur partes, molem in *B*, scindi tandem necesse est. Ob uectis itaque naturam magnas scindi moles, paruo contingit cuneo. ad quod etiam accedit, quod plaga, quę ex percussione fit, cum ex hoc impellat, quod instrumentum quo percutit, percussurus extollit, eò uehementiorem habet vim, quò quę mota mouent, ualidiora ac ualentiora, ob ipsam celeritatem fiunt, quam si ex quiete motus inciperet. percussus igitur cunens iuxta *A*, *C*; utroque utens uectē, atque utriusque fulcimento *N*, & *O*, inmixus, propter aduersos impetus, molem scindit in *B*, cum etiam uehementia percutientis, paruitatem uectis abundanter compenset.

Quæstio


Quæstio Decimaoctaua. Cap. XXIII.



Trochlearum, quod ad traſtorium genus attinet, plura ſunt genera. Eſt enim Trochlea machina quedam in torculari uinario, ad exprimenda uina, collocata. in quo quidem torculari, præla, cochlea, & ſuccula reperiuntur, quo un omnium auxilio, uia calcata premitur, ac uinum exprimitur. Alia etiam ſunt Trochlea, alia conſtructione ad oleum conſiciendum excogitata. Verum quod ad hanc quaſtionem ſpectat, Trochlea eſt instrumentũ quo utuntur Architec̃ti ad trabenda, uel eleuanda p̃õdera. Primo enim tres erigunt trabes talis craſſitiei, ut onerum eleuandorum magnitudinis ratio habeatur. quæ trabes in ſummo coniunguntur, ac fibulam quandam in earum capitibus colligatam ſuſpendunt, atque in imo abinuicem ſiuncta firmantur, ac ad triangulum collocantur. alligatur fibulæ, quam diximus Trochlea quedam, quam rechamum, ſiue cuſellam uulgo dicunt. in qua induntur orbiculi duo, per axiculos uerſationem habentes, qui uulgo rodellæ nuncupantur. in quorum altero, in ſuperiori ſcilicet trañcitur primo funis ille, quem duſtarium nominant. deinceps demittitur funis, & circa orbiculum minorem, uel inferiorem alterius trochleæ inferioris inducitur, referturq; ad rotulam inferiorem ſuperioris trochleæ, & rurfus demiffus ad inferiorem trochleam, in eius ſuperiori orbiculo reliquitur. reliqua uero funis extremitas, deorſum demiffa ad imas trabiũ partes, ſucculæ quidam annexitur. Iuxta aut̃ imas trabiũ partes ſi-

I N Q V A E S.

gantur celonia, quorum meminimus in XIII quaestio-
ne. intra quæ quidem celonia, succularum capita col-
locantur, ut dum versatio fiat non exeant succulae.



Succulae uero propè earum extremitates, foramina
habent, per quæ colopibus, siue (ut ita dicam) stangy-
lis, traiciuntur. in capite autem trochleae inferioris,
sunt ferrei forcipes, quibus ipsa trochlea, ad onus ele-
uandum, coaptatur atq; accommodatur. Cum autem
uelimus pondus aliquod eleuare, annexo & alligato,
ut diximus, altero funis capite ad ipsam succulã, tunc
illam auxilio colopum uersantes, moles eleuandas su-
stollimus.

stollimus . Huius totius machina quam descripsimus , sit hæc figura . in qua trabes sint *A* , *B* , *C* . *D* , uero erit fibula , cui suspenditur superior trochlea , quæ sit *E* , inferior uero erit *F* , forcipes sunt , *I* , pondus eleuandum *G* , caput autem res tis , quod debet succula alligari , erit *H* . Succulam non ponimus in hac figura : tum quia eius non meminit *Aristoteles* , tum etiam quia iam in *X I I I* . questione , eam descripsimus . collocanda autem est , intra binas ipsas trabes : ita quod cetera iuxta trabes coaptentur . Animaduertendum etiam est , quod quandoque in superiori trochlea , tres sunt orbiculi . in inferiori uero duo , per quos omnes ducitur funis , & tunc ea ratio machinationis , quæ per quinque orbiculos conficitur , *pentaspastos* græce dicitur . si autem per tres tantummodo orbiculos funis circunvoluitur , ut in hac figura , *trispastos* nuncupatur . Notare etiam debemus , quod in hac questione abutitur quandoque *Aristoteles* uocabulo trochlea , illam accipiens loco orbiculi in ipsam inditi . Nec minus etiam animaduertendum , quod non suspendit *Aristoteles* trochleas auxilio trium trabium , ut descripsimus , sed dispositione ac constructione duorum tignorum , machinam conficit . quod non ualde à nostra descriptione dissimile est . loquitur enim *Aristoteles* de tractione ponderum , non de eleuatione ipsorum . sed eadem est in omnibus , eademq; questionis solutio . nos autem hodiernum usum secuti sumus , ut nostra descriptio sensui esset familiarior . Est itaque questio . Cur si quispiam componens binas trochleas in tignis duobus , ac contrario ad trochleas modo , circulo funem cir

I N Q V Æ S.

cunduxerit : cuius alterum quidem caput, trochlearū alteri inmitatur, reliquum uero ita coaptatum sit, ut à funis initio trahere incipiat, magna trahit pondera, licet infirmarum sit uirium . An quoniam qualibet rotula in trochleis, uectis uicem obtinet, cuius fulcimentum est axis in centro rotulæ : uectis uero extrema, lineæ sunt quæ à centro exeunt, mouens autem est uirtus trahentis, quæ in qualibet rotula diffunditur. id autem quod in uectis mouetur, est inclinatio & nutus eleuandi oneris, qui quidem nutus in qualibet rotula, et ipse diffusus est . Quoniam ergo facilius, ut iam sæpe diximus, commouentur pondera, auxilio uectium, quam sola manu: rotulæ uero in trochleis uectes sunt: sequitur quod, & si una tantum erit rotula, in qua funis circumducatur, facilius tamen eleuabuntur pondera, quam manu . Quod eò magis contingit fieri, quo plures erunt rotulæ . secunda enim rotula sibi tanquā alter uectis adiuncta esset, atque huic quidem tertia, & sic deinceps . ita quod semper posterior rotula, minus laborabit, quam præcedens . continuè enim fit minor labor . cuius diminutio, minori semper proportione conficitur . exempli gratia, si manus ipsa absque aliqua rotula, uel uectis, centum librarum trahet pondus, auxilio primæ rotulæ trahet centum uerbi gratia & sexaginta . sed huius summæ prima rotula, non dimidium trahit . hoc est non dimidium laboris est in rotula, sed dimidio quidem plus . trahet itaque pondus librarum plus quam octuaginta . & eodem pacto dicendum est deinceps de alijs rotis, ita quod postrema rotula, minimum quidem trahit, modicusque est eius

eius labor qualibet enim posterior rotula præcedentis uectis est, ac ideo adiumentum ipsi præbet: minorem tamen ipsi, laboris relinquit partem, maiorem uero sibi sumit. Quapropter in adificijs etiam constructis, magna harum trochlearum auxilio, Architecti leuant pondera, ab vna trochlea ad aliam, funem inducentes, ac ab illa rursus ad succulam, quæ & ipsa auxilio uectium, munere fungitur suo: ac ideò idem est, ac si alteram trochleam efficerent.

Quæstio Decimanona. Cap. XXIII.

Cur si quis super lignum magnam imponat securim, desuperq; ingens illi adiiciat pondus, aliquam tamen ligni partem modicam de qua curandum sit, non diuidit? si uero quispiam minorem admodum securim extollens percutiat, nullo super imposito onere, illud idem distindit lignum: cum tamen multo minus habeat ponderis id quod percutit, quam quod superiacet & incumbit? An quia probata admodum apud sapientes est propositio, quod omnis cum motu est operatio: & quod graue ipsum maiorem ex ponderositate assumit motum, dum mouetur, quam dum ex quiete moueri incipit: sicut haberi potest ab Aristotele ex primo Cæli. Incumbens igitur pondus aliquod, uel non mouebitur ex naturali sua grauedine, uel minus certò mouebitur, minusque proprio utetur nutu. motum uero, & ex peculiari grauedine, & etiam ex uirtute percutientis, moueri ipsum continget. Quia ergo res motæ dum sunt in motu, si recens addatur impetus, uehementius mouebuntur,

quam si à principio ex quiete impetū ipsum suscipiant: nihil mirandum est, si euenire uideremus, quod nunc quaestione proponitur. Ad quod accedit, quod securis ipsa cum lignum diuidit, cuneus quidam efficitur. angustior enim ex incisionis latere, quam à tergo est. Cum ergo paruus cuneus, ut superius assumpsimus, quia ex duobus sit uelutibus, contrario ad seinuicem modo confectis, magnas diffundit moles: securis etiam ipsa, quia cuneus quidam fiet, uehemēti percussa plaga, magnas & ipsa discindet trabes.

Quaestio Vigesima. Cap. XIXV.



*N*ulla Mechanicarum quaestionū Aristotelis uidi exemplaria, in quibus nō pauca menda passim conspiciantur: praesertim in secunda quaestione, uigesima quinta, & trigesima: praeter unum solummodo satis antiquum, quod Florentia inueni, in Bibliotheca Diui Laurentij, in quo pauciora, quam in ceteris, mehercle sunt menda. Non mirum ergo erit, si in elucidanda hac quaestione uigesima, interpretis quidam, totam quaestionis sententiam destruit. Quaestio igitur talis est. Cur statera, qua carnes, siue alias merces ponderamus, paruo appendiculo, quod graece σφαίριον, vulgo Romanū appellatur: magna trutinat onera: cum tamen tota statera dimidiata existat libra. sola enim altera pendet lanx, cui onus imponitur, ex altera uero parte absque lance tantum est statera. stateram autem uoco, in strumētum quoddam, librae simile, praeterquam, quod ex altera tantum parte suspenditur lanx, in quam im-
ponuntur

ponuntur quæ ponderanda sunt . in altera uero parte, quoddam dīcūrit appendiculum ferreum, paruꝛ molis , quod alterius lancis in quam mensurarum imponuntur pondera, quæ à græcis σκιάμετρα appellantur, uicem gerit . In medio autem horum, lancis scilicet & appendiculi, una uel plures existunt trutinæ, quamuis una tantum, qua magis libeat, ponderantes utamur. à trutina autem uersus alteram partem, è regione scilicet lancis, quam plures signantur notæ, quarum numero, molis quam pendimus, declaratur pondus . huiusmodi autem notæ in statera, uicem obtinet secundatum in libra . Huiusmodi itaque instrumenti, hæccine sit figura . ubi statera sit *A, B*, cuius alteri extremo sci-



licet *A*, appendatur lanx, uidelicet *C*, ex altera uero parte dīcūrat appendiculum *F*, trutinæ autē sint *D*, & *E*, quamuis plures etiam esse possint, sicut inferius manifestius apparebit . Ad propositum ergo redeuntes , hanc propositæ quæstionis dicimus esse causam, quoniam contingit stateram esse simul & libram & uellem . Libra quidem fit, quoniam quæcunque trutinarum in statera, fit centrum . & quamuis in altera tantū parte lanx sit : tamen in reliqua parte, appendi

culum eius lancis uicem tenet, in qua se comata ponuntur in libra, hoc itaq; appendiculum in statera incumbit, ceu si quis alteram apponeret lancem, illiq; pōdus imponeret. manifestum enim est, quod appendiculum hoc pondus trahit quod in lance est, ut autem statera, non solum una, sed plures possit esse libra, plures in sunt trutinæ. ita quod quicquid inter earū vnāquāq;, & appendiculum est, dimidium sit libræ, semper tamen quandocunq; aliquid ponderamus, una tantum libra fit, alteram quidem habens lancem, in quam onus ponderandum ponitur: alteram uero ubi appendiculū est. & propter hoc, quod nō altera existit lanx, sed aliquid gerens eius uicem, statera & non libra appellatur. Huiusmodi ergo existens statera, multæ, ut dixi, sunt libræ, totq; numero quot trutinæ fuerint quādoq; enim hac trutina utimur, quādoq; illa. propterea quod idem appendiculum, non eadem depressionem facit, quauis accepta trutina. uerum quō magis cum pendimus, proximior est lanci trutina illa, qua utimur, eō magis trahitur sursum pondus quod in lance est: propterea quod longior sit linea, quæ à trutina ad appendiculum est. si enim exempli gratia, stateram in trutina D, suspendimus, maior sit linea D, F, quæ scilicet à trutina, hoc est à centro ad appendiculum est: quam si trutina E, uteremur. Cum ergo longior à centro linea, celerius, & facilius moueatur: celerior necessario erit motus deorsum, ipsius D, F, quam esset E; F, quare ex parte A, maior etiam esset eleuatio, siquidem ex hoc eleuatur A, quod deprimitur F. Atq; hac pacto uidere possumus, quomodo

do Statera fiat uestis, quod paulo superius dicebamus. fit enim uestis in uersus, quia fulcimentū sursum habet, ubi trutina est. trutina etenim est fulcimentum. quoniam itaq; mouens F, deorsum deprimit, ac uim facit, necesse est, quod ex altera parte, pondus in ueste commouendum, quod est in A, atq; ob id in E, ad superiorem partem extollatur. Vests igitur fit statera: ac tot quidem uestes, quot & libra, quot scilicet numero erunt trutinæ. Quod autem in fine quaestionis dicit Aristoteles illud est. quod scilicet illud idem quod facit in libra, pro inueniendo æquilibrio, ipsa secomatum impositio, id facit in statera appendiculi discorsus, per notas, quas signandas esse diximus in statera. eò enim usq; appendiculo discurremus in statera, quousq; æquilibrium reperiatur: sicut etiam in libra, secomata in alterā lancem imponimus, donec simili modo libramentum haberi possit. Quod autem dictum est de multis trutinis in statera, communis usus non obseruat, sed tantum ad summum imponit duas, ac cum quidem utimur trutina illa, quæ lanci propinquior est, exempli gratia ipso D, dicimur uti trutina crassiori. latiores enim nota fiunt, siue considerantur, in huiusmodi pensione. cum uero trutina remotiore, ipso uidelicet E, usi fuerimus, dicitur nos usos esse trutina minutiarum, ad quam minutiores, signantur nota. Sed quispiam dubitabit. quia cum in statera, non possint commode inueniri, nisi duo latera, quæ notis signari possint: quomodo dictum est, multarum trutinarum posse stateras fieri? cui respondendum est, quod nihil refert, an in diuerso, seu potius


in eodem latere, habeantur nota multarum trutinarum eadem enim nota, quam, hac usi trutina, unciam exempli gratia, significare, seu declarare dicimus eandem si qua alia utamur trutina, duas uncias, siue quot libebit, significare dicemus, & sic de alijs. Sed de hac quaestione inactenus.

Quaestio Vigesima prima. Cap. XXVI.



Circhirurgiam exercentes, facilius dentes extrahunt, instrumenti cuiusdam ferrei, quod forcipem appellant, uulgo tenaliam, adiecto onere, quam si sola utantur manu? An huius rei, plures possunt esse causa. nam detem ipsam, cum lubricus sit, magis è manibus quæ lenes et molles sunt, quam ex forcipe elabi contingit. cū enim manu ipsa tenaciter ac constanter, comprahendi non possit dens, forcipes autem tenacissimi sint, non iniuria difficulter manu ipsa extrahitur, facile uero cum forcipe. Præterea quoniam digitorum caro mollis est, dentem totum complectitur: et propterea illum ex aduerso tenaciter comprahendere non potest. quod ferrum ob suam duritiem, ac constantiam, commodissime efficit. Atq; facillima ob id dentis euulsio ferro, non digitis contingit fieri. Quinetiam aliam asserere possumus esse causam, quoniam scilicet in huiusmodi forcipe, duo intelliguntur uectes, sibi inuicem contrarij: quorum unum solummodo est sulcimentū: cui ambo uectes inuituntur. atq; illud est, coaptatio, sine cōnexio ipsorū uectium. Hoc igitur instrumento utuntur medici, ad commouendos dentes. qui cum primum satis commoti fuerint,

fuerint, manu ipsa extrahuntur. Sit exempli gratia, in hac descripta figura, huiusmodi instrumentum *A*, *B*, *C*, *E*, *F*, in quo alter est uellitis *A*, *C*, *F*, alter uero *E*, *C*, *B*, quorum fulcimentum *C*, cui



ambo uellites innituntur. quando enim manu, alteras uellitum extremitates *A*, *E*, constringimus, tunc & reliquæ etiam hoc est *B*, *F*, constringi necesse est, in aduersas sibi inuicem partes, uidelicet si *A*, deorsum comprimetur *F*, sursum impulsurum faciet: si autem *E*, sursum *B*, deorsum deprimetur omnisq; nixus in *C*, tanq̃ in centro fit. Cum itaq; extrahere dentem uolumus, primo huiusce instrumenti auxilio, illum commouemus propter aduersum, ut dixi motum. cum primum uero commotus erit dens, illum manu præbidentes ac trabentes euellimus. hoc enim commode forceps efficere non potuisset, cum eius aduersus impetus, ad duas tantummodo contrarias fiat partes, uerbi gratia ad *B*, & ad *F*; retrorsum autem uellitum officium nullum esset: sed potius manû ex hoc impedimentum præberetur. Sed quispiam forte dubitaret, quoniam cum per huiusmodi instrumenta, aut non admodum dissimilia, ex lignis siue ex parietibus, clauos non solum commouemus, sed etiam

eiſimus commodius quidem quam ſola manu ; hoc idem uidetur affirmari poſſe , circa dentium extractio- nem. Cui reſpondendum eſt, quod cum in pariete cla- uum forcipe iam commouimus, tunc ut extrahatur, for- cipem in eminentiori ſua parte , uerbi gratia indeſcri- pta figura circa punctum D, uel M, parieti coa- ptamus. qui quidem punctus locum obtinet fulcimen- ti: cui totum inuititur inſtrumentum, quaſi unius tantummodo ueſtis effectus ſit. amba enim lineæ A, C, D, & C, E, uel E, C, M, & A, C, quaſi unius à centro egredientis uicem gerunt. ac propterea plerumq; accidit, ut clauis qui extrahuntur flexi atq; obtorti ſint: quoniam huiusmodi motum, reſtā retror- ſum tendere, non poſſibile eſt, hoc autem in euulſione dentium accidere nequit , propterea quod locus non adeſt, cui, abſq; aliqua eius læſione, cuius dens euelli- tur, forceps inniti poſſit. atq; ob id Ariſtoteles in ſine quaſtionis facilis dentem forcipe commotum, manu trahi quam inſtrumento aſſeuerauit.

Quæſtio Vigefimaſecunda. Cap. XXVII.

C Vr nuceſ & amygdalæ & alia id genus facilli- me abſq; iſtu, inſtrumentorum quorundam an- xilio , forcipibus ſimilium , que ad hunc uſum ſunt conſringuntur : cum dempto tamen iſtu, pluri- mum etiam auferatur uirium , motionis ſcilicet & uolentia . Præterea qui duro , & graui compri- munt, inſtrumento, facilius frangunt, quam ligneo & leui . An quia huiusmodi inſtrumentum , duas ha- bet ueſtes, uni tantummodo innixos fulcimento, quod

èdrum connexio est. quemadmodum in superiori etiam
 quaestione iam diximus. Describatur autem huiusmo-

F



di instrumenti forma, siue figura F, A, C, E, D,
 K, in qua alter est uectis F, A, C, alter uero E,
 A, D, uni fulcimento innixi, uidelicet ipsi A. Cum
 igitur à uectè facile commoueantur onera, ut sapius
 dictum est; mirum non est, si nux, cum à duobus com-
 primatur uectibus, facillime cōfringatur. quando igi-
 tur diducta, siue à se inuicem seiuncta fuerint, ue-
 ctium extrema D, C, tunc quidem à modica uir-
 tute, compressis reliquis extremitatibus, uel licet F,
 E, necessariò & D, C, etiam comprimentur. qua-
 re, quod percussione, siue ictu fecisset in nucem pondus
 aliquod, id uebementius E, D, & F, C, uectes
 conficiet. educti enim in contrarium, mox sese
 inuicem in aduersum comprimentes, nucem frangunt
 ubi est K. Quinetiam quò proximior fuerit pun-
 ctus K, ipsi fulcimento, quod est A, eò celerius
 & facilius confringi nucem necesse est. nam quò
 magis distat uectis à fulcimento, eò facilius ab ea-
 dem ui motum suscipit. si ergo extrema D, C, longe
 distabunt à fulcimento A, cum nux confringen-
 da, ponderis commouendi à uectibus, uicem gerat.

I N Q V A E S.

magis in aduersum nitetur ac resistet, quam si D, & C, proximiora fuissent ipsi A, propterea, quod iam superius in prima uellus descriptione ostendimus, fulcumento proximum deberi poni pondus quod mouendum est, ut facilius moueatur, ac minus sua ui, ac ponderositate resistat. Quamobrem si D, & C, propè A, fuerint, quam longe autem F, & E, tum quoniam ex contrario fiunt eleuatio & depressio, sicut maior fiet eleuatio ex parte F, E, sic maior erit compressio in D, C, hoc est in K, quod uero comprimitur magis, citius etiam frangitur, citius igitur frangetur nux. Quod autem attinet ad illud, quod in proponenda quaestione ab Aristotele dictum est: quod scilicet si duro & graui comprimemus instrumento, facilius fractio fiet, quàm si ligneo & leui, existimabit forte quispiam, alteram esse quaestionis partem, quam ab Aristotele intactam relinqui, miratus fuerit. Verum ego arbitror, id non esse secundam quaestionis partem, quasi scilicet proponat, unde sit quod facilius in strumento ferreo quam ligneo confringimus, sed potius eiusdem declaratae quaestionis ampliationem quãdam: ob quam magis illud mirãdum sit, uidetur enim si nucem frangere debemus, quò grauius instrumentum erit, eò magis illud nobis impedimento fore: cum difficilius sit aliquid sui natura graue, commouere, quam si leuius esset. cuius rei solutio, ex eadem ostensione quam fecimus, uidelicet de duobus huius instrumenti uellibus, palam esse potest. ac propterea amplius in quaestione enucleanda, de hac re Aristotelis mentionem non fecit.

Quaestio


Quæstio Vigefimatertia. Cap. XXVIII.



T habeatur huius quæstionis sententia, ammauertendum est, quod figura quædam reperitur quadrangularis, quam Mathematici rhombum appellant. cuius sibi inuicem omnia latera sunt æqualia, anguli uero, qui sibi tantum aduersantur sunt æquales, duo quidem acuti, reliqui uero obtusi. diametrorum uero altera minor, altera uero maior. Est igitur quæstio, cur si duo extrema in rhombo puncta, duabus æqua celeritate ferantur lationibus, haud quaquam æqualem utrunque eorum pertransit rectam, sed longe plus alterum? Simulq; dubitatione queritur, cur in eodem rhombo, quod super latus fertur, minus conficit spatium, quam ipsam cõficiat quod fertur latus. illud enim minorem dimeticentem transit, hoc uero latus ipsum, quod ipsa minori dimeticente maius est: cum tamen hoc vnica, illud uero duabus feratur motionibus. Verum ut clarius proposita appareat quæstio, describatur rhombus A, B, D, C , cuius anguli acuti sunt A, D , obtusi uero B, C , maior dimeticens A, D , minor B, C , sese diuidentes in puncto K . Feratur itaque punctus A , ad B , B , uero ad A , latus autem uel linea A, B , moueatur per ipsam A, C , ita quod æquidistet semper ipsi C, D , donec tandem cum ipsa vniantur. atq; omnes quas diximus lationes, eadem intelligantur fieri celeritate. Quoniam ergo ratio, sine proportio & conuenientia omnium in rhombo alterum est conuenientia æqualitatis: lationes autem quas diximus, cum eadem celeritate cõcedantur fieri,

I N Q U A E S.

secundum rationem aequalitatis fiunt, necesse est ob id, tam B , quam \mathcal{A} , cum duabus in eadem ratione ferantur latronibus, cuius rationis sunt rhombi latera, in di-



metientibus ferri \mathcal{A} , quidem in dimetiente A, D, B ,
 vero in B, C , ex conuersa $XXIII$ propositione
 Sexti Elementorum. Sequitur ergo, quod cum \mathcal{A} , dua
 bus hisce latronibus peruenerit in D, B , duabus etiam
 motionibus, eadem celeritate latis, accesserit iam ad
 C , minus autem interuallum est B, C , quam A, D .
 Quid ut etiam clarius pateat, latus sit punctus A ,
 suo motu, usque, exempli gratia, ad E , alieno autem,
 motu, hoc est delatus cum ipso B , \mathcal{A} , si suo motu
 non esset latus, tunc accessisset ad F , atque ob aequā
 celeritatem motionis \mathcal{A}, F , aequalis erit \mathcal{A}, E ,
 complea-

compleatur itaq; figura similis toti, productis lineis
 E, H, & F, G, A. igitur cum ex suo met motu
 latus sit in E, ex alieno uero in F. cumq; equalis
 sit propter similitudinem figurarum A, E, ipsi
 F, K, & A, F, ipsi K, E, sequitur excitata.
 XXIII I I I I propositi-one A, tunc esse in puncto K,
 dimidiumq; dimetientis A, D, pertransiuit. cu-
 ius reliquum dimidium ex motu suo ab E, ad B,
 & ex alieno ab F, ad C, confecerit, & tunc erit
 in puncto D. Simili etiam ratione ostendi potest de
 ipso B, qui cum aequali uelocitate moueatur sicut &
 A, quo tempore A, ad E, peruenerit, accedet ipse suo
 motu ad E, alieno uero ad G, completaq; ut prius simi-
 li figura toti, ex E, H, & G, F, sequetur necessario
 quod B, erit in K. Cum enim duabus translatus
 sit lationibus, in ratione, quam latera rhomborum ha-
 bent, hoc est in ratione, equalitatis, altera quidem ex
 se ipso ad E, altera uero delatus cum B, A, ad G,
 ex eadem iam dicta XXIII I I I I propositione, ipsum
 in dimetiente B, C, tunc esse necesse est, in puncto
 scilicet K, dimidiumq; dimetientis B, C, pertran-
 siuit, reliquumq; dimidium ex motu suo ab ipso E, ad
 A, alieno uero a G, ad D, pertransiri necesse fue-
 rit, quando scilicet erit in C, eodem ergo tempo-
 re, in eodem met rhombo duo extrema, in rhom-
 bo puncta, duabus aequali celeritate lationibus lata, ha-
 ud aequale interuallum confecerunt: si d A, inter-
 uallum A, D, B, uero B, C, longe autem ma-
 ius est A, D, quam B, C. Quod autem ad se-
 cundam dubitationem attinet, in eadem figura, uide-

I N Q U A E S.

re possunt, quod si latus rhombi, quod est linea A, B , una tantum motione feratur ad C, D , ita quod simul cum ea, alterum extremum quod est A , deferatur ad C , in linea A, C , alterum vero extremum B , deferatur ad D , quinetiam ipsum B , suomet motu ducatur ad A , per lineam B, A , manifestum erit quod si omnes hęc lationes in eadem celeritate erūt, cum latus A, B , una tantum latione iam transierit latus $A, C. B$, duabus quas dixi motionibus, dimetientem B, C , praterierit, minores scilicet ipso latere. Quod autem necesse sit B , dimetientem tantummodo pertransisse, ex eo uideri potest, quod eum duabus feratur lationibus, altera sua sponte uersus A , reliqua uero delatur simul cum latere A, B , uersus D , in ratione aequalitatis, quę ratio laterum est, sequitur necessario ex eadem $XXIII$, propositione, quam diximus, in rhombi dimetiente semper ferri. in minori scilicet, hoc est B, C . Quamobrem concludi potest, quod in eodem rhombo, quod super latus fertur B , scilicet, minus conficere spatium, quam conficiat ipsum latus, uidelicet A, B , cum tamen hoc uicē, illud uero duplici latione eadem celeritate feratur. Hucusq; igitur satis sit, quæstionis dubitationem descripsisse, ac declarasse, modo uere ad solutionem accedentes, hanc eius afferimus esse causam. Nam cum in quolibet rhombo, duo sint obtusi anguli, reliqui uero acuti, punctus ille qui ab obtuso fertur angulo, si duabus ut concessum est, feratur in rhombo lationibus, ambę hæc lationes existunt sibi propè contrarię, illa scilicet, qua ipse fertur, & illa qua cum latere

latere defertur. Ei autem, quod ab acuto fertur angulo, contingit, ut ambabus lationibus, ad eandem penè partem feratur. Ea enim latio, quæ ipsius est lateris, cum quò defertur, coadiuuat lationem illam, quæ ipsemet sua sponte fertur. ut in figura, exempli gratia, punctus B, ex se ipso ad A, mouetur, delatus uero cum linea B, A, fertur uersus D, hæ autem duæ lationes penè in aduersas partes tēdere manifestum est. lineæ enim, quæ ab angulo obtuso separantur in diuersa tendunt, nil mirū igitur est, si huiusmodi lationibus sese impredientibus, modico interuallo mouetur B, minori scilicet dimetiente B, C, Verum, A, uice uersa, quia ab angulo acuto discedit, necessario tam ea latione, qua ex se ipsa mouetur ad B, quàm ex illa etiam, qua cum B, A, simul defertur ad C, uersus eandem penè partem, accedit. ab angulo enim acuto lineæ discedentes, ad eandem partem tendunt, cum proximius cum dimetiente uniantur, quam faciant quæ ab obtuso recedunt. nil mirum erit ergo, si ambabus lationibus ipsius A, sese iuuantibus, longius interuallum efficiet punctus A, maiorem scilicet dimetientem A, D. Atqui, quò acutiores erunt anguli A, & D, obtusioresq; B, & C, tardius, ac minori interuallo feretur B, celeriusq; ac maior i spatium ipse A, propterea quod ex maiori angustia angulorum A, & D, longior sit dimetiens A, D, & ex eò quòd magis obtundentur B, & C, anguli, breuior restat semper dimetiens B, C, latera enim continuo restringuntur, ac ad reſtitutionem, seu ad unionem tendunt: donec simul penitus cum dimetiente longiori iungun-

tur, rhombusq; dissoluitur. Quoniam ergo ex maiori angustia angulorum acutorum, magis uniuntur latera angulos acutos comprahendentia: iccirco quod ab angulis acutis duabus, ut diximus, mouetur motionibus, quò magis acuti erunt anguli. eò magis sese inuicem his, lationibus, magis ad eandem partem progredietur, donec iunctis cum dimetiente lateribus, ad eandem omnino partem, ambabus ipsis lationibus, progressum fecerit. B, autem nice uersa, quoniam latera obtusum continentia angulum, quò obtusior ipse est, eò magis in diuersas protendant partes, donec tandem illa duo latera, euanescente rhombo, vna fiant linea, iccirco, quò obtusior erit angulus, eò magis ambabus his lationibus sese impredientibus, ad diuersa tendet. donec duobus lateribus, in vnum cocuntibus, ad diuersa penitus tendentem ipsum tandem stare necesse erit. merito igitur B, duabus distis lationibus, modico intervallo mouebitur: dum A, per magnum conficiet. latus uere A, B, cum vnicam habeat tantum lationem, à nullo progrediens impeditur. quare nil mirum est, si maius efficit intervalum vnica tantum latione, quàm efficiat B, duabus se inuicem, ut diximus, impredientibus. Atq; hoc pacto secundum ambas partes, proposita quaestio soluta est,


Quaestio Vigesimaquarta. Cap. XXIX.

Circa est, quod si duo circuli, quorum alter sit maior, alter uero minor circa idem ponantur centrum: super equalè conuoluuntur lineam. feorsum tamen reuoluto: super lineas commoueri necesse est

cesse est, quarum alterius ad alteram ratio, siue conuenientia, ea est, quam vnus magnitudo circuli, ad alterius magnitudinem habet? Quinetiam uno eodemq; utrorumq; existente centro, quandoq; tamen linea illa, super quã conuoluuntur, tanta est, quanta esset, si super ipsam minor conuolueretur circulus, quãq; uero quãta, si super ipsam seorsum ferretur maior. Nãq; quod super maiore feratur seorsum maior, manifestũ est, sensui enim patet, quod cum anguli sint secundum ambobus peculiarium dimctientium (angulos autem uoco inclinationes linearum, quæ à centro sunt, usq; ad ambitũ, sicut etiã in quaestione octaua, angulos intelleximus) eandem quam, habet circuli, necesse est secundum sensum habere rationem lineas ad se inuicem super quas fuerint ipsi circuli circumducti. Verum quod & super æqualem lineã circumuoluantur, si circa idem centrum constituti fuerint ut a q; quandoq; ille linea, super quam uoluuntur, æqualis sit lineã, super quam minor seorsum reuolueretur: quandoq; uero æqualis illi, super quam seorsum maior: hoc procul dubio mirandum est. ac tamen sensui clare patet, quod ita res se habeat. Describatur enim figura. in qua maior circulus sit D, F, C, minor uero E, B, G, centrum amborum sit A, linea uero super quam magnus seorsum uolueretur, intelligatur F, I, uerbi gratia quatuor pedum. Animaduertendum autem est, antea quàm ulterius progrediamur: quod cũ trifariã moueri possit circulus (sicut in octaua quaestione declarauimus) illa rotatio in presentiarum intelligenda est, qua circa cẽtram fit, non manẽte centro, ut

I N Q V A E S.

in plaustrorum rotis cōtingit. Sit ergo inquam, linea, super quam maior circulus seorsum reuolueretur F,



I, interuallum uero sine linea, super quam minor circulus, ab altero se iunctus, moueretur G, K, Exempli gratia bipedalis. cui accipiatur equalis F, L. Si ergo minorem conuoluerō, simul centrum A, cui annexus est circulus, moueri necesse est. Cum primum igitur A, B, fuerit reſta, ſiue ad perpendicularum ad ipsam G, K, uerbi gratia in puncto K, simul etiā et A, C, reſta fuerit ad F, L, in puncto L, cum A, B, ſit pars ipſius A, C, & G, K, equalis F, L, ex XXXIII. propoſitione primi elementorum. quare equalia conſecerunt interualla, ambitus ipſi F, C, & G, B, ipſa ſcilicet interualla G, K, & F, L, Quoniam ergo, quarta pars utriusq; circuli equalē tranſiuit ſpatium, cui dubium eſt totos etiam circulos, a quo etiam interuallo, conuolutum iri? Eodē, autem pacto, ſi circulum magnum ciebo, A, centrum mouebitur, cui cum annexus ſit minor circulus, & ipſum etiam conuolui necesse eſt.

se est. ac cum primum A, C , recta fuerit, sine perpendicularis ad F, I , exempli gratia in puncto I , necessario A, B , recta fiet ad G, M , in puncto M , equalisq; erit F, I , ipsi G, M , ex XXXIIII propositione primi elementorum, cum A, B ; sit pars lineae A, C . Quo tempore igitur ambitus C, F , confecit spatium F, I, G, B , etiam minoris circuli ambitus aequale interuallum transiuit G, M . Quare si quarta pars utriusq; circuli, aequale confecit spatium, & totos ipsos circulos, aequale etiam pertransire necesse est. ita ut quamprimum A, F , iterum recta ad lineam F, I , ulterius protensam fiet, simul & A, G , ad ulterius extensam G, M , fiet perpendicularis super F . Habemus itaq; hos duos circulos, modo aequale transire spatium, ei quod minor circulus seorsum efficeret, quod est G, K , uel F, L , modo uero aequale ei, quod minor circulus seorsum efficeret, quod est G, K , uel F, L , modo uero aequale ei, quod ex se ipso maior conficeret, quod est F, I , uel G, M . Atqui hoc quidem contingit nulla intercedente mora in maiori circulo cum minus transit spatium. hoc est, in nullo puncto, nec aliquantisper quidem, quietem agendo. neq; uice uersa transiliente minori circulo, partem quamuis modicam interualli, cum minus efficit spatium: sed utriq; unico semper, ac continuo delatis motu: centrum ipsorum, interdum maiori, interdum minori, eadem celeritate, ac unica semper existente latione, defertur spatium. Quod quidem, res non intra corticem perscrutantibus, magnam affert admirabilitatem, siquidem idem eadem celerita

te latum, aequale semper deberet conficere intervallū.
 Sed de questione explananda hactenus. Quod autem
 attinet ad huius rei causam: duo nobis ex naturali phi-
 losophia assumenda sunt. quorum alterū illud est, quod
 scilicet, si quid ab aliquo mouetur, nihil ex se ipso con-
 ferens ad illum motum, necessario tanto intervallo mo-
 uebitur. quanto mouens, illud mouerit. Alterum ue-
 ro, quod assumimus, est, quod eadem, siue aequalis
 potentia, eadem utens ui, aliquando tardius unum &
 idem pondus mouebit, aliquando citius. si enim fuerit
 quippiam quod ex se ipso non sit aptum, siue idoneum,
 ad aliquem locum moueri, uel si idoneum sit, idoneita-
 te tamen non utatur: sit q̄; aliud quippiam, quod aptū
 ad illud sit, aptitudine q̄; utatur: si quidem ambo hac
 mobilia simul iuncta, a quo piā moueantur, tardius mo-
 uebitur illud, quod aptitudine utitur, quam si seorsum
 seiunctum ab alio motum esset. Exempli gratia, sit *A*,
 ex sui natura idoneum ad moueri deorsum *B*, nero ne
 quaquam sed sursum: si quis *A*, & *B*, simul conne-
 xa deorsum mouebit, difficilius minori q̄; intervallo,
 mouebit *A*, quam si ipsum met seiunctum moueret.
 Quod ex impedimento eius, quod annexum est, contin-
 git, cum qualibet res, materiā includens naturalē, ad
 aliquem motū impetum habeat. His igitur hoc pacto
 assumptis, atq; ex concessu habitis, clare patet, quod si
 circulus minor *G*, *B*, *E*, maiorem sibi annexum *D*,
F, *C*, ex se non reuolutum impuleris, tantum necessa-
 rio spatij transibit maior, quantum ex impulsu delatus
 est. est autem delatus, ex secunda assumptione, quan-
 tum minor motus est: aequale igitur spatium effecerunt

maior & minor. Tantum ergo mouebitur maior circulus, si nulla sup̄ ipsius latione feretur, quantū minor ipsum deportauerint, cum simul cum ipso annexus cōmoueat. quare si bipedale spatium transiit minor, tantūdem etiam sequēs efficiet maior. Nec dissimili ratione dicendum est, si maior minorem, nihil ad motum cōferentem, mouebitur, feretur enim paruus eodem intervallo quo maior ipsum deportabit. Verū si seorsum ambo ex se mouentur siue celeriter siue tarde, eadem tamen uelocitate, maiori maior, minori uero minor, feretur spatium. Sed oritur forte cuiusdam difficultas, quoniam tunc solummodo in aequales coniunctos circulos, aequali moueri contigit intervallo, cum alter ab altero moueatur secundum lationem, qua alter ex sui natura aptus non sit moueri. exempli gratia si non circa idem centrum connectantur circuli, sed ita coaptentur, ut circulus qui ab altero deferri debet, peculiare centrum, extra mouentis centrum habeat. nam tunc necessario delatus circulus, tanto deferetur spatium, quanto deferens circulus illum deferet. si quidem tunc id contingit, quia delatus circulus, non est aptus secundum illam lationem moueri, quandoquidem adiacens, uel propensus, uel quouis modo extra motoris centrum, coniunctus, non semper conuoluitur. Sed si circa idem positus fuerit centrum, utrosq; simul semper conuolui necesse est. Restat igitur eadem difficultas, & admiratio. Huic dubitationi respondet Aristoteles: quod quamuis maior, & minor circuli ita coaptentur, ut circa idē sint centrum: nihilominus non sua met motione mouetur, qui ab altero fertur sed ue-

luti si nullam ab huiusmodi lationem circa idem centrum, aptitudinem obtineret. si enim hanc habuerit & non utatur, non aliter existimanda est, ac si nulla esset. Concludi ergo potest, quòd quando maior circulus, mouet sibi alligatum minorem, minor mouebitur quantum ille: rursus uero, quando mouebit minor, feretur maior quantum ille, cum tantummodo separati utriq; se ipsos moueant. Ad argumentationis autem formam redeuntes dicimus, quòd quando in principio quæstionis proponebatur, quòd cum idem eadem celeritate latum, æquale semper conficiat interuallum, mirandum uidetur, quòd eodem existente centro ac latione eiusdem uelocitatis, quandoq; maius, ut diximus, ab huiusmodi circulis conficiatur interuallum, quandoq; minus: respondendum est: quòd ratiocinatione deceptiua utitur, qui hoc modo argumentatur, illud enim eodem centro, cum ambiguum sit, distinguendum est. idem enim ambobus circulis est centrum: sed non ex se, siue ex eorum natura, uerum ex accidenti: quemadmodum eundem hominem & album, & sapientem contingit esse. centrum enim proprie illius est circuli, qui motor est: ex accidenti autem, centrum est etiam circuli, qui defertur. Quando igitur minor circulus, mouens erit, centrum proprie minoris erit circuli, ex accidente maioris: Vice autem uersa, si mouens erit maior. ratiocinatio igitur propter ambiguum, deceptiua est. & ideo non concludit: nec causam quæstionis, quam attulimus, deturbare potest.

Quæstio Vigesimaquinta. Cap. XXX.




*A*et quæstio duas apud Aristotelem habet partes. Primo quaeritur, unde est, quòd qui lectulos faciunt, duplā in lateribus, rationem seruant? alterum enim latus sex pedum, uel paulo amplius, efficiunt: alterum uero triū,

uel paulo etiam amplius. In secunda quæstionis parte, dubitatur, cur nam haud secundum dimetientem, sed magis per transversum, restibus siue funibus, intexunt lectulos? An quòd attinet ad primam quæstionis partem, ea fortassis est causa, quòd in dupla ferè latitudine, atq; in iam dicta magnitudine, illos faciunt: quoniam humanorum corporum, rationem habeant, sic enim dupli fiunt lectuli secundum latera: longitudine quidem ferè cubitorum quatuor, latitudine uero duorū. De secunda aut quæstionis parte, cur scilicet lectulos ipsos, non secundum dimetientem, sed per transversum, restibus texunt: plures forte possunt afferri cause. Primo enim id fit, ut ligna minus distrahantur: cū facillime scindantur, si secundū naturam, hoc est per lōgum diuisa fuerint. atq; ob id, eo modo, hoc est secundum dimetientem, distenta laborant maxime. habent ligna quasdam in lōgum quasi uenulas, siue tramites: quibus si diuidens obsequatur, facillime diuidet. secundum uero latitudinē, quia transversi tramites illi sūt, difficilis est omnis scissio. Quoniam ergo lectulorum restes, ab incumbente recumbantium pōdere, premuntur ualde: ac ob id ligna ipsa, quibus innituntur restes, ex huiusmodi pressione distēduntur, necesse est, ut mi-

nor fiat laesio, restibus per transversum lectulos in-
 extos esse. quia si secundum dimetientem extenderen-
 tur, ad lectuli si illicet longitudinem annexa, ab illa par-
 te, ligna distraherentur, qua lignorum ex sui natura,
 facillima, ut diximus, fit divisio. Praeterea id etiam sit,
 quia cum opus sit, ut restes pondus ferre possint: si ip-
 sae quidem per transversum protensa fuerint, minus la-
 borabunt onere super imposito, quam si secundum di-
 mettentem extenderentur. quo enim brevioribus ex-
 tensionibus, ac obliquioribus, contexti restibus erunt le-
 ctuli: eo minus propter onus impositum, restes incur-
 vabuntur: ac iccirco minus etiam laborabunt; ma-
 gisq; sibi met ipsis, in labore sufficient. Tertiam item,
 huiusmodi contextus Aristoteles addit causam: eamq;
 mathematicis descriptionibus, demonstrare conatur.
 in qua quidem demonstratione, adeo mendosus ubique
 ac corruptus codex reperitur, ut Aristoteles hoc in lo-
 co difficillimus uideri possit. Et quamvis bibliothecas
 quamplures in Italia magni nominis adiuerimus, qua
 pluraq; Mechanicarum quaestionum mendosa loca, ex
 diuersis repertis exemplaribus, emendauerimus: nullum
 nihilominus, reperimus exemplar, ex quo penitus hu-
 iusce demonstrationis contextus haberi possit. Asseri-
 mus tamen, quod ex codice quodam satis antiquo, quem
 Venetijs in bibliotheca Diui Marci, diligenter legimus,
 tantum lucis haurire potuimus, quantum si non ad co-
 textum uerborum perfecte intelligendum, atq; extri-
 candum: tantum tamen saltem fuerit, ut ad habendam
 ueram Aristotelis sententiam, ansam nobis ualde tu-
 tam praebuerit, Queritur ergo, cur sit, quod qui lectu-
 los

boꝝ faciunt, non secundum dimetientem, sed per transuersum, lateribus reſtes connectunt. Tertiam tandem Aristoteles affert causam, quoniam scilicet ex huiusmodi connexionem, ac extensionem, minus abumitur ipsarum reſtium, quam si secundum dimetientem coaptarentur. Quod ut clarius patere possit, describatur leucluli figura, in qua longiora latera sint F, G, A, K , sex pedum exempli gratia, breuiora uero, qua secundum latitudinem sunt A, F, G, K , trium pedum, ut dupla, sicut diximus seruetur ratio. ponatur autem B , in medio F, G . M , uero in medio A, K , ita quod qualibet harum $F, B, B, G, A, M, & M, K$. trium sit pedum: omnes igitur hee lineae erunt sibi inuicem aequales, uidelicet $F, B, B, G, G, K, M, K, M, A, & A, F$. diuidatur tam B, G . quam A, M . in tres partes aequales, quarum qualibet erit unius pedis eruntq; $B, C, C, E, E, G, A, D, D, H, & H, M$, connectatur autem reſtis ex A , ad B ; ex C , ad D ; ex H ,




ad E ; ex G , ad M . Diuidatur deinde, tam F, B , quam M, K , in tres aequales partes, quarum qualibet erit etiam unius pedis, eruntq; F, N, N, O .

I N Q U A S.

O, B. M, P, Q. & Q, K, annectatur nero restis ex F, ad M, ex; P, ad; N, ex. O, ad Q, ex K; ad B. Quoniam ergo omnes hæ partes secundum quas diuidimus latera F, G. A, K. sunt sibi inuicem æquales, quia omnes unius sunt pedis: sequitur ex XXXVIII. propositione primi elementorum, & illas etiam esse sibi inuicem æquales, uidelicet A, B. D, C. H, E. M, G. F, M. M, P. O, Q. & B, K. Quantum ergo consumptum fuerit ipsarum restium, in huiusmodi contextu, quem descripsimus, facillime ex hoc ratiocinari possumus. Nam, quoniã rectorum angulorum est figura lectuli angulus in K. rectus erit. triangulus ergo rectorangulus erit G, K, M. restoq; angulo latus subtenditur M, G. quare ex XLVII. propositione primi elementorum linea G, M. tantum poterit, quantum G, K. & K, M. simul possunt: hoc est quadratum quod sit est linea G, M, si in seipsam ducatur, siue multiplicetur, æquale erit duobus quadratis simul adiunctis, quæ fiant ex G, K, & K, M. Quoniam autem cõcessum est G, K. trium pedum, æqualisq; est. G, K. lineæ ipsi K, M. propterea quòd longitudo lectuli dupla est ad latitudinem: sequitur quod tam quadratum, quod fiet, ex G, K. quam quod ex K, M. erit nouem pedum, quæ si simul iungantur, decem & octo pedes constituunt, quadratũ ergo, quod ex M, G. habebitur, decẽ & octo pedes continebit, cuius quadrati radix, erit quatuor pedũ cum quarta parte ferè unius pedis, ut facillime ratiocinari potest ex doctrina radicũ, & quadratorũ in arithmeticis. Verũ quia ut diximus, omnes hæ lineæ

sunt

Sunt sibi inuicem aequales, uidelicet $A, B, D, C, H, E, M, G, F, N, N, P, O, Q$, & B, K , quae quidem octo sunt: sequitur quod qualibet ipsarum quatuor erit pedum, cum quarta ferè parte unius pedis: quorum omnium si fiat additio, habebimus ex ratione additionis in arithmèticis longitudinem triginta quatuor ferè pedum, atque hoc illud est, quod ex restibus intra lectuli latera, in descripto contextu assumptum est, quod quidem, minus est, quam si secundum dimetientem restis annexa fuerit, atque ut hoc etiam sub oculis ponatur, describatur lectuli figura, in qua secundum dimetientè restium contextus factus sit. si q;



longitudo lectuli, latus scilicet B, C , & latus A, D , sex pedum, ut in superiori figura. latitudo uero trium pedum, tam latus B, A , quam C, D . Diuidaturq; tam latus B, C , quam A, D , in tres partes aequales: quarum qualibet, duorum sit pedum. reliqua uero latera in tres etiam aequales partes, diuisa sint, quarum qualibet unius erit pedis. ita quòd partes duorum pedum sunt $B, E, E, F, F, G, A, I, I, K$, & K, D , partes aut unius pedis, erunt $B, G, G, H, H, A, C, M, M,$

L. & L, D. extendatur autem restis ex G, ad E; ex F, ad H, ex A, ad C, ex M, ad I, ex k, ad L, ex M, ad F, ex E, ad L, ex D, ad B, ex G, ad k, & ex I, ad H. In huiusmodi ergo restium extensione plus ipsarum consumptum est, quàm in superiori connexionem factum fuerit. Nam quia figura restorum angulorum lectulus est, anguli B, C, D. B, A, D. A, D, C. & C, B, A. recti sunt. quare triangulus M, C, F. reſtanguſus eſt. anguloq; reſto ſubtenditur latus F, M. ex X L V I I. ergo primi elementorum propoſitione, tantum poteſt F, M. quantum ſimul M, C, & F, C. hoc eſt, quadratum ex F, M, conſectum æquale erit quadratis ex M, C, & C, F, factis. cumq; ex conſeſſu linea C, M, vnus ſit pedis, F, C, uero duorum; quadratum ex C, M, vnus erit pedis, ex C, F, uero quatuor pedum: quæ ſimul iuncta, quinque; ex additione pedes conſtituunt, tantundemq; ipſum erit quadratum ex F, M, cuius cum radix ſit duorum pedum, cū quarta ſerè parte vnus pedis: tantundem dicemus eſſe lineam F, M, cui cum æqualis ſit, qualibet ipſarum G, E. H, I, & K, L, ſequitur ex ratiocinatione, duſtionis, ſeu additionis ex arithmetica, quòd ſimul conſtituant nouem pedes. Eodem etiam pacto, quoniam triangulus E, C, L, reſtium habet angulum C, cui ſubtenditur linea E, L, ſequetur ex citata X L V I I propoſitione, quòd quadratum ex E, L, conſectum ſit æquale duobus quadratis, quæ ex B, C, & C, L, conſiciantur. cumq; poſita ſit linea C, L, duorum pedum. C, E, uero quatuor: quadratum ex C, L, quatuor erit pedum, ex E, C, uero ſex

sexdecim, quæ simul iuncta XX pedes constituent. totidemq; est quadratum ex E, L , cuius radix quatuor est pedum ferè cum dimidio. ac ideò tantundem est linea E, L , cui quia æqualis est qualibet illarum $G, k, H, F,$ & M, l , sequitur ex ratione additionum, quod si simul addantur, decem & octo pedes constituentur, qui pedes, si novem etiam pedibus, superius habitis, adijciantur, septem & uiginti pedum numerus complebitur. Quoniam uero triangulus B, C, D , rectum habet angulum C , cui subtenditur linea B, D . Sequitur ex sæpius citata $XLVII$ propositione, quod quadratum ex B, D , æquale erit duobus quadratis, ex B, C , scilicet & ex C, D . Cumq; iam assumptum sit lineam C, D , trium esse pedum B, C , uero sex pedum: quadratum ex D, C , novem pedum fuerit, ex B, C , uero $XXXVI$ quæ quadrata simul iuncta XLV . pedes conficiunt, totidemq; pedum erit quadratum ex B, D , cuius quidem radix, sex reperitur pedum, cum tribus ferè quartis partibus unius pedis. tantundemq; erit linea B, D , cui quia æqualis est alter dimetiens A, C , si simul iungentur, tredecim complebunt pedes cum dimidio. qui si $XXVII$ addantur pedibus iam prius ex ratiocinatione habitis, summam ferè quadraginta pedum, cum dimidio, tandem confecerint. Dixi autè ferè, quia radices, quos ex quadratis extraximus, non omnes puras, ac præcisas habuimus, propter irrationalitatem magnitudinum: ut habetur ex doctrina libri decimi Euclidis. Ceterum ea diligètia radices extraximus, ut minor, ac exactior inquisitio, magnificiūda nō fuerit. Videmus itaq; qua

draginta cum dimidio ferè pedes, ex vestibus consumptum iri, si secundum dimetientem annectantur. cum tamen in superiori figura, per transversum contexta, triginta quatuor ferè vestium pedes, absorpti fuerint. Quare palam concludi potest, verum esse, quod dicit Aristoteles, plus scilicet consumi vestium, si secundum dimetientem extendantur. Animaduertendum tamen est, quod idè in descriptis lectulorum figuris, in qualibet laterum diuisione, literam posui, cum tamen Aristoteles ubique non posuerit: propterea quod Aristoteles assumptionem ostendit, in dimidio tantum lectulorum: quasi quilibet ex se ipso de reliquo dimidio argumentari possit. Ego uero integram ostensionem, ac ratiocinationem compleni. Fateor autem, mihi contextum Aristotelis, in hac quaestione fuisse difficillimum. sed illud tamen manifestissimum est, uel Aristotelem, eam ostensionem intellexisse, quam explicavi: uel si minus, hanc quam apposui, ac explanavi, propositum absq; omni dubitatione, concludere. non nam onueniens est, eandem complexionem, siue (ut ita dicam) conclusionem, ex pluribus assumptionibus, pluribusq; ueris causis, in mathematicis haberi posse, ut scribit Proclus, & ut quilibet cognoscere potest, qui mathematicas disciplinas quam modice degustauerit. Multa autem, qua in hac quaestione quidem Interpres de hypotemisis loquitur: & quod etiam dicit, tanto minus vestium consumi, quantum est A, F, F, B. & G, K, K, M, nullo pacto cum Aristotelis sententia conuenire potest. Sed haestenus de hac quaestione.

Quaestio Vigesima sexta. Cap. XXXI.



Vt difficilius procera ligna ab extremo super humeros gestantur, quam à medio, cum tamen æquale semper sit pondus? An quia agitato, seu iactato ligno, cum tota agitatio ex altera parte sit, maiori est gestandi impedimento.

huiusmodi enim vibratione, retrahitur quodã modo latio. At qui & si nequaquam fluctinet aut agitetur lignum, idem tamen contingit fieri. quoniam tãetsi non inflectatur, nec satis protensq; etiam sit longitudinis: maiori tamẽ difficultate, ab extremo fertur. Nam quaecunq; difficilius eleuantur ab extremo, difficilius et posteaquam eleuata erunt, ferentur: sed oblonga ligna difficilius eleuantur: ergo et maiori difficultate ferentur. Propositio in hac ratiocinatione, uera est: quia eadẽ est ratio in eleuando, & in deferendo; ubiq; enim eodem pacto, uectis fit, ex quo (ut diximus) oritur huius rei causa. Assumptio et uera est, quoniam demonstratum fuit superius in quaestione xvi. quod quò longiora sunt ligna, imbecilliora sunt: et si ab extremo eleuentur, fluctuant ac mutant magis. Causa autẽ est, quia eleuato ligno ab eius medio semper sese inuicẽ sustentant, extrema, ita quòd altera pars reliquam subleuat, ac quodã modo sustinet. Vectis enim fit lignũ, manus autẽ eleuans, siue humerus deferens fulcimentũ fit, quod si in medio ligni fuerit, tunc in medio et centrum erit. Describatur enim figura, ubi lignum sit B, C, fulcimentũ uel in humero, uel in manu, sit in medio ubi A. Tunc quidẽ utrunq; extremum B, C, quia suo

nutu deorsum uerget, sursum etiam ex hoc suspendi-
tur. Nam B, uerbi gratia deorsum tendens ele-



uat C, & simul etiam ab ipso C, descendente eleua-
bitur, non quod vnà ascendat & descendat. (hoc enim
non possibile est) sed dum alterum extremum, reliquū
eleuare nititur; utroq; mutuo incumbente, aut ascen-
dente, quasi libramentum efficiunt. Cum uero ex infle-
xione, siue d^rpressione alterius extremi, nascatur la-
bor in deferente; necesse est cum nulla depressio pra-
ualebit ex quauis parte; minus etiam gestantem la-
borare: atque ob id facilius lignum ferre. Quod si
ab extremo eleuaretur, seu ferretur lignum tunc uni-
uersum, deorsum uerget pondus, nulla eius parte sur-
sum eleuata. quare ualde laboriosa erit hac gestatio.
qualibet enim ligni pars officit, nulla iuuat. Quam-
obrem cum & propositio & assumptio ueræ sint, cui
mirum, si etiā complexio, quæ ex illis sequitur, ueræ
fuerit?

Quæstio Vigesimalseptima. Cap. XXXII.

Cir si ualde oblongum fuerit lignum, siue ali-
quod aliud pondus, quod super humeros fertur,
tametsi iuxta eius medium subiiciatur hume-
rus; tamen difficilius gestabitur: quàm si breuius idē
inet, hoc est eiusdem ponderis lignum extiterit? Quā

nis enim idemmet lignum facilius à medio feratur, quàm ab extremo, ut in præcedenti quæstione ostensum est: nihilominus hoc etiam latiori modo, quò procerius erit, eò maiori labore gestari contigerit. An uibratio ipsa, seu fluctuatio huiusce rei est causa. Quanto enim productius fuerit lignum, tanto eius extremitates iactantur, ac agitantur magis. uibratio autem magno, ipsi gestanti, impedimento est. ex eo enim fit uibratio, quod extremitates ipsa deorsum nutantes, ac in-




cumbentes premunt magis. ex qua quidem pressione, oritur ferenti labor. Quod autem maior fiat uibratio, seu fluctuatio, in procerioribus lignis, propterea est, quod quò procerius lignum fuerit, eò magis distant à centro lineæ, atque ob id nutu suo mouentur magis. Sit enim lignum aliquod oblongum B, A, C, in cuius medio sit humerus ubi A. Quoniam ergo huiusmodi lignum tunc uelutis fit, cuius fulcimentum, siue centrum est A, necesse est, quò magis lineæ A, B, & A, C, ab A, distabunt, eò moueri celerius. Cum uero earum motus, nutu suo deorsum uergat: maior propterea deorsum erit latitudo, magisque transferri necesse est. uibratio autem translatio quædam est, quæ cum gestanti detrimentum præbeat, nil mirum erit, si difficilius lignum illud gestabitur.

Quæstio Vigesima octaua . Cap. XXXIII.



*U*r qui iuxta puteos ad hauriendam aquam celonia, siue ciconias faciunt, ligno adijciunt pondus plumbi aut lapidis? cum tamen uas ipsum quo exhauritur aqua, & plenum & uacuum pondus habeat. Cur ergo aliud additur pondus, cum maiora pondera difficilius eleuentur quam minora? Est autem (quod ad hanc questionem attinet) Celonium instrumentum ligneum, ad commodius aquam hauriendam excogitatum: quod hac tempestate apud quosdam Ciconia nuncupatur. Hoc maxime utuntur Hispani, ac Telonam uocant. Id autem est huiusmodi. Iuxta marginem putei, erecta stat trabs, cuius in superiori parte, transversarius quidam tignus connectitur: minoris crassitiei quam sit trabs, intra crassitiem trabis, ita clauo ex utraque parte armillato, compactus, ut modica ui, inferius, superiusque commoueri possit, cuius ab altero extremo, quod ad puteum uergens, magis quam reliquum à clauo seiunctum est, ferrea quedam catena demittitur, cuius in extremo, anea fibula quedam inest, cui uas aquarium suspendi debet. Describatur huius instrumenti figura. Sitque A, C, B, D, G. C, D, autem erectam trabem ostendat, tignus autem transversarius sit A, C, B coaptatus in extremo trabis in signo C, ita quod deorsum, & sursum paruo negotio, commoueri possit. pondus autem uel plumbi, uel lapidis, sit G. Eius autem usus talis est. namque fibula E, suspenditur uas: deorsumque ipsum trahimus: deprimentes scilicet extremum tigni, quod est B, reliquum uero quod est A, simul cum pondere

idere superimposito *G*, eleuari necesse est. Cum uerò uas aquæ plenum, ex puteo attollere uoluerimus: tunc modica ui, catenam attrahētes, extremum tigni,



A, propter pondus appositum deprimitur, reliquaq; extremitas *B*, eleuatur: nostrumq; in attollendo conatiuam adiuuans, maximam præbet in aqua extrahenda facilitatem. Queritur ergo, cum uas ipsam tam plenum quàm uacuum graue sit: cur nonum pondus adiungimus ad faciliorem exhaustum aquæ? An quia tignus ille uertis fit, cuius fulcimentum est *C*, remotiusq; extremitas est *B*, quòd cum uas dimittimus, mouentis uicem obtinet, pondus cōmouendum est ipsum *G*. Vice aut uersa, cum uas plenum educitur, pondus

I N Q U A E S .

G, locum mouentis habet B, uero simul cum uasē pleno, ponderis uicem gerit. longius autem à fulcimento distat B, quā A, ut cum dimittimus uas facilius pondus G, eleuetur. quo. n. longior à centro linea est, eò celerius fertur, ut superius saepe ostensum est. Verum cum uas plenū educimus: quia nos attrahentes ascensionem inuamus: nullo negocio, pondus G, deprimet partem A, eleuatq; B, quamuis. n. A, C, minor sit, quam C, B, magnitudo tamen ponderis, breuitatem lineae abunde admodum recompensat. Sed dicet forte aliquis, nonne facilius uas uacuū demitteretur si pondus G, non adesset? cui respondendum est, quod quidem facilius: uerum enim uero, quoniam duobus temporibus hauriendi partitur opus, cū, & demittere uacuū uas primus oporteat, & dehinc sursum educere: necesse est, quod nō solū immittendi, sed & extollēdi habeatur ratio. fateor. n. q̄ facilius immitteretur uas uacuum absq; apposito pondere G, uerū cum dehinc educere ipsum plenum uoluerimus, magnō opere laborabimus. cōmodum igitur est paulo difficilius illud demittere, ut longe facilius sustollatur. admittendus. n. semper est modicus labor, ut ex hoc dehinc máximo in labore, commoditati nostrae consulamus. hoc autem euenit circa hoc, quod descripsimus instrumentū. prius enim parum nobis officit pondus G, in demittendo uasē uacuo, propterea quod uectē longo utimur, ac prolixior est linea C, B, quā C, A, uerum quae maxime nos dein inuabit illud idem pondus, cum uas plenum educemus. Quare si duas haece operis partes, demissionem scilicet uasis, & educationē seiunctas acceperimus,


rimus,

rimus, certum est, quòd adiuncto pondere *G*, altera parum difficilior, reliqua uero ualde commodior existimanda est. uerum si eas ipsas simul iunctas intellexerimus, totumq; negotium exhaurienda aqua considerabimus, longe commodius sic re ddi necesse erit.

Quæstio Vigesima nona. Cap. XXXIII.



ND E est, quòd quando super ligno, aut huiusmodi quopiam, duo idem pōdus portauerint homines: non aque premuntur, si in eorum medio non existit pondus: sed magis laborat ille, cui proximus erit pondus? An quoniam uestis quidem lignum efficitur, seu potius bini uestes, quorum fulcimentum erit pondus, quod gestatur. uestis autem extremitates, partes sunt ligni, quæ ad gestantes uergunt. gestantium autem alter, ponderis quod in ueste commoueri debet, alter uero mouentis uicem obtinet. Esto enim lignum *A*, *B*, pondus uero ap-



pendatur in signo *C*, proximus scilicet ipsi *B*. Sitq; pondus *D*, qui autem ferre debebunt sint *A*, & *B*. Duorum itaque uestium obtinet locum *A*, *B*, inuersumq; fulcimentum habet *C*, mouens autem in


uectē vno est *A*, quod autem ponderis vicem gerit erit *B*, pro altero uero uectē mouens est *B*, motum uero *A*, ambo enim & premuntur & premiunt. Quoniam ergo quò longior est à centro linea, eò celerius, ac facius fertur: facilius à gestante tanquam uectis mouent *A*, sursum eleuabitur; & ob id magis deprimet *B*, atq; ideo magis etiã gestantem presserit, quàm à mouent *B*, prematur *A*, ambo enim (ut dixi) eleuant, atq; ob id ambos premi necesse est. Sed ille magis eleuabit qui longius distat à fulcramento: ac propterea etiã alterum premet magis. si autē pondus in eorū esset medio, tunc labor æqua portione diuisus esset, tantumq; eleuaret alter, quantum preperetur reliquus: ambo enim quia æqua intercapedine à centro distarent, æque eleuarent, & ob id æquo etiam labore ob depressionem afficerentur, alterq; alteri eodem modo fieret pondus *A*, *B*, autem dixi duorum uectium vicem gerere, quia quamuis vnummet.uerē sit lignum, tamen non eiusdem uectis rationem habet, quando *A*, mouens est *B*; uero motum, quam habet cū uice uersa *B*, mouet, mouetur *A*. Sed si quis dabitabit, quoniam si pondus uergit ad alterum ipsorū gestantium, uidetur quòd laboret magis longinquior gestans, propterea quod cū lignū *A*, *B*, graue sit; nutare ipsum, ac grauare oportet, magisq; grauabit pars illa quæ magis à fulcramento distat. Respondendum est, quòd ad hoc ut gestantes ferant lignum cum pondere appenso, necesse est; quòd proualeant nō in naturali ipsius ligni, atq; ob id magis considerandus motus ipse uiolentus quàm naturalis, cum ille sit qui proualeat.

Quæstio Trigesima. Cap. XXXV.

Cur assurgentes omnes; sæmori tibiam ad acutum constituumus angulum, ac pectori similiter sæmur: quod, si haudquaquam fecerimus, sedentes surgere vnquam non poterimus? An quia quod aequale est, quietis ubique est causa: quoniam autem angulus rectus est angulus aequalitatis: propterea ex sui natura quietem facit. quiescunt enim omnia in angulorum suorum aequalitate constituta. solusq; rectus angulus, omnibus rellis æqualis est, acuti vero anguli, siue obtusi, non omnibus acutis, aut obtusis æquales sunt. quamobrem, quò plures in quavis solida figurâ erunt anguli relli, eò illa quiescet magis, atque ob id cubus, seu quadratum corpus, meluti tessera est, magnopere quieti conuenit. Quo fit ut Aristoteles ipse in Ethicis ad Nicomachum, uirum uirtute præditum cibo compareret: quemadmodum enim huiusmodi corpus quomodocumque proijciatur, ac agitur, eodem semper tenore, quieti traditur, directumq; constituitur: ita etiam quicumque uirtute fulget, quomodolibet fortuna manibus exagitetur, & reuoluatur; æquo semper animo residet, uirtuteq; sua obuoluitur, & idem vnus est. Quinetiam Pythagorci, igni pyramidalem, terræ uero propter sui immobilitatem; cubi figuram ascripserunt: non iniuria itaque cum angulus rectus angulus quietis sit, cum steterimus, aut cum sedebimus, angulos rellis cum plano ipsius terræ constituemus: cum uero assurgemus; quia assurgere moueri quoddam est; rellis angulos in acutos commutabimus: An forte & aliam huius asserere possu-

I N Q U A E S .

mus esse causam . nam quia stantem necesse est , totum ad perpendicularum terra constitui : oportet quòd cum quis steterit , caput habeat , ac pedes in eadem linea .



Quotiescunq; igitur assurgat aliquis , fieri ipsum oportet rectum , hoc est tendere ad rectitudinem , dum assurgit . nam dum sedebat prius , non in eadem linea ad terram perpendicularari habebat pedes , & caput . sed in quocunq; sedente , pectus , ac tibiae , fieri lineas sibi inuicem equidistantes , necesse est , ac ob id pedes , & caput in diuersis esse lineis . Cũ ergo sedens quis assurgere vult , pedes sub capite in vna eadem linea fieri necesse erit . Describatur figura in qua pectus , dũ sedemus , sit A , B . sciamur B , C , tibia C , D , caput A , pedes D , equidistant . sibi igitur A , B , & C , D , atque A . B , angulum constituet rectum ; cum B , C . B , C , vero cum C , D , ut diximus in sedente quolibet necessarium esse . Quoniam ergo cum recti erimus , pedes D , sub capite A ,
habere

habere necesse fuerit : opus est, quòd dum assurgimus, aut *D*, sub *A*, ponatur, aut *A*, super *D*, aliter enim unquam constitui possent, in eadem ad terram perpendiculari linea, sicut fieri iam diximus oportere. si ponatur igitur *D*, hoc est pedes ipsi in *F*, sub capite scilicet, iam constitutus fuerit acutus angulus tibiæ *C*, *F*, ad sæmur *B*, *C*, si uero positum fuerit *A*, hoc est caput, in *E*, super *D*, scilicet, iam etiam habebitur angulus acutus ipsius pectoris *E*, *B*, ad sæmur *B*, *C*, quod oportebat demonstrare. aliter enim assurgere nunquam poterimus, sicut manifestum est.

Quæstio Trigesimaprima. Cap. XXXVI.

Cur facilius moueantur commota quàm manentia ? ueluti in curru contingit : qui dum mouetur, facilius à quopiam agitabitur, eiusq; continuabitur motus : quàm eo quiescente, initium ab eodem motionis fiat. An quoniam difficillimum est mouere, quicquid in contrarium mouetur, uel nutum habet. quamuis enim uehementior contingat esse mouentis potentia, quàm aduersa latio, uel nutus ipse : nihilominus quia resistentia quadam, siue repulsio fit, necesse est impulsionem mouentis tardiores fore. non solum enim resistentiam fieri dicimus, ab eo quod in aduersam partem mouentis fertur, sed etiã si quiescet, resistit tamen : propterea quod nutu suo, & si non proualeat, in aduersum nititur. quod autem aut iam mouetur, aut nutū habet ad eã ipsam partem, ad quã impellitur, quia idem facit, quod impellens, impellentem iuuat, ac faciliore impulsū reddit. id enim quod

impellitur, motu ac nutu suo, uirtutem impellentis adiuvat ac confirmat. cum uice uersa stans siue ad cōtrarium tendens, resistat magis. Quamobrem facilius (ut diximus) cuncta eò mouemus, quò uel nutum uel motum habent proprium. & ob id minori negotio, commota impellimus, quàm manentia.

Quæstio Trigesimasecunda. Cap. XXXVII.



¶ T clarior trigesimæ secundæ quæstionis sententia habeatur, animaduertendum est, quod uariæ admodum Philosophorum sententia fuerunt, circa lationem, tum naturalem, tum etiam uiolentam, eorum, que mouentur posteaquam à motore seiuncta sunt. De initio .n. eorum motus, nemo est qui dubitet, quin ab extranea uirtute moueantur, uel scilicet à generante, uel à semouente impedimentum, uel à uiolento impulsore uim faciente. Verum posteaquam motionis initium factum fuerit, cum extraneus iam motor seiunctus sit, non parum dubitatur, quo pacto cōtinuetur motus. In motu enim naturali exempli gratia, in lapide descendente, quidam existimant lapidē tunc moueri, non ab interiori ui, tam ex sui natura, q̄ ex accidēti, sed extrinsecus, à semouēte scilicet impedimentū, uel ab ipso Cælo, uel quouis alio. Nonnulli autem uice uersa arbitrat i sunt, moueri lapidē cū à priori motore seiunctus est, ab interiori, ac domestica ui, quæ ex seipsa motum cōplet. Alij tandē quibus & ipse assentior, opinantur moueri ipsam lapidē descendēte ab interiori ui, quæ tamen nō penitus ex se ipsa, sed ex accidēti hoc est per aliud quoddā, mo-

tum compleat : per medium scilicet transparent , per quod defertur . nulla enim sibi fiet resistētia , si à medio non efficeretur : non enim lapis , sine quod uis aliud naturale corpus familiarem ac intrinsecus resistētia habet , cū in commixtis corporibus elementa concordissime uniantur . Quapropter si inane in natura concederentur , non esset motus , sed subita ac repentina transmutatio , cū resistētia sit de natura , ac ratione motus . Sed de motu naturali nihil ad rem modo nostram pertinet pertractare . Quod autem ad uolentium attinet , existimarunt quidam quòd lapis proiectus sursum , uel à latere , cum primum à proyiciente seiunctus esset , illico à ruente aere , ne inane natræ odiosum , haberi possit , à tergo impelli semper , donec tandem impulsus aer , alium aerem propellere non possit amplius . proyiciens . n . cum proyicit , aerem cum reprojecta rumpit : qui pulsus aer , seiuncto proyiciēte , aliū impellit aerem ; ac retro rursus aer , ne sit inane , impulsus inuat , ac mobile ipsū pellit : & sic deinceps , donec de eorum ob nimiam separationem à priori impellent , languescit impetus , ac tandē simul cū ipso impetu , & impulsus etiam euanescit . Hæc opinio non multum habet roboris . non enim sat est aerem qui sequitur , præcedētem impellere . oportet enim quòd lapis ipse à quopiã impellatur . nam aer , qui à tergo ad remouendū interruere dicitur , solummodo locum replebit , nihil impellet , cum à nullo impellatur . quamuis nunquam uerū esse posset , quòd aer hoc pacto rueret , propter difficultatē mutationis subitæ : sicut optime ex Lucretio ostēdi potest , cum de inane loquitur . Quare dicēdum est ,

quòd lapis proicctus, semoto proijciente ex se mouetur, per aliud tamen, hoc est per aerem. Patet enim ex ijs, quæ habentur ab Aristotele, tum in primo Cæli iuxta literam lxxxviij. tum etiã in octauo de principijs naturalibus: quod per violentiam mota, fiunt quasi per se mobilia. Vnde animaduertendum est, ex his, quæ habentur à Simplicio iuxta vndecimam literam septimi de principijs naturalibus, quod duplex est grauedo, seu ponderositas, altera quæ oritur ex rei natura: reliqua vero superficialis, quã Græci ἐπιτόλæων nuncupant, quæ nihil aliud est, quàm impetus quidam non permanens: qui vel acquiritur in re ipsa ex suo nutu mota, vel à violento motore imprimitur, Lapis enim dum deorsum tendit, velocior semper fit, quod ex eo est, quia semper maiorem ex motu acquirit ponderositatem, superficialem scilicet: siquidem quamprimum quiescit, illam amittit: quod non contingeret, si in eius natura includeretur, Lapis etiam si à quopiam violenter proijciatur, quandam sibi suscipit, superficialem ponderositatem, vel leuitatem à proijciente impressam, quæ nihil aliud est, quam impetus quidam ex accidenti susceptus, quo violenter mouetur, tanquam ex se mobile, donec tamen huiusmodi impetus elinguescat, ac tandem euanescat: sicut etiam asserit Simplicius de calidi natura, quam duplicem esse dicit: Quinetiam Alexander Aphrodisiensis asserit, quod quando proiecta mouentur, tunc impetu accepto ab impellente fiunt quasi ex se mota. Quæ tñ ponderositas, siue lenitas superficialis nõ permittitur, ut diuturna aut perfecta fiat, propterea quod forma res

si, ponderositas scilicet uel leuitas, quæ ex natura est, resistit, ac prohibet, ne perfecte, ac intime imprimatur. Quare cum primum uera ponderositas in lapide, impetum à motore impressum, suo nutu superat: confestim moueri uolenter desinit, motuq; proprio deorsum cedit. Sed prolixiori forte sermone digressus sum. ad habendam tamen huius quæstionis sententiam, non erunt inutilia, quæ dicta sunt. Est igitur quæstio. Cur ea quæ proijciuntur, uerbi gratia lapides, cessant à motu? An quia uirtus impellens desinit, hoc est impetus à proijciēte in lapidē impressus, desinit, ac marcescit: quod contingere potest, uel propter resistentiã quæ ab aliquo repellente fiat: uel ob rei proiectæ nutum ipsum, qui uehementior ex sui natura incipiat esse, quàm impressus impetus, hoc est ponderositas, uel leuitas illa superficialis. Cum enim impressa hæc uirtus, quasi motrix defuerit, absurdum est lapidem proiectum, quasi ambigentem, siue circumactum non cessari. Ex uictoria igitur uere ponderositatis, super impetum, siue superficiali grauedinem, oritur quies, ac cessatio projectorum.

Quæstio Trigesimalertia. Cap. XXXVIII.

CUR ea, quæ proijciuntur, exempli gratia lapides, posteaquam à proijciēte elapsi sunt, eo ipso impulsore non consequente, uolenta motione feruntur: cum tamen sibi naturalis, ac peculiaris non sit ille motus? An quoniam, ut diximus in præcedenti quæstione: proijciens ipse in principio motus, quendam proiecto lapidi impetum tradens, ita efficit, ut lapis tanquam ex se mobilis aerem pellat,

ac deinde aliū, donec tandem ob resistentiam quæ ex nutu lapidis, siue ex eius propria pãderositate oritur, debilitari impetum illum necesse est. ita q̃ proiecti lapidis ponderositas nutu suo inclinatur, ac premit magis, quam impellentis potentia, quæ superficiem tenuis lapidi impressa fuit, impellere possit amplius. Quod etiã manifestius patere potest ex ijs, quæ in præcedenti quæstione dicta sunt. valde enim inter se inuicem conueniunt ambæ hæ quæstiones. & propterea à longiori circa hæc sermone supersedebo.

Quæstio Trigesimaquarta. Cap. XXXIX.



ND. E. est, quod quæ uel magna, uel modica, uel grania, uel leuia ualde sunt, longe proijci nequeunt? sed conuenientia in mensura quadam, cum proijciente habere illa necesse est? An quia opus est id quod impellitur, contra niti eò, unde impulsus fit. animaduertendū enim est, quod apud eos, qui optime philosophantur, fatendum est, omne mouens dum mouet moueri. quod in motu secundum qualitatem uerum est si quadam nō desiderentur, quæ requiruntur. Primum est, quod mouens & motum communicent in materia, ut in libris de Generatione asserit Aristoteles. Secundo determinata quadam requiritur remotio inter mouens et motum. omnia enim naturalia determinatum habent ambitū, intra quem agere possunt, proprioq; sanguinere. Tertio necesse est, q̃ non sit aliquod impedimentum

impedimentum. Quarto requiritur contrarietas inter mouens, & id quod mouetur. postremo actionem oportet esse realem, non autem, ut ita dicam spiritualem. mouetur enim a colore visus, colorem tamen non mouet ipse. si ergo omnia hæc aderunt, tunc resistentiam, siue (vt sic dicam) reactionem in motu secundum qualitatem oportet fieri. Quod autem ad motum localem attinet, verbi gratia, cum manu lapidem facio, necesse quidem est resistentiam fieri, non quidem illam, quam priuatam vocant, vt multi opinantur, sed ea existimanda est resistentia, quam alio nomine formam rei nuncupare possumus, existentem scilicet in re, quæ impeditur, & forma impressa a mouente operari, ac suo fungi possit munere. exempli gratia, si lapis proiicitur, tunc resistentia nihil aliud est, quam forma lapidis quæ impeditur actio proiicientis. Necesse igitur est, si ea, quæ diximus, nõ desiderabuntur, in quolibet motu resistentiam inueniri, quæ naturam motus ingreditur, & qua dempta, translatio repentina fieret, non autem motus ad propositum redeuntes, dicimus, quod si proicctio lapidis debet fieri, oportet quod virtus proiicientis, nutu superet ipsius lapidis, nõ si lapidis ponderositas ob eius molè immodicã, virtutè proiicientis excelleret, tunc cū nõ cedret, proici nequaquam posset. Verum si versa vice, adeo modica & leuis esset res, quæ proici debet, vt contra niti ac resistentiam facere, non valeret, projectionem etiam nullam fieri necesse esset. Quoniam ergo, & cedere habet proiecta moles, & contra niti, necessario, nec tam

gravis ut cedere nequeat, nec adeo levis, ut obviti non possit, accipienda est. Namque si ob gravitatem suam non cesserit, aut ob imbecillitatem, non vitetur in aduersum, impulsio quidem ac projectio nulla fiet. Conuenientia ergo quaedam in mensura indiget, inter impulsam lapidem, & impellentem, ita quod nec adeo sit magnus, ut non superetur, nec adeo imbecillis, ut non resistat. An & altera potest esse causa, quoniam enim tantum fertur id, quod fertur, quantum aeris, sine aqua mouerit in profundum, necesse est, quod ea, quae moueri nequeunt, nec mota mouere profecto possunt. Quae autem valde immodica sunt, moueri nequaquam poterunt, quare & ipsa nequaquam mota mouebunt. Valde autem parua, mouere ob paruitatem nullo pacto possunt. Nimis igitur magna, nimisque parua, seu non mota existunt, altera enim nihil mouent, altera vero nihil mouentur. ut facilius etiam ex iis, quae altius repentes, de resistantia, superius diximus, patere potest.


Quaestio Trigesimaquinta. Cap. XL.



Ut ea, quae in vorticibus & revolutionibus aquarum videntur ferri, ad medium tandem feruntur omnia? An huius rei plures sunt causa. Primo enim quoniam magnitudinem habet ac molem, quodcunque fertur, necesse est, quod si in vorticibus aquarum feratur quippiam, eius extre-

ma

ma in duobus ferantur circuitus, quorum alter amplior, angustior vero sit reliquus. Verum quia maior circuitus celerius in girum fertur, quàm minor, necessario sequitur, quod si exempli gratia in vortici bus aquarum feratur lapis, cum altera lapidis extremitas celerius a maiori circulo distrahatur, ob id per transversum ad minorem circulum impellatur. Quoniam vero, semper lapis eandem crassitiem habet, eodem & tunc pacto in duobus eius extrema ferentur circuitis, maiori scilicet, & minori, atque a maiori rursus distractus, ad interiorem propelletur, & sic semper deinceps, donec ad medium, hoc est ad eorum circulorum centrum redigatur. Describatur



I N Q V A E S.

circum centrum: B. plures circuli, ponaturque lapis.
A, cuius altera extremitas tangat primum circum-
 luum, reliqua vero tertium, exempli gratia. Quonia
 ergo mira celeritate rapitur primus circulus, di-
 strahetur superior lapidis extremitas, atque ad in-
 teriores propelletur circulo: ad secundum scilicet in
 hac figura, quare & reliqua extremitas, qua ter-
 tium contigebat circumulum, quia & ipsa simul cum
 toto lapide propulsa est, quartum tanget. Dehinc
 rursus, quia secundus circulus celerius rapitur, quam
 reliqui interiores, lapidis superior extremitas intro
 propelletur, ad tertium scilicet circumulum, quare reli-
 qua lapidis extremitas, qua quartum contigebat,
 propulsa & ipsa interius, quintum continget, & sic
 deinceps eodem semper tenore dicendum est, usque-
 quo lapidis centrum cum circulorum centro idem
 fiat. An & alia potest esse causa, quoniam enim
 omnium circulorum qui in vorticibus aquarum con-
 tingunt fieri, unum est commune centrū, quod æqua-
 liter ab ambitu distat in vnoquoque circulo, sequitur
 quod lapis in huiusmodi agitato circulis semper, &
 ipse quovis in circulo moveatur, æqualiter a centro
 distet. Cum ergo omnis motionis finis sit status, &
 quies, sitq; cōmodissima in centro quies, par est, quod
 quemadmodum omnium eorum, quos diximus circu-
 lorum, unum principium est centrum ipsorum, eo-
 rumque latio, in eo ipso centro, tāquam in loco quie-
 tis, commodissime desinat, ita etiam quicquid in hu-
 iusmodi volutationibus fertur, cum cuiuslibet latio-
 nis finis sit quies, circularisq; motionis finis, in cen-
 tro fiat,

tro fiat, non iniuria ad medium tandem peruenerit. Verum hæc quidem causa, magis forte est apparens ac probabilis quam vera. Tertia tandem potest asserri causa. Nam quoniam non eadem celeritate mouetur minor, ac maior circulus, si circa idem centrum constituti fuerint, sed tardius fertur minor, cum equali in tempore, minus ambiat interuallum, sequitur quod quæcunque in circulis maioribus agitentur, si suomet nutu lationi ipsius ferentis circuli, ita resistent; ut tanta celeritate amplius ferri non possint, ad minores accedant circulos, interiores scilicet, quorum tardio rem lationem sequi poterunt. In vorticibus itaque aquarum, ad hoc ut eorum circulorum latione, res quæpiam verbi gratia, lapis moueatur, necesse est, quod & si lapis suo nutu deorsum vergat, ac lationi circulorum aduersetur, a violentia tamen circumactæ aquæ, ob eius vehementiã, ita nutus lapidis, seu ipsamet pōderositas superetur, ut resistere non valens, ad motum aquæ in circulo deferatur. Verum quia omnem violentiam lationem, elanguescere tandem necesse est, quamprimum suamet ponderositate, lapis ipse circuli lationem in qua ferebatur, superare cœperit vel non adeo superari, tunc tanquam excellens contra nititur & aduersatur, atque ob id cum eiusdemmet circuli, in quo prius ferebatur, celeritatem non consequatur, necessario tardior factus in tardiori circulo deferetur, qui quidem exterior esse nequit, nam si lapis nutu suo prioris circuli celeritatem sua tarditate excellebat, atque ob id eam relinquebat, multo magis a maioris

I N Q U Æ S .

velocitate superabitur, quæ proculdubio eò vehementior est, quò in maiori circulo reperitur. ad minorem, & interiorem igitur lapis accedet circumulum . in quo simul latus, cum primum eadem ratione, nutu suo, & huius circuli celeritatem vicerit, in angustiorem, ac tardiori etiam circulo relinquetur, donec tandem ad medium pervenerit, ubi absque vlla amplius resistentia ponderositas sua, victoriam penitus consequitur. Lapis igitur in vorticibus aquarum, in girum agitatus, cum lationes aquarum magis semper elanguescant, ponderositate ipse sua, quæ semper eadem est, semper excellit magis. atque quò magis superat, eò magis vehementiorem celeritatem relinquens, ad minus vehementem accedit, ad interiores circulos scilicet, donec omnino victor ad medium perveniens, absque impedimento ponderositate utatur sua: vnumquodque enim proficit, ac nititur, ut non superetur, sed ut excellat magis. Non immerito igitur siquid in vorticibus aquarum, rapidis ipsarum volutationibus circumactum, continue semper ad interiores, angustioresque circulos transiens, in eorum medio tandem sistit, ac quietem agit, quod ostendere oportebat. At qui tertia hæc quidem causa, quam extremam attulimus, manifestissimam hanc questionem dissolvit. Prima etiam causa certissima est. Secunda fortassis non admodum vehemens.

PERORATIO.

Quamplures, ac penè infinitas adhuc quæstiones afferre potuisset Aristoteles. Verum satis multæ hæ sibi visæ sunt, ut ex iis clarissime palàm sit, maiorem mechanicarum quæstionum partem, ad rectam, libram & circulum, redigendam esse. Ex hoc enim potissimum Aristoteli gratia habenda est, quòd omnium ferè machinarum atque instrumentorum mechanicorum originem, vim, atque principium, vel innenerit, vel saltem ampliaverit, ac nobis demonstraverit, ac tradiderit. Quòd quidem in prima Mechanici huius Libelli parte, ante quæstiones ipsas, abunde fecit, cuius sententiam nos in primis quinque capitibus, paraphrasi quadam complexi, explanauimus, atque ampliavimus. Quæstiones dein quæ sequuntur, non ob aliud ab Aristotele appositæ sunt, nisi ut exempla quadam, ac testimonia eorum haberemus; quæ in priori parte de mechanicarum rerum principiis disputauerat. ad quæ quidem principia, quamplurima, ac ferè cunctæ machinationes mechanicæ, quæ tum usque ab Aristotelis temporibus, ad hanc tempestatem, ingeniosissime excogitatæ sunt, tum etiam indices excogitantur, redigendas, ac referendas esse, nulli dubium esse potest.

*Paraphraseos, seu potius Commentationis
Alexandri Piccolomini, in mechani-
cas quaestiones Aristotelis.*

F I N I S.

ALEXANDRI PICCOLOMINI,
in Commentarium De certitudine Mathe-
maticarum scientiarum Prefatio.



Mathematicas demonstrationes, in primo esse ordine certitudinis (Ioa. Thom. honoratissime) testatur Auer. 2. Metaph. cō. 16. super illis verbis Aristot. videlicet. Certitudo mathe-

matica non in omnibus expetenda. Quam quidem Auer. auctoritatem, omnes serè latini, quos ego viderim, veluti ex antiquioribus, Diuus Albertus, Diuus Tho. Marsilius, & Egidius; ex recentioribus vero, Zimarra, Suesanus, Acciaiolus, & plerique alii; si quando in eam inciderunt, uno ore, quasi alius alii sequens, ita interpretati sunt, vt propterea Auer. illud asserat, quia Mathematici; ex notioribus & nobis & natura demonstrat, quippe qui vel solus, vel maxime, demonstratione illa, quam potissimam appellant, vtatur, quâ scilicet simul, & quod effectus sit, & cur sit liquido innotescit. Ego vero, quamuis in adolescentia mea, tantorum virorum auctoritate ductus, in eorum opinionem, atque huius loci interpretationem descenderim, deinceps tamen, dum mathematicas disciplinas assidue versans, intimius pertractavi, tantum abest, vt in sententia diutius permanserim, ut non solum demonstrationes Geometricarum, reliquorumque mathematicorū, non

P R E F A T I O .

esse illas potissimas, sed ne uix ad illas accedere, extimauerim. Verum enim uero, hanc meam sententiam, quamuis mihi constantissime probaretur, ac quampluribus rationibus fulciretur, in me ipso tamen, ne quid, quasi παραδοξον a me dictum uideretur, eousque comprimendam duxi, donec Prochum ipsum, hoc idem sentire cognoscens, maxima animi lætitia affectus, testem tam locupletem nactus, id ipsum dehinc clara uoce frequenter asserui, & a peripateticâ Philosophia, non esse alienum, rationibus atque auctoritatibus, demonstrari. cuius quidem sententia me fuisse, testes quamplures doctos uiros adducere possum, quibus hæc eadem sententia, nunc probatur. Atque hoc illud est, quod tibi sæpe (Ferd. Illustrissime) in lectionibus nostris, affirmauimus, et quod nunc in hoc commentariolo, declarare nobis est animus. In quo, duo proponimus peragenda. Primum & rationibus & auctoritatibus, demonstrare intendimus mathematicas demonstrationes, non esse illas potissimas, quas in Post. anal. construit Aristoteles, secundo uero loco, ne propter hoc labefactare uideamur Auer. sententiam in 2. Metaph. iam allegatam causam assignare est animus, qua Mathematicæ disciplinæ, in primo esse gradu certitudinis dici possunt. Hæc igitur, quæ dixi, est nostra inuentio in hoc tractatu, sed ut commodius hæc fieri possint, breuissime primum explicandum erit, quæ uis, quod opus, quæ materia sit mathematicarum scientiarum, quæ in illis principia, quæ problemata, quæ theoremata, & horum partes, necnon quid in illis

lis sit resolvere, quid componere, & alia id genus. Quæ quidem omnia, quam optime declarari poterunt, si primum de demonstratione ipsa, & eius medio, ac potentia, quædam strictim perstringentur. Verum ante omnia, quædam ad rem logicam pertinentia, paucissimis verbis, ut melius dehinc intentio nostra declarari possit, altius sumenda, ac confirmanda sunt. Quoniam igitur, quæ vitimo loco intendimus, primo exequi debemus, ut dicit Aristot. 3. de Anima 49. & 1. physis. 89. rem ipsam hoc ordine aggrediamur.

De scopo, sine fine logicæ facultatis.

Cap. Primum.



Philosophia (quæ sapientia, quæ artē viæ appellat Cicero, amor est) vel diuinarum, atque humanarū rerum cognitio sit, ut ait Plato, vel ars artium, et scientia scientiarum, ut Arist. placeat, vel animi tandem medicina, ut dicit Cicero, profectō hominis profectio existimanda est. cuius quidem Philosophia, cum sit officium, hominem ipsi omnino perficere, homo autem ad duo potissimum ad contemplandum & agendum, natus sit, quorum alterum ex cognitione veri, reliquum ex cognitione boni, acquiri tantum possit, sequitur necessario, duas ipsius philosophiæ primarias esse partes, quarum altera circa verum, in cognitione rerum, tum diuina

rum, tum etiam earum, quas in natura gremio occultatas, indagare ratio potest, reliqua vero circa bonum ipsum, in administratione Rerump, atque domesticarum, necnon in ipsa prudenti, temperata, iusta ac fortiratione sciendi, versari debet. Verum quoniam, ita natura institutum est; ut bonum, & verum ita occultentur, & lateant in latebris, ut a mente hominis, corporeis illigata vinculis, sincere ac dilucide inueniri, ac dinosci posse difficillimum videatur: hinc est quod summi viri, hanc difficultatem videntes, ac superare cupientes, facultatem quandam, siue artem inuenerunt, qua instrumentum quoddam construi posset, cuius auxilio, Philosophia ipsa, veritatem a falsitate, bonitatem vero a malitia, distingueret, & separaret. quam quidem facultatem, quia circa illa versatur, quae ut dicit Ammonius in prima Sectione Perierm, non a natura ipsa, sed habito respectu ad res ipsas, a cogitatione, siue a ratione nostra, hoc habent, quod sunt, Logicam appellarunt. Cuius scopus, finis, siue intentio, vel (ut Latini vocant) subiectum principale, syllogismus est, & praesertim demonstratiuus, teste Alex. in Prior. anal. & Philop. in post. anal, sed quamuis illustres hos testes non haberemus, ratio tamen id ipsum doceret. Nam tamen si, teste Eustratio in 2. post, quatuor sint methodorum genera quibus omnis disciplina scientifica tractari possit, diffinitiuum scilicet demonstratiuum, diuisiuum, atque resolutiuum, sub quo, compositiuum etiam, ad quod refertur, intelligendum est, ac cum ictu istorum omnium Arist. mentionem fecerit, nihilominus

ad de-

ad demonstratiuum, tanquam ad primarium quoddam, cetera genera referuntur, atque illi opitulantur. Quod enim resolutio, ac compositio, demonstrationis gratia sint, diuisio, vero simul cum illis ad diffinitionem dirigatur, non est qui neget. Auer. n. 4. phy. 2. & 6. metaphy. primo, ponit inter regulas dantes diffinitionem, viam componendi & diuidendi. quod vero, diffinitio etiam demonstrationis tantum causa, in Logica tractanda sit, vidi aliquos in Patavinis circulis dubitare. Videntes enim quòd tot queri debent, quod sciri possunt, quatuor scilicet, vt ait Arist. 2. Post. videlicet, an res sit, quid sit, quod sit, & cur sit, quorum tria auxilio demonstrationis, testibus Philop. & Eustr. 2. Post. absolui possunt, reliquum quid res sit scilicet, sola diffinitione cognosci posse existimarunt. & iccirco, in dictis circulis, defensare quandoque conabantur, quod Arist. primaria intentione, ne diminutus esset, pertractasset in 2. Post. de diffinitione, ne tam quasitum quam scitum quid res sit, intactum relinqucretur. & ex hoc correlarium educebant, scopum, siue subiectum principale in libris Arist. ad rem logicam pertinentibus, non esse demonstrationem, vt Alex. Philoponus, Ammonius, & Simplicius opinantur, sed quippiam commune ad demonstrationem, & diffinitionem, orationem scilicet, vel quodcunque sit illud. Quod autem verum sit, quod Arist. 2. post. de diffinitione primaria intentione pertractet, adducunt testimonium (vt ipsi credunt) Alexandri, moti (vt reor) verbis Eustratii. 2. post. a principio. Equidem non

D E C E R T.

possim non mirari quamplures ad corroborandas suas opiniones, sæpe auctoritates adducere, non satis per pensas, atque enucleatas. quemadmodum euenit in hac re. nõ enim satis ponderarunt verba Eustratii, qui statim ab initio dicit, quod *Alexan.* asseruit *Arist.* 2. post. de diffinitione pertractare, & hoc nullus negat. quod autem hoc faciat *Aristo.* primaria intentione, & per se, non dicit, immo oppositum asseuerat de *Alexand.* Eustratii. in eadem enim pagina uersus finem, mentem interpretatur *Alexandri*, & hæc sunt verba Eustratii, οὐ τὸ βω δὲ δῶλον καὶ τὸ περὶ Ἀλ' ξαί εἶναι λεγόμενοι, ἃ ποῖ ἵπτα διδόνται ἀπὸ τῶ ὄρα, ὅσον αἰύνη τῆ ἀπὸ δεινῆ. Præterea, quomodo constaret sibi ipsi *Alexan.* si id ibi asseruisset, quod ipsi volunt? In prior. n. anal. aperte asserit, scopum, atque subiectum *Logicæ*, demonstrationem esse, quod profectò non esset verum, si alicubi in *Logicæ Arist.* de diffinitione ea ratione, quâ diffinitio est, pertractasset. Consentunt igitur *Græci* omnes *Interpretes*, quod in 2. post. diffinitionem *Aristo.* ea tantum ratione explanauerit, quâ medium est in demonstratione potissima, quæ tantum per se intenditur in tota *Logicæ*. Concluditur ergo demonstrationem totius *Logicæ* esse scopum, siue intentionem, vel (vt *Latini* dicunt) subiectum principale, hæc enim re ipsa unum sunt, modo tantum differunt, vt haberi potest ex *Auer.* in præfatione magna, & etiam ex *Simplicio*, qui in præmio *Phy.* dicit scopum librorum de consuetudine naturali, esse tractare de principijs rerum natura-

aturalium, quæ quidem principia subiectum illorum librorum a Latinis appellantur. sicut etiam subiectum lib. de Cælo, dicitur esse, exempli gratia, corpus simplex, quod tamen scopi, vel finis nomine a Simplicio nuncupatur. Illud autem, quod libri alicuius, vel ὑποκειμένου ut Alexā. in prior. anal. vel ὄλω ut Ammonius, Proclus, & Simplicius vocare soliti sunt, a Latinis subiectum, circa quod, vel adæquatum nuncupatur. convenientius autem nuncupari posset, sed re intellecta, facilis (ut ait Cice. in lib. de finibus) in vocabulorum usu esse debemus. Quæ sit autem Logicæ materia, inferius declarabimus. Ad propositum igitur redeuntes, Logicæ totius finem ex Græcorum consensu, esse demonstrationem asseramus.

Sed dubitabit forte quispiam, si ad cognitionem dirigendam complexorum, est tradita ab Aristot. demonstratio, nonne pro perfecta incomplexorum notitia, tradi debebat etiam instrumentum quoddam? quod, cum demonstratio esse non possit, sed sola sit diffinitio, ad quem nam artificem, si non ad Logicū, de illa quatenus diffinitio est, nulla habita demonstrationis ratione, pertractare pertinebit?

Cui facillimè responderi potest. primo non esse Logicæ facultatis munus de diffinitione, complete, ac quatenus diffinitio est, sermonem facere, nisi tantum per accidens, quatenus scilicet est causa & medium in demonstratione. Quod & ratione, & auctoritate muniri potest. auctoritate quidem Philop. & Eustr. super. 2. post. nec non Alex. super. 6. Top. a

D E C E R T.

principio. qui omnes asserunt ad Logicum huiusmodi tractationem per se non pertinere, nisi eo respectu, quò diximus. Idem asserit *Alexan.* siue *Michael Eph.* 7. & 8. *Metaph.*

Præterea ratione etiam confirmari potest. quoniam cum *Logica* (ut *Græci Peripatetici* asserunt) non pars quædam *Philosophiæ*, siue scientiæ, sed *Philosophiæ tantum*, instrumentum dici possit, cuius auxilio, tanquam regula quadam ad verum tum contemplabile, tum practicum dinoscendum, utraque *Philosophiæ* pars dirigenda sit, necessario sequitur, quod ad huiusmodi munus obeundum, diffinitio ipsa per se sumpta, nihil prodesse valens, ad logicam facultatem non attingebit. diffinitio enim incomplexorum est terminorum, quorum nihil dicit verum neque falsum, ut asserit *Aristo.* in *Præd.* & in *Periærm.* & *Ammonius* ibidem. nam verum & falsum, ut eodem in loco dicit *Aristo.* in affirmatione, & negatione consistit, in intellectu scilicet coniungente, vel separante, diffinitio vero nihil affirmat, vel negat, ut asserat *Aristo.* primo *Post.* ubi etiã *Themistius* manifestissimè idem ostendit. *Auer.* etiã dicit, quòd notitia diffinitiva est incomplexa, non affirmans, neque negans. Et ideo vocatur ab eodem *Auer.* talis notitia, conceptio. Cum igitur, *Logicæ* officium sit, construere instrumentum ad hauriendam veritatem in *Philosophia* (ut ait *Philop.* primo *Post.*) id vero præstare non possit diffinitio, si ad demonstrationem non referatur, sequitur ad Logicum illam, nisi per accidens non pertinere. Si vero quæritur,

tur, ad quem nā artificem? respōdebo cum Philop.
 & Eustr. super. 2. Post. & cum Alexan. super. 6.
 Top. a principio. qui omnes asserunt manifestissimè,
 munus hoc esse ipsius Metaph. Dicit enim ibi Alex.
 quòd quæ sit natura, & vis diffinitionis, & an plu-
 ra genera, & vna differentia, accipi debeant in diffi-
 nitione, vel e conuerso, & quorum per se sit diffi-
 nitio, & quorum per accidens, ad Metaphysicum
 pertinet pertractare. Quid clarius? quid apertius?
 sed quare adduco Alex. si Aristo. ipsum afferre pos-
 sum? qui, 7. Top. Cap. 2. dicit, quòd tractare exactè
 de diffinitione, quatenus diffinitio, non pertinet ad
 Logicum; sed ad aliū artificem. & exponit Alex.
 ad Metaphysicum, hæc enim sunt ibi eius verba,
 ἡ ἀνεπίστος ἀπὸ ὁρῶν περὶ μὲταφυσικῆς, τὴς πρώτης φι-
 λσοφίας ἐστίν. potest ne hoc dici manifestius? &
 hoc quidem exequitur Aristo. in, 7. Metaph. & id
 non absque ratione, naturas enim & substantias
 in rebus complicatas, per diffinitionem explicare,
 est opus primi Philosophi, non autem ceterarum
 scientiarum, nisi per accidens, diffiniunt enim pro-
 pria subiecta, & eorum partes, & passiones, qua-
 tenus scilicet, auxilio illarum naturarum explica-
 tarum, passiones de suis subiectis, ostēdi possint, quod
 in scientiis ipsis primario loco quaritur, atque inten-
 ditur. & hæc de Logica totius sine, satis sint.

De materia eiusdem Logicae facultatis.
Cap. Secundum.



D materiam autem eiusdem Logicae, accedentes, primo per materiam alicuius facultatis, intelligimus id, circa quod versatur artifex ille. exempli gratia in arte lignaria, intentio artificis sine scopus est arca, vel lectulus, materia vero lignum ipsum. in scientia vero de vita, & moribus, salubritas scopus est, materia vero operationes ipsae humanae voluntatis; sine quippiam tale. sic in Logica, cum subiectum principale, vel scopus sit demonstratio, ut declarauimus, materiam debinc esse dicimus, secundos quosdam conceptus rerum, a cogitatione & ratione nostra informatos, quos Latini interpretes, secundas vocant intentiones, quas non nomine materiae, sed subiecti adequati, uel circa quod, (ut uerbo utar Burlei) Logicae facultatis intelligunt. Graeci uero ὁλῶ appellunt, quatinus Alexan. in praefatione Prior. ἵπνεῖς ἢ ἰοναῖται etiam appellauerit, sed dummodo constet res ipsa, de uocabulis ne simus solliciti. Quod autem ea, quam diximus Logicae sit materia, Simplicius, Ammonius, Philoponus, Auerroes, Boetius, & ferè omnes consentunt, non enim inficiari potest huiusmodi intentiones secundas, se non eodem uocabulo, ipsa saltem re, Aristoteli probatas esse, quippe qui frequentissime, ipsum dici distinguit

stinguit ab ipso esse, & nunquam in tota Logica de rebus ipsis, quatenus primo conceptu concipiuntur, propositiones suas, aut conclusiones facit, nisi forte per accidens, ut in quibusdam locis, & præsertim in Præd. ubi de illis simplicibus tractare videtur, ex quibus debinc nullas in Logica propositiones, nullasque conclusiones conficit, & quorum affectus, & proprietates in ipsis prædicamentis considerat, quæ ea ratione, quæ res sunt, illis competere videntur. Verum longe aliter se res habet. Aristo. enim in Præd. de simplicibus illis considerat, quatenus ordinabilia sunt in ratione superioris, & inferioris, hoc est, uniuoce prædicandi, & subiiciendi, & ostendit quòd res ipsæ in aliquam ipsarum decem rationum prædicandi, necessario redigendæ sunt, vnde habetur quòd in istis decem coordinationibus, res ipsæ, secundum aliquem gradum ipsorum vniuersalium a Porphyrio positorum, reperirentur. & hoc facere erat maximè necessarium. Nam quæ ratione quæso quæcūque in reliqua Logica declarauit Aristoteles, fulcirentur, nisi huiusmodi rerum ordines in ratione prædicandi, & subiiciendi, siue antecedendi & consequendi, non distinxisset? ad quid prodesset doctrina de medio syllogismi inuenièdo in primo Priorum, quæ in consequentibus, antecedentibus, & repugnantibus fundatur solum, si res ipsas in suas Prædicandi acies, & sub propriis ducibus singulas cõstitnere ignoraremus? Quomodo in modos, & figuras, syllogismi redigerentur? quomodo perficerentur, resolverentur? quæ nam via auxilio diuisionis medium

D E C E R T.

in demonstratione venari possemus? quò tandem pacto, vel dialecticorum problemata per sua loca dirigerentur, vel tota demum Logica stare posset, si ratio superiorum, inferiorum, continentium, contentorum, priorum, posteriorum, prædicatorum, & subiectorum, ob semotionem Lib. Prædicamentorū, ignoraretur? in quo quidem libro, res, sub ea logica ratione, quam dixi, in suas classes rediguntur, & dum hoc fit, necesse est, tum ipsarum, rerum, tum illarum etiam affectuum mentionem facere, propterea quòd alia ratione, aut via, prædicationum gradus percipere non potuimus, nisi ex quibusdam affectibus rerum, ad perceptionem, rationis, magis vel minus prædicandi, & subiyciendi, quasi quibusdam exemplis manuduceremur, & hac est ratio, cur Aristo, in illo libro, multa ex opinione Architæ, quæ tunc vigebat, locutus sit. satis enim erat Aristoteli, ad rationem & coordinationem illam, quam diximus, nos deducere, & in hac suammet propriam doctrinam tradere, de affectibus vero rerum, quia non erat ille locus, propriam sententiam ad alium locum, & tempus differens, ea tantum dixit, quæ tunc manifestiora erant, satis sibi existimans fore, si eorum adminiculo, ad primariam suam in illo libro intentionem, deduceremur. Sed de his nimis multa; præsertim cum in lectionibus nostris super lib. præd. (Io. Tho. honoratissime) quam plura dixerimus, ad hanc firmissimam veritatem pertinentia, Aristotelem semper ex Aristotele declarantes, ac clarissimè ostendentes, secundas has intentiones esse materiam ipsius

Logica,

Logica, quas non solum ex *Græcis* *Aristo.* interpretibus esse peripateticas, sed *Aristo.* ipsum sapere demonstrauimus. & inter cætera Interpretum loca, *Ammonij* locum adduximus, in prima sectione *Perierm.* super illis verbis. Deinde quid negatio &c. quò loco nihil apertius esse potest. Præterea easdem intentiones rationibus euidentissimis defensauimus, multaque de ipso vniuersali disseruimus. Vniuersale enim incomplexum in vniuersale in multis & in vniuersale post multa distinximus, ex sententia quidem *Alexand.* in primo lib. *Quæst. naturalium*, vbi etiam secundæ illæ intentiones maximè innotescunt, & præsertim *Cap. XI.* & ad quem quidem intellectum, vel agentem, vel possibilem, pertineat hoc, vel illud uniuersale, longo sermone exposuimus. Plura etiam possunt de primis; & secundis intentionibus legi non inutilia apud *Ioan.* de *Ianduno* in *Quæst. Metaphysi. Quæst. scilicet. 24. Libri septimi*, vbi de uniuersali pro re subiecta pertractans, distinguit primas, & secundas intentiones, & quamuis quibusdam utatur nominibus, ipsi *Aristoteli* non familiaribus, tamen uerborum sententia *Aristo.* ipsum sapit. Verum quia non spectant hæc ad præsentem nostram intentionem, dimittantur, & de materia ipsius *Logicæ* hæc dicta sufficiant.

De diuisione, & resolutione logica, ac de partibus
eiusdem Logicæ tum inueniendi, tum iu
dicandi. Cap. Tertium.



Quoniam autem, quatuor diximus esse instrumenta, quibus disciplina ipsæ scientificæ perficiuntur, una primaria, Demonstratio scilicet, reliquæ propter illam, diuisio uidelicet, diffinitio, & resolutio, cum hoc ipsum de diffinitione, ad demonstrationem scilicet referri, satis superque declarauerimus; reliquum est, de diuisione, & resolutione idem ostendere. Quod ergo primum, diuisio ad demonstrationem referatur, præter quam quod Eustr. in principio. 2. post. apertè id declarat, ex hoc etiam liquidò ostendi potest, quo Arist. 2. post. Cap. quinto. aduersus Platonis disputans, qui uia diuisiua, diffinitiones concludere conabantur, ostendit uiam illam insufficientem, & imperfectam ad aliquid penitus concludendum. de hinc in Cap. 14. omnem diuidendi uim ponderans, apertè asserit diuisionem, si recto ordine sit, non parum conferre ad diffinitionem uenandam, non tamen illam penitus demonstrare. super quo loco multa utiliter in hanc sententiam dicuntur a Themistio Cap. 23. 2. post. & ab Auer. com. ma. eiusdem, 2. Cum igitur diuisio, diffinitionis gratia sit, diffinitio uero ad demonstrationem dirigatur, ut ostensum est,

sequitur

sequitur quod & diuisio ipsa ad eandem demonstra-
tionem sit referenda.

De resolutione nero, & compositione, quis est qui
dubitet, quin demonstrationem ipsam respiciant.
Nam quicquid dicant de resolutiua uia Bagolinus,
Zimarra, certum est, quod si sequi uolumus Phi-
loponum, Auer. & Eustr. 2. post. & Alex. in præ-
fatione Priorum, dicendum erit, quod cum resolutio
opposito modo se habeat ad compositionem, resolutio
ipsa Logica (omissis omnibus resolutionibus natura-
libus, a quibus & logica resolutio metaphorice forte
dicitur) multiplex quidem est. resolvere enim logi-
ce dicuntur, qui syllogismos cōpositos in simplices
redigunt, & qui simplices in suas propositiones, ex
quibus confecti sunt, necnon qui imperfectos reuo-
cant ad perfectos. Quinetiam & ii, qui propositos
quosque syllogismos, in proprias eorum figuras dispo-
nunt, ac reducunt, ex quibus quidem modis omnibus,
& præsertim ex hoc postremo libri Priorum resolu-
torii nuncupantur.

Alia etiam sunt resolutiones logica, ut dicit Eu-
stra, ueluti si a minus uniuersalibus ad uniuersalio-
ra, quasi a compositioribus ad simpliciora ascenden-
tes, ad prima genera tendimus, quâ utendum esse
docet Arist. in 2. Post. in diffinitionibus inuestigā-
dis, unde ut asserit idem Eustr. lib. ille. 2. post. resolu-
torius iure optimo inscriptus est. Præterea & illi re-
soluunt etiam, teste eodē Eustr. qui ex effectibus ad
causas, ratiocinando procedunt, de quâ resolutione,
quæ a quibusdam demonstratio quia nuncupatur,

D E C E R T.

pertractat *Arist.* primo *Post.* Cap. 10. Cuilibet autem dictarum resolutionum, sua peculiaris reponet compositio. resolutio enim, compositorum est resolutio, compositio uero resolutorum compositio, ut cuilibet parum in literis exercitato patere potest.

Alia tandem est logica resolutio, quæ quia Mathematicis magno usui est, Mathematica etiam dicitur, quæ conclusionem ultimam in suas præmissas, et præmissarum præmissas consèque resolvimus, donec ad quædam prima confessa deuentum sit, de qua resolutione loquitur *Aristo.* in primo *Post.* & præsertim Cap. 9, quando dicit resolutionem faciliorem esse in Mathematicis, quam in Dialecticis, & ibi *Themistius* Cap. 26, hanc resolutionem, sibi quæ oppositam compositionem declarat, necnon *Philoponus* super eodẽ loco multis & clariis uerbis, Geometrarum huiusmodi resolutionẽ ad nihilum rescocat, de qua inferius sufficienter pertractabimus. In præsentiarum uero, hoc constanter concludi potest, primum librum *Post.* auctore *Philopono*, ab huiusmodi potissimum resolutione inscriptum iri, quippe quæ de monstrationis iudicium maximè præbet. Nam cum teste *Alexan.* super *Elench.* necnon *Boetio* & *Cicerone* in quarto de finibus, duæ sint partes, quibus omnis ratiologica compleatur, una inueniendi, altera differendi, seu iudicandi, hac ante *Arist.* uia potissimum diuisiua usi sunt quamplures, reliquam uero *Aristo.* ipse gloriatur in *Elench.* uel se ad inueniendũ, uel saltem perfecisse. uerum ut omnes perfectionis, numeros contineat ipsa logica, ambas illas partes

sibi

sibi postulat. nullus enim de re quapiam poterit uel differendo, uel demonstrando, iudicium ferre, nisi inuentis prius argumentorum medijs, quibus iudicatio fulciatur. rursus, nisi resolutione auxiliante, iudicare argumenta iam inuenta, non ignorauerit, in deceptionis laqueos facillimè paratus erit. Hanc Logicæ distinctionem in inuentiuam, & iudicatiuam, optimè declarat, cum exëplo de regula Architectorum, Rodulfus Agricola primo Lib. de Inuentione Cap. 2. Quilibet igitur artifex, non solum demonstratiuus, sed etiam Dialecticus, et Sophista, utrisque iam dictis Logicæ partibus, indigebit, uelut apud Aristo. patere potest, qui in Prior, anal. non solum de iudicio, ex multiplici resolutione habendo, pertractat, dum figuras, modos, conuersiones, & syllogismorum reductiones declarat; sed etiam de medio ipso inueniendo. In Post. uero de his, quæ ad iudicium pertinent, in primo Libro disserit longo sermone, dum præmissarum condiciones exponit, principia, & passiones distinguit, cæteraque id genus. In prima uero secundi parte, circa diffinitionem, hoc est circa medium demonstrationis inueniendum, & inuestigandum laborat, ut manifestum est. In Topicis autem, quæ in primo Libro tractantur, pro maiori parte ad iudicium attinent. De probabilibus enim propositionibus, hoc est de præmissarum dialecticarum conditionibus, disputat diligenter. reliqui autem Libri usque ad octauum, in locis ipsis, hoc est in sedibus argumentorum, pro eorum inuentione ferè omnes consumuntur. octauus etiam pertinet ad

ludicium, ut patet, & ut etiam Alexan. in octavi præfatione exponit. Hoc idem in Elenchis videre poteris. Verum enimvero, quamuis res ita se habeat, non tamen omnes isti Libri vel inuentiui, vel resolutiui inscribuntur, sed ex maiori & difficiliori parte titulos sortiuntur. In Libro enim de syllogismo uniuersali, & in Lib. Post. minor pars, & illa facilis, medijs continet inuentionem. nam in Prior, ex inspectione consequentium, antecedentium, & repugnantium, medium possidetur, pro iudicio autem confecti iam syllogismi, multiplici indigemus resolutione, ut declarauimus. In Post. uero similiter. nam cum plures non possint esse sedes mediolorum demonstratiuorum, sed una tantum, ipsa scilicet passionis causa immediata, quæ eius diffinitio est, breuibus, de hoc se expedit Arist. causamque dicit esse medium, hoc est diffinitionem ipsam. in iudicanda autem ipsa demonstratione, eiusque præmissis, quantus labor suscipiendus sit, declarat ipse Arist. in toto primo Lib. & postrema secundi parte. non immerito igitur, resolutoriij ij Libri omnes nuncupantur. In Topicis uero, opposito modo se res habet. facile enim est iudicium, quò dummodo præmissæ probabiles uideantur, nihil amplius postulatur. in inuentione autem infinitus penè labor est, dum omnia loca, in quibus latere medium possit, percurrenda sunt. & ideo illorum Librorum inscriptio, inuentionem sapit, non resolutionem, ut manifestum est. Et idem ferè, de Elench. Libris dici posset, quamuis eius inscriptionis alia assignetur causa.

Sed dubitabit fortassid quispiam, quæ nam ratione a nobis superius dictum sit, quod facillimum sit, locum illum unicum, pro medio demonstrationis assignare. nam cum diffinitio illud sit, profecto in hac tradenda, maxime laborabitur, cum diffinire propter latentiam differentiarum, arduum sit atque difficile.

Sed facillimè soluitur hæc dubitatio. nam aliud est res ipsas diffinire, aliud diffinitionis methodum tradere. hoc enim logicum munus est, neque id ipsum minus arduum, illud vero ualde quidem laboriosum, & ad peculiare artifices pertinet. exempli gratia. Philosophus naturalis, naturam, motum, tempus, animam, & alia huiusmodi diffinire debet. Moralitatis uirtutem, & felicitatem, & ceteri artifices eodem pacto. Non dissimili autem ratione, aliud est methodum tradere ad media dialectica inuenienda, aliud uero ipsa media inuenire. illud enim logici munus est, & non planè facile, cum infinita penè loca præparari debeant, & id facit Arist. longo sermone. reliquum uero, hoc est media ipsa in iam præparatis locis, ad differendum inuenire, non ad logicum dialecticū, sed ad realem dialecticū, ad ipsum scilicet disputantem attinet. Duplex enim est Dialectica, una quæ Logicæ pars est, & Topica etiam dicitur, cuius officium est methodum tradere, quæ de omni proposito problemate ex probabilibus rationari possimus. methodus autem hæc, est locorum præparatio non usus. Altera uero, facultas quadam realis est, & communis, nulliusque scientiæ terminis

D E C E R T.

clausa, methodoq̄ue illi: utens d'fferēdo, atque iccirco interrogans, ad utraque partem cōtradictionis argumentari potest. Quapropter ex quatuor quasi-tis illis, quorum mentionem fecimus, duo dialectica sibi tantum ascribit, an res sit, scilicet & quia sit. reliqua enim duo, ita quærunt, ut neque affirmandi neque negandi nota responderi possit, ut declarat *Alexan. primo Top.* Quamobrem non iniuria Dialectica ἀντιστοχος ipsi Rhetoricæ ab *Arist.* nuncupatur, hoc est, (ut exponit *Alex. in Topicis*) ἰσὸςτοχος, circa eodem scicet versans, ut uero *Cic.* interpretatur, ex altera parte respondens. quam tamen Rhetoricam, in 2. de Finibus, ex Zenonis sententia, latiore ipsa Dialectica existimauit, eò quod latius, & fusius loquantur Rhetores, utraque tamen harum facultatum communis est, & nullis altarum facultatum limitibus coarctatur; præterquã quod Rhetorica, quamuis de omni proposito dicere possit, cuncta tamen ad civilem materiam, dirigit, atque refert. quare non iniuria *Arist.* facultatem illam ex dialectica, & civili, modo quodam compositam, in primo lib. ad Theodectem, esse dicit. Ad propostuũ igitur redeuntes, dicimus Topicorum libros, non immerito ab inuentione magis, quàm a resolutione, inscriptos esse, laboriosius enim est, methodum dissendi tradere, hoc est loca ipsa præparare, quod Logicæ munus est, quam locis illis iam dispositis, & præparatis uti, quod ad Dialecticam realem, hoc est ad ipsum, de quolibet proposito differentem, attinere diximus. quem admodum etiam accidit in Rhetorica,

ea, quod scilicet præceptum tradere, ad ipsum Rhetorem, artificem quidem rationalem pertinet, præceptis uero uti, iam alterius Rhetoris, realis scilicet, hoc est ipsius Oratoris, munus esse existimamus.

*De Demonstratione, & eius partibus,
sive speciebus, Cap.*

Quartum.



Osteaquam tria illa scientifica-
rum disciplinarum instrumen-
ta, divisionem, definitionem, &
resolutionem, ad quartum, hoc
est ad demonstrationem refe-
renda esse declarauimus, restat
modo, anteaquam ad rem ma-

thematicam ueniamus, quedam de ipsa Demonstra-
tione, ut arbitror, non inutilia, pertractare. Triplici-
cem igitur demonstrationem reperiet apud Aristot.
qui diligenter primum lib. Post. ponderauerit, unam
quam uocant, quia, uel esse tantum, aliam, quam di-
cunt propter quid, seu causæ tantum, reliquam ue-
ro, quasi ex his compositam quæ simul & quia &
propter quid largiatur, quam potissimam nuncupa-
mus, Illa uero, quæ ipsius quia dicitur, de hinc etiam
in alias subdividitur, in demonstrationem scilicet ex
effi. Et u. ex signo, ex causa remota, & forte alias in-
ter quas ducentem ad absurdum, cõnumerat Auer.
primo Cæli. 95. Sed his ommissis subdivisionibus, ad
triplicem illam demonstrationem redeuntes, dici-

mus, & præterquã quod Arist. id in post. pluribus in locis innuit, & præcipue in Cap. 2. Sec. Auer. tamẽ apertius id explanans clara voce asserit primo post com. mag. 95. tres esse, iam dictas species demonstrationis, idemq; repetit. 2. Cæli. 35. Dicit. n. ibi Auer. quòd demonstratio omnis, à notioribus ad latentiora procedit, si igitur notius fuerit posterius, demonstratio erit quia, & si prius, erit absoluta demonstratio, quæ causæ, & esse dicitur. si tandem obscurior fuerit causa rei, quam suum esse, erit demonstratio propter quid tantum. Them. etiam, 2. Post. Cap. 2. dicit demonstrationis potissima ingenium esse, vt communi examine, vtramq; cognitionem absoluat.

Vnde aliqui dubitarunt, an huiusmodi tres demonstrationes, specie ipsa distinguerentur. nec defuerunt, qui demonstrationem propter quid tantum, asseruerunt non differre specie à demonstratione absoluta, sed solum per accidens, respectu scilicet mei vel tui. exempli gratia, si quis cognoscens Lunam deficere, causam tamen defectus nesciat, tunc qui ad hunc ex causa demonstrauerit, demonstratione vsus erit propter quid tantum. si vero eadẽ demonstratio ex causa, ad aliũ facta fuerit, qui nesciat nunc Lunam deficere; ad hunc demonstratio potissima, & esse scilicet & causæ existimabitur. Cũ igitur eadem numero demonstratio, respectu diuersorum, & potissima, & propter quid tantum. dicenda sit, ergo per accidens (dicunt illi) & non specie, istæ duæ demonstrationes distinguuntur.

. Contra istos inuebitur Zimarra in tabula, sed nullam

lam rationem adducit, nisi quod contradicunt *Auerrois*. Memini tamen, *Vincentium Madium* precepto remmeū, philosophum illustrem, causas ipsas distinguendo, rationem illorum dissoluisse. dixit enim quod causarum, aliæ cum effectu conuertuntur, aliæ uero nequaquam, demonstratio uero ex causa conuertibili cum effectu, illum ostendens, poterit modo propter quid tantum, modo potissima nuncupati, & in huiusmodi causis, non differunt, specie hæc duæ demonstrationes, sed tantum per accidens, In alijs uero causis, quæ non necessario ducunt effectum, habet locum sententia *Auerrois*, & hoc est satis (dicebat ille) ad eorum argumentum dissoluendum. De duabus uero demonstrationibus, quia, & propter quid, quamuis liquido appareat earum specifica distinctio, dicit tamen *Auerroes*. *S. Pby. 90.* quod quando istæ duæ demonstrationes simul coniunctæ fuerint, erit scientia firmior, quàm si ex quauis illa tantum haberetur. & ideo asserit ibi *Auer.* quod *Arist.* propter firmiorem doctrinam de primo motore eterno, coniunxit in. *S. Pby.* utrosque processus, postea. n. quam ex motu ipso, tanquam ex effectu demonstrauerat motorem eternum in mouendo, non motum; dehinc quasi regrediens, ex motore eterno, motum eternum conclusit.

Hæc dicit *Auerroes*, occasione quorum dictorum, dubitarunt aliqui, an dādus esset huiusmodi regressus in demonstrando, ita quod habita ex eclipsi, in terpositione, ex hac deinde eclipsi necessario ad firmiorem doctrinam, habenda sit. Quidam hoc negarūt, hæc quidē ratione ducti. omnis processus scien-

D E C E R T.

tificus, à noto ad ignotū pro greditur, teste Arist. primo Post. Cap. 1. & 2. cum igitur per demonstrationem quia, ad causam deuenierim, illamq; esse illius effectus causam cognouerim, in, 2. debinc demonstratione, propter quid scilicet, quid tandem assequar? quid amplius notum erit? cognoscama. n. illum effectum, esse, effectum illius causa. quod etiam exprimo processu cognoueram, cum simul natura sit cognoscere causam sub ratione causa, & effectum sub ratione effectus, propterea quod causa & effectus sub relatione sunt. vanus erit igitur processuū illorum alter. Adducunt etiā alias rationes, quæ quia eodem serè tendunt, omittenda modo sunt. Aliqui, qui Auerroi additi sunt, vt eius sententiam defendant, ita prædictam rationem conātur soluere, vt coacti ponant quandam (vt ipsi dicunt) negociationem post primum processum, quam ego ponderans nunq̄ intellexi, quid sibi uellet. aut enim illa erit, quidam à priori processus, aut à posteriori, & quicquid detur, in obscuras ambages inciderimus, vt cuilibet parum in Logica versato, manifestum esse potest.

Ego uero, in hac difficultate, non quidem parua, sic regressum defensare soleo, vt Arist. uerba perpendam in primo Elencherum. ubi dicit, quòd eadem res transposita, frequenter latere solet. quod uideatur etiam innuere. 2. Priorum, quando loquitur de subsumenda minori sub maiori. Dicerè igitur ad Argumentum, quod quemadmodum eadem est re, diffinitionis, & diffiniti notitia, præterq̄ quod hæc magis est inuoluta, illa expansior, sic notitia in regressu

gressu ex secundo processu, quamuis sit eadem, qua ex primo, sit expansior tamen, & ita clarior. Potest etiam & hoc confirmari, ex dictis simpliciter in praefatione lib. Pby. ubi de triplici diffinitio notitia agit. Possumus igitur concludere, triplicem illam demonstrationem, esse peripateticam, demonstrationemque esse potissimam, qua simul dat effectum & eius causam. Vtrum autem talis causa, in demonstratione potissima, possit sub quolibet causarum genere, reperiri, & ex consequenti, vtrum diffinitio, quamlibet admittat causam, inferius aliquantisper tangendum erit.

De quibusdam assumptis, ad declarandum medium demonstrationis potissimae. Cap. Quintum.



Estat mod circa demonstrationem, vnum aliud tantum breuiter perstringendum, et statim ad mathematicas demonstrationes accedemus, illud autem est, cum medium, vel causa in demonstratione potissima, diffinitio esse debeat, que nam conuenientior, an subiecti diffinitio, an passionis, pro medio admitti debeat. Equidem (dicam enim quod sentio) nunquam potui satis mirari, aliquos ex Latinis Arist. Interpretibus. (Græci enim hoc dicere non sunt ausi) in hanc sententiam descendisse, vt assererent diffinitionem subiecti esse legitimum medium in demonstratione

D E C E R T.

potissima (de hac enim nobis est sermo) Præsertim cum non habeant aliquem ex Græcis illustribus Peripateticis huius opinionis authorem, nec locum aliquem in Arist. non solum hoc exprimentem, sed ne innuentem quidem. Et (quod maximum est) inter rationes, quas afferunt sui dicti, nullam tamen adducunt, nec adducere possunt, cuius vi Duce[m] in Philosophia Arist. relinquere sint coacti. Ut igitur hanc rem minutius resicemus, anteaquam auctoritatibus, & rationibus ostendam passionis definitionem. illud esse medium, quod querimus; aliqua mihi prius assumenda sunt, & tum rationibus tum summorum virorum testimonio munienda ac stabilienda.

Primum igitur, sumendum esse arbitror, quòd potissimarum demonstrationum, præmissa, inter ceteras conditiones, debent esse immediatæ. per immediatas autem Arist. indemonstrabiles, & medio vacantes intelligit, quibus non sit altera prior. seipsum enim declarans dicit Arist. primo Post. Cap. 2. Idem primum, & principium dico, est autem demonstrationis principium, propositio medio vacans, ea vero medio vacat, quæ non est altera prior. & ideo aliqui voluerunt, quòd Arist. per primas, immediatas, vnum intelligeret, quæ scilicet non sit prior altera. Harum autem propositionum medio vacantium, duo esse genera fatendum est, vnum illarum, quæ in scientiis tanquam ianux quædam notissimæ supponuntur, veluti sunt prima dignitates, positiones, suppositiones, postulata, & terminorum definitiones,

diffinitiones, de quibus *Aristo.* primo *Post.* Cap. 8. pertractat. Alterum vero genus, immediatarum propositionum, omnes propositiones continet, in quibus verae & legitima diffinitiones de suis dicuntur diffinitis, hoc manifeste asserit, & declarat *Philop.* primo *Post.* Cap. 2. super illis verbis, *Propositio immediata est, cuius non est altera prior, ubi inter multa in hanc sententiam, dicit nihil esse in demonstrabilius tum ipsis dignitatibus, tum etiam diffinitionibus omnibus de diffinitis praedicantibus.* hoc idem asseuerat idem *Philop.* primo *Post.* super Cap. 19. Idem asserit *Auer.* primo *Post.* cō. mag. Idem *Themistius* primo *Post.* Cap. 5. ubi propositiones immediatas distinguit. *Simplicius* etiam primo *Phy.* 8. dicit quod ex diffinitionibus de diffinitis praedicantibus, fiunt demonstrationes tales, quales ex dignitatibus, quid clarius? Sed quid horum testimonio indigemus? si eorum Principem habemus *Arist.* qui id expresse dicit primo *Post.* Cap. 19. Hoc autem euenit iure optimo. nam aliter idem esset querere causam quare diffinitio hominis inesset homini, & quare homo esset homo. & haec est ratio cur *Arist.* longo sermone declarauerit, diffinitionem non esse demonstrationem, cum enim demonstratio sit per causam, diffinitio uero, nullam aliam habeat causam cur insit diffinitio, quam se ipsam, profecto non poterit demonstratione colligi, sed tantum adminiculo diuisionis, singulas eius, recto ordine collocamus partes, si igitur demonstrari non potest, aliquid alicuius diffinitionem esse, quia inter illa medium

D E C E R T.

non reperitur, ergo propositio talis indemonstrabilis,
& medio vacans, existimabitur. & hoc est primū.

Secundo loco, fatendum esse duco, demonstrationes potissimas, de quibus præcipue loquimur in hoc tractatu, quæ scilicet dant, quia, & propter quid, non solum esse illas, quarum præmissæ ex illis immediatis & indemonstrabilibus sunt, quæ concessæ & constantes in scientiis supponuntur, uerum etiam ex illis aliis, in quibus diffinitiones de diffinitis prædicantur, quippe quæ immediatæ etiam, & indemonstrabiles superius ostensæ sunt. Et in hoc decipiuntur quidam, qui credunt illas solum esse demonstrationes causæ, & esse, id est potissimas, quæ actu dignitates ipsas, siue positiones, & postulata, admittunt in præmissas. Quod falsum est, rarissimæ enim tunc veræ demonstrationes, hæc est vna vel altera in qualibet scientia inuenirentur, illæ scilicet forte quæ statim post dignitates primo loco sequuntur hoc autem esset absurdum. omnes enim demonstrationes, quæ ex præmissis in demonstrabilibus dant simul quia, & propter quid, veræ ad mentem Aristoteli, demonstrationes dici debent. inter quas connumerari debent & illæ omnes, in scientia qualibet, quæ ex diffinitionibus de diffinitis prædicantibus, constare videntur. Et quòd hoc sit verum, uidelicet quod demonstrationes causæ, & esse, quas potissimas esse intelligo (non enim tradit Aristoteli, alias demonstrationes potiores illis, quæ causam, & esse largiantur) quod igitur sit uerum quod tales demonstrationes, non necessario sibi ascribant dignitates actu in præmissis;

missis; patere potest apud *Aristo.* in toto lib. *Post.*
 Primum enim quādo exactæ demonstrationis præ-
 missas describit primo *Post.* Cap. 2. illas vocat ve-
 ras, primas immediatas, priores, notiores que ipsa con-
 clusione, & eius causas, quarum conditionum nulla
 necessario dignitates scientiarū actu postulat. quod
 enim per notiores priores, veras & causas, hoc non
 possit intelligi, non indiget declaratione, cum non so-
 le dignitates sint tales. neque id quod dicit de im-
 mediatis, per immediatas enim illas intelligit, quibus
 non est alia proximior, vel prior, effectui scilicet de-
 monstrando, inter quas, paulo superius, propositiones
 diffinitionum de diffinitis, connumerari posse
 declarauimus, restat illud, quod dicit, primas, per
 primas autem se ipsum declarans *Arist.* dicit se in-
 telligere propria principia demonstrationis. quod
 non solum, vt dicit *Themistius*, competit propriis
 scientiæ dignitatibus, sed & omnibus etiam proposi-
 tionibus, quæ cum sint in scientia propriæ, ex nulla
 etiam priori pendere possunt. inter quas connume-
 randa sunt propositiones diffinitionum de diffinitis:
 tales enim ex se ipsis pendent, nec causam habet sue
 veritatis aliam, quam se ipsas. idem est enim diffi-
 nitio, & diffinitum, vt superius dictum est. Omit-
 to quod, ut ex *Philop.* haberi potest, idem intelligit
Arist. per primas & immediatas, quasi vna condi-
 tio tantum sit illa. Præterea *Philop.* pluribus in lo-
 tis in primo *Post.* asserit non omnes demonstratio-
 nes in Geometria, & Arithmetica constare ex di-
 gnitatis actu, sed primum forte Theorema vel alte^m

D E C E R T,

rum aut alterum . ceteras autem demonstrationes, virtute tantum illas dignitates admittere, & tamē constat illas non esse demonstrationes, vel quia, vel propter quid tantū ; ergo potissima . non enim alie species demonstrationum dantur . Sed hoc an sit verum, quòd scilicet demonstrationes in Geometria sint potissima, inferius melius ponderabimus . Amplius dicit Proclus in, 1. Elem. lib. tertio, non omnia Theoremata, vel problemata Euclidis ex dignitatibus actu constare ; sed pauca quedam . non enim concedit Proclus cathenā illam propositionū perpetuo constantem, vt multi ponunt, non satis mathematicas scientias possidentes . Sed cur in re tam manifesta, ita laboramus ? concludimus igitur, demonstrationē potissimā non necessario, in via Arist., sibi actu dignitates scientiarum postulare . nisi aliquis (si Deo placet) potissimarum demonstrationū varias species assignabit, ita quod inter potissimas, alia sit quàm alia potior . quod nullus cōcederet sani capitis, cum triplex tantum, prima diuisione, apud Arist., & eius Græcos & Arabes Interpretes, sit demonstratio, videlicet, quia, propter quid tantum, & hæc de qua loquimur, cause & esse, quam potissimam nuncupamus . que in quibusdam causis, conuertibilibus scilicet cum effectibus, a demonstratione propter quid tantum, nisi per accidens non distinguitur, vt superius longo sermone, declarauimus, et hæc de secundo assumpro .

Assumpto tertio, Aristotelem, dum tria dicit requiri ad omnes demonstrationes, subiectum, pas-
siones .

siones, & principia ipsa, in quorum præcognitione, mentionem facit ipsius quid, per quid tantummodo quid nominis intelligere. quod non solum ex ipsomet Arist. cognosci potest, qui semper hoc ibi utitur loquendi modo, quod dictū vel nomine significetur, vel etiam ex Interpretibus ipsis Græcis videri potest. qui omnes per quid, diffinitionem quid nominis, non autem quid rei, interpretantur, & hoc non iniuria, nam diffinitiones, quæ accipiuntur inter dignitates, & positiones scientiarum, teste Proclo, Philopono, & aliis, sunt diffinitiones quid nominis, non quid rei. Nec alio modo hæc præcognitio accipi potest, nam si vera rei diffinitio, & subiectorum, & passionum prænosceda esset in scientiis, frustra ipsum quia, ipsarum passionum inquireremus. nam questio quid passionis, si habetur nota, dat nobis & quia, & propter quid, ut habetur apud Arist. 2. Post. & inferius id melius perscrutabimur. si ergo passionis diffinitionem realem, præcognoferemus, simul etiā absque alia demonstratione, eiusdem inherentiam in subiecto non ignotaremus. & sic sine demonstratione statim in qualibet scientia erudiremur. Sed in re tam clara, non est amplius immorandum.

Quarto assumendum est, tres tantummodo, specie, & ratione differentes demonstrationes apud Arist. prima divisione inueniri, quia, propter quid tantum, & potissimam, ut declarauimus. Quare si quando apud Arist. inuenimus aliquam demonstrationem alia perfectiorem, vel plenioris mensuræ, veluti quando, affirmatiuam perfectiorem esse dicis

D E C E R T.

negatiua, & rectam ipsam ducente ad impossibile
 veluti primo Post. Cap. 21. & 22. huiuscemodi gra-
 dus perfectionis, non ad potissimam referri debent,
 ita quod oporteat dari aliam potiore, potissima, spe-
 cie ab illa differentem, huiuscemodi enim mensurae,
 & perfectionis gradus non variant ipsas species de-
 monstrationum. Itaque quamuis demonstrationū
 quia, vel propter quid, aliqui imperfectionis gra-
 dus reperiri possunt, sicut in affirmatione, & nega-
 tione, & huiusmodi, id pro constanti tenere debe-
 mus illam demonstrationem, quae causam proximā,
 immediatam, & ceteris conditionibus praeditam,
 quas ponit Arist. primo Post. Cap. habuerit, voca-
 ri potissimam, & esse illam, de qua loquimur in hoc
 tractatu, & quae modo potissima, modo quia, et pro-
 pter quid, & modo absoluta, vel simpliciter nuncu-
 patur, neque aliam ipsa potiore reperire possumus,
 specie ab illa differentem, cum superlatiua a compa-
 ratiuis, excedi nequeant.

Quinto, id etiam assumere per opportunum erit,
 cum quatuor sint causae, quamlibet illarum per de-
 monstrationis medium ostendi posse, haec est senten-
 tia clara Arist. 2. Post. Cap. 18. ubi etiam Themi-
 stius Cap. 11. id ipsum asseuerat, ac declarat. necnō
 Philoponus eodem loco hanc rem ad viuum refecās,
 idem concludit. Vnde etiam patet, cum illud me-
 dium sit diffinitio, diffinitionem etiam posse per om-
 nia causarum genera assignari. De intrinsecis cau-
 sis nullus dubitat. de extrinsecis vero, Arist. ipse
 pluribus in locis huius rei author est. quemadmo-
 dum

dum apparet in diffinitione motus, eclipſis, tonitrui, terramotus, & aliorum quamplurimum. & præcipue. 2. Phy. 91. per finem, materiam ipſam concludit. finis autem, & efficiens in naturalibus coincidunt teſte Themiflio. 2. Poſt. Cap. 14. & Philo. 2. Poſt. ſup. Cap. 11. necnō Alex. in Quæſt. natural. Præterea Auer. primo Poſt. 35. contra Alpharabium ſcribens, dicit tandem, quòd contingit in aliquo caſu, cauſas extrinſecas eſſe in diffinitione ponendas. veluti de efficiente, quando effectus in eſſe & conſernari ab efficiente, dependet. De finali vero, ſi quando ob latentiam, atque indigentiam verarum differentiarum, ex fine, differentia ipſa deſignatur. Concludere igitur poſſumus, quālibet cauſam, poſſe quandoque eſſe medium in demonstratione, & ex conſequenti diffinitiones poſſe ex quolibet cauſarum genere quandoque tradi, quòd etiam fecit Galenus in diffiniendo pulſu, & hanc ſententiā. corroborat etiam id, quòd dicit Ariſto. 8. Metaph. 12. & infra. & ita concludimus quintum aſſumptum.

Sexto debinc loco, aſſumimus, quòd cum quatuor ſint quæſtiones, an res ſit, quid ſit, & cur ſit, & in omnibus, ut dicit Ariſt. medium quærat, propterea quòd medium cauſa eſt, cauſa autem in omni quæſtione quæritur, ex hoc clare habere poſſumus, quòd in paſſionibus, quæ in ſubiectis habent eſſe, & ex eorum formis fluunt, ita ſe habebunt connexæ hæ quæſtiones, vt habito, an ſit, reliqua omnes abſoluantur, in iis vero, quæ in aliis non habent eſſe,

sed per se existunt, id ipsum penitus non contingit. Et hoc est, quod dicit Themistius. 2. Post. Cap. 11. & Philop. super Cap. 9. eiusdem secundi. Nam (ut Philop. dicit, (& Arist. ipse) Quemadmodum ipsum quia habentes, contingit simul habere propter quid, quando scilicet ipsum quia, ex propriis procedendo, & habendo, ut dicit Arist. aliquid rei, lucrati sumus, sic etiam habentes est, contingit simul ipsum quid possidere. Cum ergo hoc verum sit, & in passione ipsa habendo an sit, hoc est an vera detur causa, ob quam sit, habemus etiam suum quia, hoc est illam esse in alio, propterea quod ex hoc passio vere habet esse, quia est in alio, sequitur ergo quod habendo an est passionis, reliquas simul quaestiones absoluemus. Nam ex hoc, quod habemus an est, tenemus etiam quid est, ut probauimus superius, & ex eodem an est, habemus etiam quia est, propterea quod suum esse est in alio esse, & habito quia, habemus propter quid, per iam dictam similitudinem, & auctoritatem Aristoteli, ergo a primo ad ultimum, habita prima quaestione passionis, omnes alias possidebimus. & potest dari exemplum de eclypsi; habito enim an sit eclypsis, habemus causam sui esse, quae est sua diffinitio, per quam cognoscitur quia est, cum suum esse sit in alio, & ideo hoc ipsum est suum propter quid, causa enim sui esse, est causa sui in alio esse, & hoc est suum propter quid. Et haec tota deductio rationis, habetur ex Philop. loco citato. ubi etiam addit (& est etiam Themistii dictum) quod in iis, quae per se substant, non habet locum haec deductio.

dictio nam quamvis scientes an sit deus, homo, uel Luna, id scimus, an scilicet aliqua vera causa detur, ob quam sint, quæ causa cum sit eorum diffinitio, dat nobis quid sint, tamen quia sint vel propter quid, cum non sint res existentes in alio, habere inde non possumus. Hæc est doctrina, ut dixi, Arist. hoc modo exposita a Themistio, & Philopono, ut nos exposuimus. & addunt, quod propter hoc Arist. ostendit sese sequi has quaestiones quatuor eo ordine quo dictum est, quia de demonstrationibus loquitur, quæ tantummodo eorum sunt, quæ sunt in alio, passionum scilicet, cui etiam apparet ex exemplis quæ ab ipso ponuntur. Concludimus igitur, de passionibus tantum hoc enenire, quod habita vera causa an sit passio, reliquæ etiam tres quaestiones solvantur omnes.

Septimum, quod asserimus: est magni ponderis, atque illud est, quod quando dicimus demonstrationes potissima constare ex præmissis immediatis, hoc est indemonstrabilibus, & quarum altera non sit prior, non debemus id intelligere de ambabus simul præmissis, sed de præmissis illis, ut plurimum, quæ fiunt maiores in prima figura. nec hoc videri debet absurdum, id enim auctoritatibus, experientia, & rationibus ostendemus. Legatur Philoponus primo Post. Cap. primo super illis verbis. Dupliciter aut præsc &c. ubi longo processu declarat hanc rem, et ad viuū refecat, os tēditq; hoc esse, tū peripateticū, tum etiā necessariū. et inter multa, quæ in hanc sententiā profert, ponit hæc uerba tādēmo.

D E C E R T.

ἀπλῶς μόντοι αἰδὲ ἀποδείξιως ἀδύνατον ἀμφοτέρω
 ἕκαστ' , προηγουμένω τῶν προτάσεων , μέγιστον δὲ αἰάσκει
 τῶν μέγιστα . Hoc idem asserit Proclus primo Elemt.
 lib, tertio . necnon Auer, videtur hoc innuere pri-
 mo post, 11. Verum, an necessarium sit semper hoc
 in maiori (vt dicit Philop.) nolo determinare . sat
 mihi sit ambas simul indemonstrabiles, non necessa-
 rio pro demonstratione potissima reperiri . Cognoui
 tamen aliquos Patavii, mordicus hanc dielā Phi-
 loponi sententiam defensantes . Quod enim (dice-
 bant ipsi) Philop. verum dicat, in singulis scientiis,
 singulisque demonstrationibus, experiri possumus .
 nullam enim inueniemus, cuius vtraque præmissa
 omnino immediata, & indemonstrabilis sit. Ad ea-
 mus (dicebant isti) Geometras, & Arithmeticos,
 qui secundum aliquos, demonstrationibus potissi-
 mis abundare creduntur, nullam profecto talem,
 ex ambabus scilicet immediatis, in toto Euclide re-
 periemus . Videamus primum Problema, quod cum
 dignitatibus proximum sit, absolutissime demon-
 strandum erit . videamusque illam problematis partem,
 quæ ostensio dicitur, in qua, facta iam constructione,
 ad demonstrandum descenditur . nulla est quidem
 ibi demonstratio, quæ minorem, non solum dignita-
 tem, sed ne indemonstrabilem habeat . vna quidem
 ex illis demonstratio talis est . Quæcumque sunt
 equalia vni tertio, sibi etiam sunt equalia . Lineæ
 α γ . & lineæ γ β . sunt æquales tertiæ lineæ .
 α β . ergo & c. est ne illa minor indemonstrabi-
 lis? non-ne ex hoc demonstratur, quod a tetrīs tir-
 cularū

cylorum exeuntes lineæ sunt æquales? Sed quid
 verbis opus est dicebant isti? ponderentur quotquot
 demonstrationes in Euclide sunt, nulla inuenietur,
 quæ ambas præmissas sua natura, indemonstrabiles
 habeat, nisi forte in constructionibus, sed in ostensio
 nibus minime. & hoc non iniuriæ (dicebant illi.)
 ratio enim in præcepto est, nam si erunt quandoque
 ambæ præmissæ indemonstrabiles, vel erunt ambæ
 dignitates; & hoc non, cum dignitates limitatae ad
 aliquam scientiam, se invicem non contineant, vel
 erunt propositiones diffinitionum de diffinitis, quod
 etiam esse non potest, daretur enim diffinitionis dif-
 finitio, & hoc in infinitum. vel tandem ita erunt in
 demonstrabiles, ut altera dignitas sit, altera diffini-
 tionis diffinitio (plures enim talium præmissarum
 dispositiones, ne imaginari quidem possumus,) hoc
 ultimum vero, contingere non potest, quia dignita-
 tem termini, prænoscentur. Quando vero aliquis
 contra istos argueret, ut ego etiam argumentatus
 fui, quoniam ex hoc sequeretur, quod demonstratio-
 nes procederent in infinitum, & sic non esset scien-
 tia, ut deducit Aristot. primo Post. Cap. tertio, isti
 solent negare hanc consequentiam. nam in Geome-
 tria, verbi gratia, minores illæ erunt tandem osten-
 sæ ex constructione, quæ est quarta pars Theorema-
 tis vel Problematis (diuiduntur enim in sex partes,
 ut dicit Proclus.) Addunt etiam, quod ex conden-
 satione fiunt illæ minores, tandem & illæ immédia-
 tæ, verbi gratia sit erunt quatuor termini, vel plu-
 res, sibi per ordinem immediati, vuluti. *A B C D* .

D E C E R T.

ostendetur. D. de. A. per medium. C. & maior erit immediata, & erit hæc demonstratio potissima; quamvis minor hoc est. A C. mediata fuerit. ostendetur autem postea. A C. condensata per. B. ut patet in terminis, quos ponit ad hoc propositum Aristot. secundo. Post. Cap. 17. uidelicet, vitis, latifolium, congelatio humidi, & casus foliorum. & ita facit demonstrationem (ut ipse dicit) potissimam, ut minor propositio in vite scilicet, congelatus humor, non sit immediata, condensatur tamen per latifolium, ut patet. Itaque hoc pacto, volunt isti defendere Philoponum, dicentem vniuersaliter imoossible esse ambas præmissas simul esse indemonstrabiles. Ego uero quicquid isti dicant, non uideo; quomodo hæc sententia Philoponi, possit vniuersaliter defensari. fateor enim non esse necessarium quod in demonstratione potissima, ambæ sumantur indemonstrabiles; & uideo apud Euclidem, & omnes Mathematicos, in ostensionibus Theorematum, & Problematum, non inueniri talem. dico tamen quod in constructionibus illorum inueniri possunt. & quando dicunt, quod si erunt ambæ indemonstrabiles, uel erunt dignitates ambæ, uel ambæ diffinitionum de diffinitis, uel tandem una dignitas, reliquæ diffinitionis de diffinito, dico quod poterit esse altera dignitas sumpta in scientia, altera uero indemonstrabilis, & nota, quamvis non sumpta in scientia, sed tamen sensu ipso cognita; sicut ignem esse calidam, & huiusmodi. accidet etiam in una promissa

missa prædicari diffinitionem de diffinitio, in altera diffinitionem passionis, de diffinitione subiecti, ad probationem scilicet in prosyllogismo primæ minoris, in qua diffinitio passionis prædicatur de subiecto. & ita non accidit aliquod absurdum. Verum nolo de hoc determinare ad præsens, quoniam mihi sat est assumere demonstrationem potissimam, non requirere necessario utrasque præmissas immediatas, quàmuis forte per accidens possit hoc quandoque contingere, sed sufficere sibi talem maiorem. & hoc est verissimum, ut declaravi, & apud peritos in Mathematicis, potest esse evidentissimum ex cuius rei ignorance, magna sequuta est semper, & adhuc sequitur confusio in materia de Demonstratione.

Octavo, & postremo loco, assumo mihi unum clarissimum, videlicet quod in quæstione de medio demonstrationis potissimæ, ita debet inquiri medium, ut nobis ad omnes potissimas demonstrationes inferuire possit. Nam cum in quolibet causarum genere, contingat quandoque reperiri demonstrationem potissimam, ut declarauimus, si medium aliquod in demonstracione quapiam, uel in hoc genere tantum causæ, uel in illo inueniretur, illud non posset uniuersaliter demonstrationis potissimæ, appellari, nunquam enim Aristo, tractans de medio, particulariter loquitur, ut clarum est. sicut a simili, si aliquod medium, quo ad uirtutem moralem duceremur, inquireremus, non satis nobis

D E C E R T.

bis esset, frequentatos actus iustitiæ, uerbi gratia as-
 signare, quippe qui ad omnem uirtutem moralem,
 nisi per accidens, nos ducere nunquam poterunt.
 Vtrum uero, si non in omnibus, saltem in aliquo
 causarum genere determinato, diffinitio subiecti
 possit esse uerum, & adequatum medium, infe-
 rius ponderabimus.

Hæc itaque sunt octo assumpta, quæ ad questio-
 nem de medio demonstrationis potissimæ, consti-
 tuere, ac corroborare, primum uoluimus. Reli-
 quum est, ut ad rem ipsam accedamus

De medio Demonstrationis potissimæ.

Cap. Sextum.



Quod igitur diffinitio passio-
 nis, & non subiecti, legiti-
 mum sit medium demonstra-
 tionis, tot auctoritatibus, &
 rationibus ostendi posset, ut
 penè infinitum esset, si sin-
 gulæ omnes adducerentur.
 aliquas tamen eligam, quæ

ad hoc maxime idoneæ uidebuntur. Quod ergo
 ad auctoritates attinet, habemus primo Themis-
 tium, & ex consequenti Alexand. cuius, teste
 Auerroë, Themistius est compilator. qui 2. Post,
 id asserit Cap. 30, necnon, 31. ubi hæc uerba po-
 nit,

nit. λόγος ἔν τῳ μείζονος ἀνερος, ἢ τῷ εἰ τῷ συμπράσ-
 ματι, τὸ μέγαν ἐσι. *quid clarius? Philoponus præ-*
terea pluribus in locis, 2. Post. præsertim super Cap.
9. Cap. etiã. 17. inter alia hæc uerba posuit, πᾶσα
ἀπόδειξις δι' αἰτίας αἰτίου μέγαν γίνεσθαι, καὶ ἐμάθομεν
ὅτι ὁ μέγας ἕρος ὁ εἰσμεγας ἐσι τῷ μείζονος. Quinetiã
passim Enstr 2. Pos. et sæpius Cap. 17. sapius idem
repetit, cuius omnia uerba longum esset referre.
Huius sententiæ testis est quoq; Auer. primo Post.
cõ. mag. 11. sed quid aliunde testimonium quæri-
mus? nonne habemus Arist. ipsum? qui in toto
processu de demonstratione. in 2. Post. Cap. 9. &
17. tandem ita hoc quod dicimus confirmare uide-
tur, ut dempta hac ueritate, tota ruat eius de de-
monstratione sententiã, ut etiam in rationi-
buz inferius melius ostendemus. Præterea, nonne
clara etiam uoce id sæpe affirmat, dum, modo primi
termini, modo ipsius effectus, quem quærimus, modo
cuius est causã diffinitionem, mediũ dicit esse demõ-
strationis potissima? de hac. n. loquitur ipse tũc, &
nunc nos ipsi loquimur, nonne omnia exempla, qua
adducit de eclipsi, de tonitruo, de casu filiorum, &
alia etiam, hoc ipsum sapere uidentur? & quãuis
exempla nõ debeant in omnibus fidẽ facere, tamen
ad propositum ostendendum respondentia adduci
debent. Et profecto mirũ esset si Arist. alterius suis
set sententiæ, quod nunquam aliquod exẽplum inter
tot, illi sententiæ accommodasset. Nec possumus ta-
men huiusmodi exempla, & uerba Arist. ita ex-
torquere, ut dicamus illa habere locũ in demõstra-

tionem nescio quam, potissima mediata a notioribus nobis. Talis enim demonstratio a notioribus nobis, vel erit ab effectu, & tunc non erit potissima. vel a causa, quæ cum non sit immediata, ergo remota, ergo demonstratio quia, ut sensit Arist. primo Post. Cap. 10. & ideo hæc extorsio nulla erit. demonstrationum enim potissimarum plures non habentur species, demonstrationum enim tres tantum sunt species ratione differentes, ut patuit ex eo, quod superius assumpsimus quarto loco.

Ommissis authoritatibus, rationibus etiam sententiam nostram munire possumus. & primo hinc in modum. Illud magis debet esse medium in demonstratione potissima, quod omni demonstrationi potissima, inferuire possit, quam id, quod aliquibus, & illis paucis. sed diffinitio passionis inferuire potest omnibus potissimis demonstrationibus; ex quolibet scilicet causarum genere confectis, diffinitio uero subiecti, dato & non concessa, quod vere, & per se alicui inferuire queat demonstrationi, hoc tantum esset respectu causæ, vel formalis, vel materialis. ergo &c. Maior patet ex octauo assumpto. Minor etiam ex inductione manifestari potest. in causis enim extrinsecis, cum ex subiecto non fluant, diffinitio subiecti non habet vim, ut in eclipfi, in tonitruo, & aliis huius generis, inducendo cognosci potest. Et hæc ratio (meo quidem iudicio) fortissima est. quam qui impugnare vellet, cogere tur dicere passiones venientes ab extrinseco, saltem aptitudine. quod præterquam quod implicat, ex hoc cognoscitur etiam esse

esse falsum, quòd si Luna in sui ratione haberet aptitudinem ad eclypsim, haberet etiam ad ipsam eandem Saturnus, & Mars inter planetas, & Arcturus, aliæque stellæ omnes, nam quicquid competit essentialiter vni aëstro, competit omnibus, teste Arist. 2. Cœli cum omnia aëstra sint eiusdem speciei saltè analogica, et ut dicit ibi Auer. Saturno autem & alijs, non competit talis aptitudo, quia esset frustra, quod est absurdum ut dicit Arist. primo Cœli. 3 2.

Secundo, arguitur ad idem, si diffinitio subiecti, esset medium in demonstratione potissima, sequeretur quòd supernacanea esset omnis demonstratio, quia tunc ad nota dirigeretur. hoc est absurdum, cum demonstratio per nota ad ignotum procedere debeat. ergo & c. sequela probatur, quia de subiecto prænosçimus quid, & quia, si quis autè diceret quod tantum prænosçimus quid nominis, & non quid rei, & sic non sequitur. responderi potest in Mathematicis saltem valere dictam consequentiam, propterea quod diffinitiones in illis præcognitæ, quamuis sint quid nominis, tantundem tamen possunt, ac si essent quid rei, teste Proclo, & Simpl. & alijs.

Tertio arguitur. illud ponendum est medium in demonstratione potissima, quo habito cessat de passione quæstio. diffinitio passionis est huiusmodi. ergo & c. Maior est nota ex ratione medii, nã medii munus est, cum sit causa absoluerè quæstionem de passione, cur scilicet in subiecto sit, ut dicit Arist. 2. Post. Cap. 17. Minor vero probatur, nam nulla causa est immediatior & proximior ipsi effectui,

D E C E R T.

passioni scilicet, quàm suamet diffinitio vero subiecti, non potest esse eius causa, nisi mediante diffinitione passionis. Et ideo, in nostra demonstratione maiorem præmissam immediatam habebimus, & indemonstrabilem, in qua effectus passio scilicet reperitur. in minori autem, de effectu, quem solum querimus non fit mentio. si autem ponatur diffinitio subiecti pro medio, tunc maior adhuc pendens erit, & mediata, & ideo non indemonstrabilis, nam passio non inest diffinitioni subiecti immediate, & sine causa, sed mediante suamet diffinitione, & sic de illa maiori contingit adhuc quærere. quod quando diffinitio passionis accipitur pro medio, non contingit. Siquis autem dixerit, quòd etiam si accipitur diffinitio passionis pro medio, remanebit minor mediata, & ideo non indemonstrabilis, cum diffinitio passionis, non prædicetur immediate de subiecto, sed mediante diffinitione subiecti, & sic eodem pacto contingit adhuc quærere de illa. respondebo per illa, quæ iam posita sunt in septimo assumpto. quòd cum non ambæ præmissæ esse debeant necessario indemonstrabiles; satis erit quòd maior talis sit, in qua mentio de effectu fit, cuius causam quærimus. ratione enim effectus constituitur demonstratio, sat enim demonstrantibus esse debet, quod ueram causam assignent immediatam, inherentiæ effectus, quæ solùm diffinitio effectus esse potest. quia diffinitio subiecti remotior ab illo est, quamuis accidat quandoque quòd ab illa remotiore, pendeat passio, & passionis diffinitio. sed tunc tamen, ratione suæ propriæ diffinitionis

nitiois pendeat passio, & id sufficit ad demonstrandum per passionis diffinitionem, ut clarum est.

Quarto argui sic potest ex mente Philoponi. Illud debet esse medium in demonstratione, quod frequentissime accipitur medium in Mathematicis. Sed tale medium est diffinitio passionis. ergo &c. maior conceditur ab illis, qui subiecti diffinitionem esse medium ponunt. quam maiorem quamuis ego non concederem, tamen ratio erit ad hominem, & procedet contra illos, minor ponitur a Philop. qui. 2. Pby. 89. dicit quod diffinitio passionis est medium in demonstratione mathematica, & ponit exemplum ex Euclide in habere tres de triangulo, ergo &c. Arbitror tamen in hoc non esse tenendum Philop. ut declarabo inferius, tamen ex eius mente, ratio hac procedit. & est ad hominem.

Quinto loco, sic ratiocinari potest, & est ratio fortis. illud magis dicendum est esse medium in demonstratione, quod ad ducendam passionem in subiectum, nullo alio per se indiget, nisi forte per accidens, quia illud, quod ex se ipso non sufficiens ad hoc munus, alio ad id per se adminiculo eget, sed primo modo se habet diffinitio passionis, secundo uero modo diffinitio subiecti. ergo &c. circa maiorem non est dubitandum, quia propter aliud non queritur medium in demonstratione, nisi ut secum necessario ducat effectum in ipsum subiectum, hoc est ponat necessario passionem in subiecto, ut patet exercitatis in doctrina Aristo. Minorem etiam facillime probare possumus, quia passio per seipsam, nullo medio adhi-

D E C E R T.

bito, sequitur diffinitionem suam, non autem diffinitionem subiecti sequitur, nisi auxilio sua propria diffinitionis. Quare, si hoc per imaginationem admitteretur, quod scilicet homo non esset, risibilitatis uero diffinitio in aliquo reperiretur, necessario ibidem & risibilitas reperiretur. Sed si admittamus e contra, diffinitionem risibilitatis non esse, hominem uero existere, risibile non erit, propterea quod ubicunque erit, ratione tantum sua diffinitionis inerit, ueluti a simili, si aliquod opacū corpus ad Solis radios poneretur, ac umbram statim efficieret, propter hoc ibi umbra reperiretur, quia opacum, non quia ibi corpus inueniretur. quamuis enim tam umbra, quā opacitas a corpore pendeant, & sine ipso existere nequeant, umbra tamen opacitatem sine medio sequitur, atque illam respicit, corpus uero ratione opacitatis, quoniam corpus non quatenus corpus, sed quatenus opacum, umbram facit. Itaque dato per intellectum, quod sub Sole, opacum quoddam non corpus poni posset, statim umbra appareret. corpore uero sine opacitate posito, umbra ipsa non sequetur. Quē apudmodum igitur, si quis quærenti causam umbræ, opacitatem assignaret, immediatiorem, & familiariorē umbræ causam assignasset, quam sitrinam dimensionem, hoc est corpus, reddidisset, sic etiam passionis id est effectus causam inquirenti, eiusmet effectus diffinitionem decentius, quàm quicquid aliud assignabimus, & erit tunc præmissa maior in demonstrabilis, quamuis actu non sit dignitas: nõ enim necesse est dignitatem actu poni in demonstratione

tione

tionem potissima, nec ambasetiam in demonstrabilem, sed maiorem esse talem, satis existimamus, ut ex primo assumpto, & secundo patere potest.

Sexto. Illud fatendum est esse mediū in demonstratione potissima, quod illius est diffinitio, cuius quaesitum an sit, cetera simul quaesita soluit. Sed diffinitio passionis est huiusmodi, non autem subiecti, ergo &c. Maior ex se patet, cum ampliorem non possit habere vim medium aliquod, quam illam, quā diximus, praesertim auctore Arist. qui in hanc sententiam loquitur. 2. Post. Cap. 9. Minor vero, quo ad utranque partem, manifesta esse potest, ex sexto assumpto superius. habito enim an sit, ipsius passionis, & id processu non accidentali; habemus quid sit. suum autē quid ostendit quia, propterea quod passionis esse est in alio, & ex quia, propter quid statim innotescit. quod in diffinitione subiecti, cum subiectum non habeat esse in alio, non contingit, ut sufficienter in iam dicto assumpto probatum est. ..

Septimo. ego miror illos, qui dicunt esse diffinitionem subiecti, non uidisse auctoritatem Auer. mirabilem pro hac materia, primo Post. cō. mag. 11. ubi non obiter, sed ex intentione ostendit, quod est per accidens, quod medium demonstrationis sit causa subiecti, per se autem est causa passionis. semper. n. cum demonstramus, respicere debemus immediatam maioris extremi causam, de illo enim est quaestio. Arguo ergo sic. Idem est causa, & quod quid est, teste Arist. 2. Post. pluribus in locis; & praecipue Cap. 2. sed in demonstratione, mediū debet esse causa,

D E C E R T.

ipsius cuius est causa, effectus scilicet, ut dicit *Aris.*
 2. Post. Cap. 17. ergo medium erit, quod quid est,
 eiusdem effectus, quia cuius est causa, eiusdem de-
 bet esse quod quid est, ergo &c.

Octavo & ultimo, ex videribus verborum *Ari-*
sto. ratiocinari possumus. nam certum est, apud *Ari-*
sto. 2. Post. Cap. 17. maiorem extremitatem vocari
 cuius causam, medium, uero causam, minorem vero
 extremitatem, cui est causa, minor ergo extremitas
 est posita tanquam uehiculum, uel fulcimentum, in
 quo fundari debet effectus alicuius causa, & de esse
 Eru, & causa, omnis intelligitur esse demonstratio,
 non queritur igitur immediate de natura uehiculi,
 & eius causa, subiecti scilicet, sed solum qua sit illa
 causa, qua ponat in hoc uehiculo illum effectum. &
 dicit *Aristoteles* quod illa est illius effectus diffini-
 tio. Nec aliter dicere poterat, quoniam enim in il-
 lo eodem subiecto, in quo dicitur esse passio, reperi-
 mus ratiocinando, esse diffinitionem eius passionis,
 nihil autem intimius alicui esse potest quam sua dif-
 finitio, sequitur ergo quod ostendentes in esse diffini-
 tionem effectus in subiecto aliquo, simul immediatis-
 sime, & effectum ibidem in esse demonstratum erit.
 & hoc intendimus. Arguo igitur in forma sic, Ibi-
 lud debet esse medium demonstrationis potissima,
 quod est causa immediatissima inhaerentia ipsius ef-
 fectus, sed huiusmodi, est diffinitio passiois, ergo &c.
 Maior patet ex dictis, & ex natura demonstratio-
 nis potissima. Minor uero clara est, tum ex senten-
 tia *Arist.* 2. Post. Cap. 17; tum etiam quoniam dif-
 finitio

finitio passionis causa vocatur ab *Aristo.* subiecti vè ro diffinitio ob id passionem admittit, quia causam prius passionis, hoc est eius diffinitionem admiserat.

Potest etiam & argui sic. Demonstratio potissima est, quorum est altera causa a subiecto, sed in nulla demonstratione, in qua ponitur causa quæ sit diffinitio subiecti, est causa, altera a subiecto, ergo &c. : Maior, quod scilicet, demonstratio sit quorum est altera causa, patet ex 2. Post. & omnes exponunt, quod sit altera a subiecto. Minor etiam est clara, quia diffinitio non est aliud a diffinito, sed idem cum illo, Vide 6. Top. & ubique. ergo &c.

Plures etiam rationes adducere possemus, sed breuitatis causa, has tantum pro re tam clara, adductas esse volumus, præsertim quia, qui oppositâ opinantur partem, in angustias arctissimas, vt illam defendant, coguntur incidere, vt in argumentis *Scoti*, & aliorum videri potest. Primo enim demonstrationes potissimas, in varias classes distinguunt, ratione seu specie (vt ipsi credunt) diuersas, veluti altioris gradus, inferioris ordinis a notioribus quò ad nos, a causis mediatis, & sic de aliis, cum tamen constet loqui nos de demonstratione potissima, quæ nec ab effectû, nec a causis remotis procedere potest, præsertim cum constet, plures demonstrationum species ratione distinctas non reperiri, quàm tres enumeratas ab *Auer.* 2. Cæli. 35. vt superius declarauimus.

Præterea coguntur etiam pro salute sui dicti, ponere diuersas earundem passionum diffinitiones, di-

D E C E R T.

centes quid, & dicentes propter quid. cum tamen
clare dicat *Aristo.* ex quid passionis, simul & quia,
& propter quid haberi.

*Arguunt etiam, quoniam si esset diffinitio passio-
nis medium, peteretur quòd in principio, cum eodẽ
pacto, dubitemus de passione an insit, & de sua diffi-
nitione; quia diffinitio, & diffinitum idem sunt re.
& non vident isti cum sic arguunt, simul contra se-
ipsum arguere. nam eodem pacto (dicam ego) dubi-
tabitur, an passio insit in subiecto, & an sit in diffi-
nitione subiecti; cum diffinitio, & diffinitum idem
re sint. Hoc tamen argumentum (quia allegare in-
conueniens non est soluere) quamuis eodem pacto
procedat contra illos, & contra nos; neutros tamen
cogit, propterea quod ex dictis *Aristo.* primo *Elenh.*
non est inconueniens, quod idem diuersis modis sum-
ptum, modo notius, modo ignotius sit. diffinitio enim
explicatior est diffinito, & ideo notior.*

Quando vero arguunt, vt arguebat quidam in
circulis *Bononiensibus*, videlicet ex hoc, quod illud
debet *moysi.* esse medium, quo habito cessat quæstio;
quam, quo habito adhuc contingit querere, respon-
deo, quòd tantum abest, vt hæc ratio sit contra nos,
quod contra illos maxime procedit. nam in nostra
demonstratione, circa maiorem non contingit quæ-
rere, & hoc satis est. quaritur enim in demonstra-
tionibus, causam immediatam eius, cuius est causa,
hoc est passionis, & hæc est sua diffinitio. & ideo
maior præmissa est indemonstrabilis. de minori ve-
ro nihil ad nos; quia quamuis tam passio, quàm dif-
finitio

finitio passionis, quando pendent ex causa intrinseca subiecti, pendeant tandem ex subiecto, nihil tamen hoc contra nos. nam non querimus unde pendeat passio, vel eius diffinitio, sed solum qua sit causa immediata, cur passio insit in subiecto, ut in assumptis superius declaratum est. Sed si ponatur medium diffinitio subiecti, tunc de maiori premissa continget adhuc querere, quare scilicet passio insit diffinitioni subiecti. & hoc maximum absurdum, quia precipue tunc id ignoraretur, quod querebatur. Quinetiam si quando accidet (quod tamen frequētissime contigit) ut de passionibus fluentibus ex causis extrinsecis, demonstrationes querantur, tunc tale medium, quale isti ponunt, nullum penitus adminiculu præbere poterit. Si quid ergo potest, in causis intrinsecis euenit, & hoc est quasi per accidens, accidit enim tunc quod passio queratur, fluens ex intrinseco saltim remote. & tunc bene scio, quod qui ulterius querat de diffinitione passionis, denenerit tandem ad diffinitionem subiecti, qua est causa, & passionis, & eius diffinitionis, remote scilicet. sed hoc, quo ad id quod querimus in demonstratione est per accidens, vt aperte dicit Auer. primo Post. cō. mag. II.

Quæ omnia cum iam iam manifestissima esse possint, cuilibet uersato in scientiis, & in ipsa Logica. receptui canam in hac quæstione, multa enim dici adhuc queunt, quæ ex iam dictis facillime quiuus ex cogitare poterit. Sed rem totam, ad ipsas iam mathematicas disciplinas applicemus.

*Quæ prælibanda sunt, ad mathematicas discipli-
nas pertinentia. & primum de materia ipsa-
rum. Cap. Septimum.*



*N*tequam ostēdamus, an demon-
stratio ista potissima, de qua su-
perius omnis habitus est sermo,
in mathematicis disciplinis, &
præsertim in Geometria, &
Arithmetica, reperiatur, quod
primaria intentione, intēdimus
in hoc tractatu, non erit inconueniens, quædam de
huiusmodi scientiis, strictim prælibare. videlicet,
quæ mathematicarum materia, quis mathematica-
rum rerum efficiens, si finis aliquis in illis est, quo
ordine pertractentur, quæ Theorematum, & Pro-
blematum partes sint, quæ in illis resolutio, & com-
positio. Et his expositis statim ad harum faculta-
tum certitudinem, earumque demonstrationem ve-
niemus.

*De materia Mathematicarum facultatum dispu-
tans Proclus in primo Elem. lib. 2. dicit, primum en-
tia ipsa mathematica, cum nihil aliud sint, quàm
quantitates ipsæ abstractæ, non posse inter ipsa peni-
tus sensibilia connumerari. primo enim quomodo
puncta omnino impartibilia, superficies non profun-
das, lineas non latas, linearum & superficierum
æqualitates, & alia id genus, inter sensibilia existen-
tia poni posse dicendum est & cum non detur inter
quanta*

quanta naturalia, quòd trinam dimensionem non recipiat, nec vera aequalitas, nec tandem quæuis figura, circularis, triangularis, aut quæuis alia, exacta penitus, & absoluta. Dehinc, quomodo in Mathematicis, fieri poterunt rationes ipsæ vniuersales, & inconuincibiles, si circa singularia ipsa quanta, continuo fluentia, & mutationem recipientia, tantummodo versabuntur? Si vero econtra huiuscemodientia mathematica (dicit Proclus) omnino a materia sensibili semouentur, qua nam ratione species illæ a materia penitus iam semotæ, partitiones, contractus, protensiones, interualla, & huiuscemodigenis multa, suscipere poterint? Cõcludit ergo Proclus ex Platone, quòd res ipsæ mathematicæ, de quibus fiunt demonstrationes, nec omnino in subiecto, sensibiles sunt, nec penitus ab ipso liberatæ, sed in ipsa phantasia reperiuntur figura illæ mathematicæ, habita tamen occasione a quantitatibus in materia sensibili repertis. Intellectus autem, ex iis, quæ in phantasia sunt in quantitatibus, rationes illas vniuersales colligit. Materia ergo harum scientiarum, erit quantum ipsum, hoc modo, vt ita dicam, phantasiatum. & id a plerisque, quamuis non satis proprie, materia intelligibilis nũcupatur. Ex hoc patet, quare mathematicæ disciplina, a Proclo, a Simplicio in primo de anima, & a Ptolemæo in præfatione Almagesti, mediæ scientiæ nuncupantur. Sua enim materia, medio modo se habet, non omnino sine materia sensibili, nec etiam in illa penitus immersa. eius vero efficiens, phantasia scilicet,

D E C E R T.

est anima quadam uis, quæ inter sensum, & intellectum, medium locum tenet, & ideo, ut duo extrema comprehendat eius nomen, ab Arist. Intellectus passiuus appellatur. Et sic patet, quæ nam sit materia in Mathematicis, & quid mathematicarum, rerum efficiens. Et hic obiter unum est notandum magni ponderis, quod cum quantum præfatiatum ostenderit esse mathematicorum materiam siue subiectum, hoc quidem Geometriæ, uel Arithmeticæ, quæ duæ sunt Mathematicæ prima genera, subiectum esse dicitur, sed cuiusdam facultatis communis ad Geometriam, & Arithmeticam. Nam manifestissime Proclus in primo & 2. libro passim ostendit, dari quandam scientiam communem ad illas duas, quæ proprium subiectum, & proprias passiones, propriaque principia sibi uendicat, & illas duas sibi subalternat. Et hoc est contra quosdam, qui non satis in hac disciplina periti, hoc non tenent, sed quamplurima Theore-

mata, in 5. 6. & dehinc repetita in 7. & 8. Elem.
apertissime hoc ostendunt, ueluti de quatuor
quantitatibus proportionalibus, &
earum permutata proportione,
& de aliis patere potest.

Quod etiam aperte
innuere uide-
tur Ari-
sto, primo Post. Cap.
quinto.

An sit finis in mathematicis disciplinis, & de earum utilitate. Cap. octavum.



E fine vero harum facultatum, aliqui credunt quod ex hoc quod Geometra non demonstrant ex fine, non habeant neque bonum, neque utilitatem aliquam. Decipiuntur autem, nã aliud est aliquam facultatem non

demonstrare per finem, aliud vero non habere finem, vel bonum. Dico igitur ex Proclo, quod quãvis forte, non possit reperiri demonstratio in illis ex fine, quia figurae illae quatenus tales, nõ habent operationem, ad quam constitui possit demonstratio, & ob id dicit Auer. 2. Physi. 74. bonum non inueniri in Mathematicis, quia hoc accidit formis secundum quod sint fines. & Philop. 2. Physi. 68. ostendit demonstrationes mathematicas ex definitione formali pendere, & idem dicit Alex. referente Simpl. 2. Pby. 69. tamen in Mathematicis reperitur bonum non sane spernendum. primo enim Mathematica, cum sibi Geometriam & Arithmetica, dehinc Musicam, Astronomicam, Perspectivam, Stereometriam, Mechanicam, subalternet, sine quibus infinitae penè artes, ad humanam felicitatem pertinentes, prosternerentur, maximam iccirco utilitatem affert: Præterea demonstrat Pro-

clus Mathematicas, ad Philosophiam de moribus, non solum esse vtilis, sed ferè necessarias. Ad diuinam vero Philosophiam utiles sunt, non solum exercendo intellectum nostrum ad abstractionem ipsam, qua maxime indiget Theologus, sed multas ob alias causas, quas apud eundem Proclum videre possumus. Quod tandem ad naturalem Philosophum, emolumenta afferant, & per se patet, & a Proclo affatim exponitur, & declaratur. Quantum autem vtilitatis afferant ad ducendos exercitus, ad expugnandas, propugnandasque ciuitates, ad directiones castrorum, ad nauticam ipsam disciplinam, ad exportandos, et importandos prouentus, & ad civilem ipsam tandem artem, architectonicam omnium, abundanter quidem & copiose disputare possem, nisi quia alienum id est a proposito nostro, ab hac re nunc mihi esse supersedendum arbitror. Concludere igitur possumus, cum testimonio etiam Simpl. 2. Physi. 69. bonum, & illud maximum in Mathematicis reperiri. Quod etiam si ad alias disciplinas non referantur, in seipsis etiã id ipsum inueniri fatendum est. quod ex hoc arguit Proclus, quod cum primum aliquis, primis quasi labris, mathematicas degustauerit, tali delectatione capitur, vt posthabeat curis omnibus, in hoc totum versans, ceteras amplius delectationes non magnifaciat. Quod profc̃lo non contingeret, nisi bonum quippiam illis lateret clausum. Iure optimo igitur Plato, cum mathematica facultatis, dignitatem & vtilitatem inspiceret, in inscriptione in

Academia, cautum esse voluit, ne ἀγχιμῆτος
 ingrederetur. Dicit etiam *Simpl.* 3. *Phy.* 70. ex
 mente *Plat.* quò *Geometria* omnes alias *scientias*
 perfectiores reddit, illisque magnum lumen affert.

De Problematibus, & Theorematibus mathe-
maticis, & eorum partibus.

Cap. Nonum,




Vas autem Mathematica,
sibi scientias subiiciat, &
subalternet, in quaestionibus
mechanicis diximus. Hoc
autè ordine disponitur quæ
uis facultas mathematica,
exèpli gratia, Geometria,

vt primo ingressu, principia supponantur, dignita-
tes scilicet, diffinitiones, & postulata. dehinc si quo
Problemate in Theorematum constructione, indi-
gemus, illud ponitur. Nam in hoc (teste Proclo)
differt Problema a Theoremate, quòd Problema il-
lud est, in quo quippiam, cum primum non sit, pro-
ponitur inueniendum, ac construendum. Theorema
vero, in quo quippiam in constituta iam figura, ita
esse, uel non esse demonstratur, ex quo sequitur, quòd
problemat a, pro constructione Theorematum, pro-
ponuntur. nunquam enim in Theorematibus, Pro-
blemata superiora allegantur, nisi in constructioni-
bus Theorematum, sicut euenit etià de postulatis.
Quòd vt melius, intelligatur, scièdum est, ex Pro-

D E C E R T.

clo, quodlibet uel uel Theorema, uel Problema, sex partes, ut plurimum cōtinere, quæ dicuntur a Græcis, πρῶτης, ὑποthesis, διόρισμος, κατὰ συνθήκην, ἀπόδειξις, συμπέρασμα. nos uero propositionē, expositionē, determinationem, constructionem, ostensionem, & conclusionem appellare possumus. Quod exemplo, forte clarius apparebit. Accipiamus Theorema ualde famosum. 32. Primi Eucl. cuius hæc est figura. Propositio igitur est. Omnis Trian-



guli vno latere protenso, angulus exterior est æqualis duobus interioribus ex opposito. & tres anguli in triangulo, duobus reëtis sunt æquales. hætenus propositio. statim sequitur expositio. Sit (id est exponatur) triangulus, ABC , & protendatur latus. BC , vsque ad D , hætenus expositio. dehinc determinatio, Dico (hoc est determino) quod angulus exterior. ACD , æqualis est duobus oppositis interioribus. ABC , BAC , hucusque determinatio.

natio ; deinceps constructio, construenda est epi-
 figura ad ostensionem. Ducatur enim a puncto, C.
 ad lineam. B A, per, 31, primi, aequidistans linea.
 C E. & hætenus constructio, debinc tandè quod
 propositum est, ostenditur, ac demonstratur, perdu-
 rat autem ostensio vsque ad illum locum. Omnis
 igitur trianguli vno protensolatore, & cetera usq;
 ad id, quod oportuit ostendisse. & vocatur hoc
 postremum conclusio. Hoc idem in aliis Theore-
 matibus, et Problematibus inuenietur, præterquam
 quod quandoque a constructione superscietur, cum
 scilicet ostensio non indiget constructione. & ex
 hoc patet veritas eius rei, quàm dicit Proclus, pagi-
 na. 56. 57. 58. & 61. quod scilicet Theoremata
 & Problemata Eucl. comprehendunt etiam illa, quæ
 dicuntur esse Theonis, tanquam suas partes neces-
 sarias. Ad propositum igitur redcunt, dicimus,
 quod nunquam allegantur Problemata superiora,
 in ostensione inferiorum, sed solum in constructione.
 & hoc idem accidit etiam de postulatis, quæ sit aut
 vel constructio, vel ostensio declarauimus. & ita pa-
 tet quò Problemata, et Theoremata distinguantur.

De Resolutione, & Compositione mathematica.

Cap. Decimum,




Resolutione vero, & compositione in
 Mathematicis, ita determinandum es-
 se arbitror, quod quicquid a
 primis dignitatibus descendendo ra-
 tiocinamur, donec pluribus confectis demonstratio-

D E C E R T.

nibus, id ultimo loco concludimus, quod intēdimus, tunc nos componendo procedimus. & hac uia procedit frequenter Eucl. dico frequenter, quia quandoque deductione utitur ad impossibile, per secundum scilicet modum hypotheticorum syllogismorum, ut dicit Proclus, & Philop. quæ deductiones etiā resolui possunt, ut patet in Logica, & ego Euclidem exponens, etiam resoluebam. Cum uero iudicium facere volumus, de huiusmodi compositio processu, tūc regredientes ab ultima cōclusionē, per præmissas, & præmissarum præmissas, tandem ascendētes ad prima principia, resoluerē dicimur. qua resolutione dignoscimus, an per ueras, & proprias præmissas, composita prius fuerit illa conclusio. Hoc dicit Proclus pluribus in locis, in primo & secundo lib. super primo Elem. Idem asserit Auer. primo Post. idem etiam Alex. in præfatione Priorum, et idem tandem apertissime declarat Philoponus primo Post. Cap. 9, ubi primo Euclidis Problemate, pro exemplo utens, omnem huiusmodi compositionum, & resolutionum processum ostendit, & addit tandem, quod eminentissimi habitus intellectus est, posse resoluendo cognoscere, ex quibus nam propriis præmissis, & præmissarum præmissis, recto ordine compositionis, conclusio qualibet deducta fuerit, Nos uero, ut melius hæc res appareat, quia magni ponderis est, circa idem primum problema Eucl. huius rei exemplum explicabimus. Cuius Problematitis hæc est figura. Eucl. igitur in illa Problematitis parte, quæ (ut dixi) ostensio nuncupatur, sic componendo

ponendo syllogismos componit . facta enim constru-
 ctione sic statim incipit demonstrare . Quoniam
A . signum , centrū est circuli . *C D B* . aequalis est .



A B . ipsi . *A C* . Rursus , quia *B* . signum cētrum est
 circuli . *A C E* . aequalis est . *A B* . ipsi *B C* . osten-
 sum autē est , quod aequalis . *A C* . ipsi . *A B* . utraq;
 igitur ipsarum . *B C* . *A C* . est aequalis ipsi . *A B* .
 quae autem sunt aequalia vni eidem , inter se sunt
 aequalia , aequalis ergo erit . *A C* . ipsi . *B C* . Tres igitur
 lineae . *A B* . *B C* . *A C* . sibi inuicem sunt aqua-
 les . Hactenus ostensio . In hac ostensione , quatuor in
 virtute sunt syllogismi , quos resoluēdo cognoscemus .
 Cum vero iudicare praedictum processum , resoluēdo
 volumus , retrogrado ordine procedemus , vlti-
 mus igitur syllogismus in via compositiva , erit pri-
 mus in resolutiva completus . & est talis .

Omnis figura tribus rectis aequalibus contenta ,
 est triangulus aequalitaterus .

D E C E R T.

Figurā. *A B C.* continetur a tribus lineis equalibus: *A B.* *A G.*

Ergo figura. *A B C.* est triangularis equilateralis.

Maior patet ex diffinitione trianguli equilateri, minor probatur sic, & erit secundus syllogismus completus.

Quae sunt equalia uni tertio, sunt equalia inter se.

Sed, *A C.* & *B C.* sunt aequales tertiae lineae, *A B.*

Ergo. *A C.* & *B C.* sunt inter se aequales.

Maior manifesta est, ex primo conceptu mentis, minor quo ad utraque partem probatur. & sic insurgunt duo syllogismi. & primo quo ad primam quod scilicet. *B C.* sit equalis ipsi. *A B.* & erit tertius syllogismus completus in ordine.

Omnes lineae a centro circuli ad circumferentiā sunt aequales.

Sed, *B C.* & *A B.* sunt a centro circuli. *A C.* *E.* ad circumferentiā.

Ergo. *B C.* & *A B.* sunt aequales.

Maior patet ex. 15. diffinitione. Minor vero ex constructione prius facta. Altera autem pars illius minoris precedentis syllogismi, quod scilicet. *A C.* sit equalis ipsi. *A B.* sic probatur. & est quartus completus syllogismus in ordine.

Omnes lineae a centro circuli ad circumferentiā, sunt aequales.

Sed. *A C.* & *A B.* sunt a centro circuli, *B C.* *D.* ad circumferentiā.

Ergo

Ergo. AC . est æqualis. AB .

Maior patet ex eadem diffinitione. 15. minor vero ex eadem constructione prius facta. & est cōpleta resolutio, quia cum ad immediata, & indemonstrabilia deuentum sit, nihil restat amplius resoluendum. ostensionem enim non constructionem resoluimus, quæ tamen constructio, eodem ordine resolui potest. Patet igitur, quid sibi velit resolutio illa, & compositio, de quibus loquuntur Interpretes, breuioribus quidem uerbis, sed eadem sententia. Videatur pro hoc Philoponus primo Post. Cap. 9. Hoc idem facere possumus in omnibus Problematibus, & Theorematibus, non solum circa eorum ostensiones, sed etiam circa construtiones, & expositiones, quemadmodum legentes nos hoc anno Euclidē, in singulis locis fecimus. Sed his omnibus præsumptis, ad certitudinem mathematicarum disciplinarum veniamus.

An certitudo mathematica, ex vi demonstrationū potissimarum, oriri dicenda sit.

Cap. Undecimum.



D illam redimus Auer. auctoritatem, 2. Metaph. quæ a principio huius commentarioli, primis quidem uerbis proposuimus inquirendam, hæc autē est. Mathematicas uidelicet demonstrationes in primo esse ordine certitudinis.

D E C E R T.

Omnes ferè ex Latinis, vt *Albertus, Egidius, Mar-*
silius, Lincomiensis etiam referente *Zimarra*, &
 tandem ferè Latini omnes, si quando in hanc autho-
 ritatem inciderunt, ex hoc dixerunt esse verã, quia
 demonstrationes mathematica sunt dantes causam,
 & esse, & sic potissima, quod idem est. quod enim
 est naturæ notius, illud est causa non effectus. *Zi-*
marra vero, quia videbat hoc forte non esse peni-
 tus verum, propter hoc distinxit, & quasdam ma-
 thematicas disciplinas intellexit in sua puritate,
 quasdam vero imperfectas vergentes ad nos, quod
 dum dicit præterquam quod nihil dicit, quod intel-
 gi possit, eodem etiam se voluit, quo & superiores.
 fatetur enim demonstrationes mathematicas, saltẽ
 in sua puritate dare causam, & effectum, & ex hoc
 esse potissimas. Nos vero, primo istorum huiusmo-
 di interpretationem, atque opinionem impugnabi-
 mus. de hinc causam erroris ita opinantium, assigna-
 bimus; & tandem alia ratione authoritatẽ *Auer.*
 defensabimus.

Primum igitur tenendum est, ex quatuor generi-
 bus causarum, per causam efficientem, & finalem
 Mathematicum demonstrare non posse, de efficien-
 te nullus dubitat, cum Mathematicus non consyde-
 ret motum, nisi metaphoricum. demonstrare autem
 per metaphoras nõ debemus, teste *Arist.* & *Auer.*
 in *Post.* & in *lib. de Cælo, & de anima.* De fine ve-
 ro aliqui sunt conati magno labore, ostendere in
 Mathematicis inueniri bonum, & ideo finem. finis
 enim cum bono conuertitur, teste *Arist.* primo *Eth.*

Sed

Sed vanus est omnis eorum labor, quia decipiuntur in hoc, quia credunt, quod bonum ad aliquam scientiam consequi; & per causam finalem demonstrare idem sint. sed valde differunt, quoniam bonum in Mathematicis desoris aduenit. Nam vt superius loquendo de fine, mathematico, diximus, certum est, quòd scientiæ illæ utilissimæ sunt ad alias omnes facultates, & ex seipsis etiam speculationem suauissimam possident. & hoc est, quod intelligit Arist. 13. metaph. Cap. 3. vbi dicere videtur esse bonum in Mathematicis, necnon Simplicius in dubitatione mota circa hoc, quàm reliquit insolutam primo Phy. Nihilominus aliud est hoc dicere. & aliud, cum dicitur, quod demonstrant ex causa finali, & ideo non sequitur ex hoc, quod demonstrant ex fine, cum Arist. expresse dicat. 3. metaph. 3. non esse finem in Mathematicis, & idem asserunt etiã Alex. & Com. nec aliter dicere possunt, versantur enim mathematica circa quantitatem, quæ non est de potentiis actiuis, neque, si daretur facultas imaginãdi, inuenire possemus, gratia cuius, vel propter quem finem, anguli exempli gratia, coalterni in parallelis sint æquales. Concludimus igitur, quòd demonstrationes mathematicæ, non possunt dari per causam efficientem, nec finalem.

De materia autem videtur Arist. 2. Post. ponere exemplum mathematicum in hoc genere causa, & alii etiam, vt Egidius, & Linconiensis, referente Zimarra, alia exempla ponunt, vbi ex materia, intelligibili tamen non sensibili, assignatæ sunt de-

monstrationes, materia autem intelligibilis, quantitas ipsa est, in pbantasia collocata, ut declarauimus superius, de materia mathematica pertractantes. Frustratur ergo isti, qui ita dicunt sup verbis Auer. 7. metaph. 35. dicentis quod mathematicæ quamuis abstrahāt a materia sensibili, non tamen ab intelligibili. Non defuerunt etiā, qui sequētes Auer. Sententiam primo Phy. cō. 1. dicentis Mathematicum, tantum causam formalem considerare, tenuerunt, Mathematicum non demonstrare per materiā, siue per aliud genus causæ, nisi tantum per causam formalem. Et ad demonstrationes dictas de materia respondens, quod nō sunt de materia, propterea quod partes omnes diffinitionis dicuntur forma, teste Auerroeo secundo Phy. 28. quamuis enim inter partes diffinitionis, alia sit imperfectior forma, quàm alia, & ultima differentia sit perfectior omnibus præcedentibus, omnes tamen sunt forma. ita quod qui demonstrarent hominem esse corruptibilem, ex hoc quod contiuet contrarias qualitates, demonstrarent ex forma imperfectiori, sed forma tamen. Verum hæc opinioniones possunt simul conuenire, quia pars præcedens in diffinitione, quamuis sit forma, respectu tamen sequentis habet rationem materia. omne enim imperfectius respectu sui perfectioris intrinseci, teste Auer. habet rationem materia. possent etiam aliter conciliari, sed nihil ad rem.

Ad propositum ergo redeuntes, dicimus quod, seclusa etiam causa materiali, vel eo modo sumpta (ut dictum est) restat tantummodo causa formalis.

Videndum

Videndum igitur est, si in huiusmodi genere causa, Mathematica demonstrationes potissima inueniuntur, quia si in hoc genere non inuenientur, ergo in nullo concludi poterit, ut dictum est. Quod autem non inueniantur etiam in hac causa formali, arguo primum. Omnis demonstrationis potissima, est medium diffinitio, uel passionis, uel subiecti. Demonstrationum mathematicarum, non est tale medium. ergo &c. Argumentum in Camestres. maior est manifesta apud omnes. quamuis enim alii, diffinitione subiecti, alii passionis credant esse medium, omnes tamen alterum horum duorum concedant, minor vero declaratur, inducendo per omnia Theoremata Euclidis, Theodosii, Archimedis, & aliorum. exempli gratia, si Theorema millies allegatum, 32. primi Elem. perpendatur, cognoscetur quod angulus extrinsecus, qui ponitur ibi medium, ad declarandam passionem, quae est habere tres, de triangulo, non est diffinitio, neque trianguli (ut patet) nec passionis. tam enim triangulus, quam habere tres, non indiget in sui diffinitione angulo extrinseco, quo non existente, etiam est triangulus, & habet tres. Idem patebit in omnibus ferè aliis Eucl. Theorematis & Problematibus. & sic patet minor, & ex consequenti conclusio nostra.

Præterea, omnis demonstratio potissima, mediū habet, quod est causa immediata, ipsius effectus, id est passionis. Sed nulla demonstratio mathematica reperitur talis, ergo &c. Maior ex hoc est euidentis, quia dicit Arist. 2. Post, quod quamuis cuiuspiam

D E C E R T.

iuspiciam effectus. verbi gratia. fluxus foliorum in arboribus, plures possint esse causæ, latifolium scilicet, & congelatio humidi, vna tamen sola erit propria, & immediata, & conuertibilis, congelatio scilicet. Minor vero probatur, propterea quod passionnes mathematicæ non possunt fluere ex causa extrinseca, vt paulo superius declarauimus. Ex forma vero (materiam enim iam exclusimus) quomodo deperdebunt, si in quantitate non est actio, nec actionis ratio, vt inferius declarabimus? Et ideo nullus est, qui dicere possit, quomodo in ratione, & forma trianguli, sit hoc, quod angulus extrinsecus, sit maior quolibet opposito interiore, quod quidem tanquam passio probatur ab Eucl. prop. 17. primi libri. ergo & c.

Tertio ratiocinari possumus. passionis in subiecto, vnum tantum immediatum, & verum debet esse medium, ex quo conficiatur demonstratio potissima, sed passionnes mathematicæ non habent talia vnica immediata media. ergo & c. maior patet, quia medium est causa, ergo vnicum verum mediũ, quia vnica est propria vniuscuiusque causa teste Arist. 2. de generatione, & 2. Pby. Minor ex hoc probatur, quod passionnes mathematicæ nullo prioritatis ordine, in subiectis reperiuntur, verus enim illarum ordo, ex hoc procedit, quod fluunt ex subiecto, & eius forma. quia cum primum datur huiusmodi fluxus, datur etiam ordo prioritatis naturæ, quia vnum in quantum vnum, non potest immediate producere nisi vnum, vt passim habetur apud Arist. Sed passionnes mathematicæ non possunt habere

bere talem ordinem vel processum, siue fluxum a subiecto, quia quantitas non est de principiis ætius, teste Auer. 4. Physi. cō. 84. Et quòd hoc sit verum, videmus quòd Mathematici easdem passionis de eisdem subiectis, variis assumptis mediis, demonstrant. aliter enim triangulum habere tres ostendit Theon, vel Eucl. aliter Campanus, & aliter etiam Proclus, qui hoc ipsum quod ego dico, animadvertit, & demonstratio, quam facit Proclus de habere tres, videtur esse ex intimiori medio, quàm demonstratio Theonis. non enim accipit quiddam extrinsecum, sed ex perpendiculari intrinseca ostendit propositum. Themistius etiam, 2. Phy. 89. manifeste affirmat quod eadem conclusio in Mathematicis potest demonstrare per plures, & diuersas præmissas. Simplicius etiam hoc idem promit. 2. Phy. Cap. vltimo secundum diuisionem Auerrois.

Siquis autem diceret, quod quamuis plures eiusdem passionis demonstrationes esse possint, vna tamen erit sola potissima, per medium immediatum. responderi potest, quòd hoc est falsum, quia Proclus aperte asserit, diuersas æquo modo perfectas, posse fieri in Mathematicis, passionum demonstrationes. Deinde habemus Platonem, qui referente Philopono primo Post. auditoribus suis, aliquod semper demonstrandum Problema proponebat, Eos autem quamuis diuersimode id demonstrarent, quia tamè demonstrabant, æquè laudabat, sicut fecit de inuentione duarum mediarum proportionalium, pro duplicatione Cubi, Sciebat igitur Plato, quòd natura

mathematicarum facultatum, eiusmodi erat, ut varie possent illarum passionēs demonstrari.

Quamuis tamen diuersimode (ut dixi) possint demonstrari passionēs mathematicæ, uidetur tamē, sicut innuit Proclus, super 3 2. primi, dicendū, quòd illa ex omnibus demonstrationibus eiusdem passionis, erit laudabilior, quæ breuiori tramite, & per pauciores syllogismos, concluderit intentum. Quod quamuis, aliquam differentiam arguat illarum, tamen, cum non sit specifica differentia, nil prohibet quin, quæ ad necessitatem ipsius mediæ, æquales dici possint, hoc est omnes ex necessitate vltima, concludentes.

Sed quia, tota hæc res, pro ostensione minoris præmissæ prædicti argumenti, uidetur ex hoc pendere quòd quantitas non sit de potentiis actiuis, hoc igitur magis ad viuum secandam est. Dico igitur, quòd, cum omnis actio sit ratione forma introductæ in prima materia, quia materia prima quatenus talis, nihil agit, sequitur, quod ad hoc, vt aliquod subiectum agat, necesse est vt forma prædictum sit substantiæ, ad quam formam, quia dans illam teste Auer. 3. Cæli, dat omnia ad eam consequentia, sequuntur statim illa accidentia, quæ sibi conueniunt, quibus omnibus mediantibus, a subiecto ipso, actiones ipsæ emanabunt. Qualibet ergo forma substantialis, sibi suas passionēs ascribit, & illas quodam naturæ ordine nobis nimis sæpe ignotas, quicumque igitur in natura rerum eruditus, vltimam illam differentiam, quæ solo actu est, ut dicit Arist. 7. Metaph.

3. seu propriam formam substantialē alicuius subiecti, cognoverit, hac ad concludendas passiones uti poterit, quia (ut dixi) certo ordine a formis passiones fluunt, & in subiecto reperiuntur. uerbi gratia, cū videam ex inductione homines tantum omnes ride re posse, dico hanc esse hominis passionem, quæ quoniam ultimam hominis differentiam sequitur, si illa differentia nota erit, eadem ad demonstrationem huius passionis, mediante tamen diffinitione passionis, vsus fuero. Cum ergo ita se res habeat, quantitas vero imperfectissima omnium accidentium sit; quippe quæ sola inter omnia accidentia, non habita formæ ratione, materiam ipsam ab æterno insequitur, cuius est passio, teste Auer. de sub. orb. & primo Phy. 63. & in Epit. Metaph. sequitur ex hoc quod nulla ætionis ratio quantitati ascribi poterit. Quamuis enim quantitas, si termino quodam illā constringimus, id ex formæ natura sortiatur, quia aliæ rerum formæ, alios quantitatis terminos sibi uendicant, tamen secluso omni termino, nulli addiscta est formæ substantiali. Et ideo dicit Proclus, sup. 1. Elem. pagina. 28. quòd materia, ut materia potest augeri in infinitum, sed impeditur a formis ipsis. & ideo Arist. 3. Phy. negat infinitum in additione continui, quia est iræ ad formā, quæ est causa firmitatis, materia uero infinitatis, quod ideo accidit, quia quantitas est illi coæterna, interminata tamen, ac prior natura est omni formæ substantiali, non enim ponimus illam formam chimericam, quā uocant formam corporeitatis de prædic. substantiæ,

D E C E R T.

nec genericam, nec specificam, nec corpus illud metaphysicum, quod posuit Albertus, imitatus Avicennam, nullus autem ex Græcis posuit, neque etiã Auer, ut potest videri pluribus in locis, & præcipue in Epit. Metaph. forma igitur corporeitatis apud Peripateticos legitimos, est in materia prima quantitas interminata, quam materiam hoc pacto consideratam, ante omnem formam substantialem appellat Ammonius subiectum ἀποιοι. in prædic. in Cap. de substantia. Quantitas igitur non potest esse ratio agendi.

Qui autem sophisticè arguunt, quod ex hoc quod decem homines trahunt nauim, octo non trahunt, si detur quod numerus illius actionis sit causa, & ex hoc quod in mucronis cuspide si angulus acutus erit, ferit maxime, si obtusus, non ferit, videtur fatendum angulos agere, & alia id genus, ita manifeste ratiocinando decipiunt, uel decipiuntur, ut responsione digni non sint. Quantitas ergo cum sit imperfectissimum accidens, nullamque sibi aëluatã ascribat materiam, sed informem illam sequatur, inter aëtuas potentias, siue inter rationes agendi, non cõnumerabitur. Cõcluditur ergo ex hoc, diuersis quidem mediis easdem passiones mathematicas posse de suis subiectis demonstrari. & sic patet minor ultimi argumenti, ergo &c. Possent etiam ex Simpl. hæc alia afferri ratio, dicit enim Simpl. unum mirabile, 2. Phyl. 89. uidelicet quod, hoc prædicatum habere tres angulos duobus reëlis æquales, non primo conuertitur cum triangulo reëtilineo. quia quãuis
omnis

omnis triangulus habet tres, non tamen omne habens tres est triangulus. nam figura quadam est quadrilatera quæ illos habet. Ego diu cogitavi quomodo hoc possit esse verum, nec potui intellectu illud assequi, ita quòd iurarem id esse falsum. non enim potest Simpl. intelligere figuras ibi curvilineas, commisisset enim fallaciam in primo modo, per ambiguum scilicet. Sed quomodo id tandem possit esse verum videat Simplicius. Satis nunc nobis sit, quòd stando saltem in hac sententia Simpl. potest sic argui in re nostra. In omni demonstratione potissima, debet maior extremitas cum minore converti, cum eius sit passio. Sed in Mathematicis nõ est sic; ergo &c. Maior patet. & minor apparet vera ex hac positione Simplicii, quam modo dixi.

Plures etiam possem afferre rationes concludentes demonstrationes mathematicas, non esse potissimas. Sed hac sufficiant, præsertim cum auctoritates habeamus mirabiles. Et primo Proclum virum illustrem in Mathematicis. Proclus enim super primo Elem. pagina. 21. dicit plura Elementa, idest plures Propositiones Eucl. posse esse sibi inuicem Elementa, quòd profectò non esset, si per veras causas demonstrarent, nihil enim sui ipsius potest esse causa, & vnus rei tantum est vna diffinitio, teste Arist. 6. Top. Cap. 3. Addit etiam non omnia Eucl. Theoremata, quasi per catenam, sibi ipsis semper ordine quodam inservire, quia nimis arduum esset ne dicam impossibile illum ordinem inuenire. & ideo (dicit ipse) diuersi diuersimode idem demon-

D E C E R T.

strant, non alius alio melius, nisi quia forte breuius. Dicit etiam pagina. 17. quod Geometria utitur omnibus Dialecticæ instrumentis. Alibi vero, deducere frequenter asserit, ad impossibile, quæ deductio est ponenda sub demonstratione signi, teste Auer. primo Cæli. 91. Pagina vero. 57. inquit Proclus, Geometrarum rationes habere vim, & necessitatē ex subiecta materia, non autem ex natura demonstrationis. Quid clarius? Pagina autem 10. dicit non omnes demonstrationes mathematicas habere eandem certitudinem. Præterea pagina. 56. ponit hæc uerba apertissima, & manifesta. τὴν γὰρ μὴ αἰτιαστέον, καὶ τὸ διότι πολλοὶ μὲν ἔδοξαν ἢ Γεωμετρικὰ μὴ θεωρεῖν. καὶ ταύτης ἐστὶ ὁ Ἀμφινομος τῆς δόξης Ἀριστοτέλους κατὰρξεντος. Quid amplius quarimus pro hac sententia? præsertim cū Arist. in Ecb. et Eustr. ibidē, assignātes causam, cur Mathematica facilem, & manifestū darent aditum, etiam & pueris, id non ex demonstrationis ui, sed ex subiecta materia declarauerunt. Sed hæc in præsentiarum sufficiant, ad ostendendum non posse in Mathematicis demonstrationes potissimas, dantes causas immediatas, reperiri.

Qua tandem sit vera causa, cur mathematica disciplina, in primo gradu certitudinis, ab Auer. posita fuerint.

Cap. XII.



Estat modo, vt adhuc pendentem sententiam Auer. de primo ordine certitudinis, non relinquamus. Hanc ergo sententiam, nos, non solum huius summi viri authoritate ducti; sed veritate ipsa persuasi, veram esse existimamus. Concedimus igitur mathematicis disciplinis, primum ordinem certitudinis, sed causam huius ordinis, esse a Latinis recte assignatam negamus. Quae igitur erit vera causa huius certitudinis? illa profecto, quam ponit Aristot. 6. Eth. & 7. Metaph. & quam Graeci Authores corroborant, & confirmant. Quærens ergo Aristot. in Eth. cur pueri, prudentes, sapientes, aut naturales fieri non possunt, Mathematici vero possunt, statim assignat causam, quia scilicet Mathematicæ sunt ex ab extractione, aliarum vero facultatum principia per experientiam assumuntur. pueri autem non sunt expertes, ad abstrahendum vero maxime sunt idonei. Hæc sunt verba Aristot. ualde prægnantia. Cum igitur principia naturalia, resq; ipsa naturales, & etiam Metaphysi. ex effectibus, longa experientia per sensum perceptis cognoscantur.

rur, hoc autem longo tempore indiget, maximoque labore, & assidua observatione, nul mirum si pueris aditum negant, quippe qui ob atatem experti esse non possunt. Res autem mathematicæ, cum ex abstractione sint, seipsas penitus, & medullitus sensui nostro præbent, seque totas patefaciunt, nec solum passionem suam, sed subiecta etiã, ipsorumque formas, sensui nostro manifestissimas tradunt, cum hæc omnia quantitates sint. quantitas vero, est omnium sensatorum sensatissimum (vt clarum est) & ego etiam ostendam, Res vero naturales, quamuis operationes sensui nostro offerant, differentias tamen ultimas, hoc est formas ipsas, ac substantias, a quibus passionem, & tandem actionem fluunt occultissime in profundo, & obscuro naturæ sinu, immerfas habent nec uix longa, & assidua effectuum obseruatione, & experientia, aliquantisper intellectui nostro, elucescunt. Patet igitur ex dictis Aristoteli, causa certitudinis mathematicæ. Hoc idem sentit Simplicius, qui primo de Anima, 11. dicit causam certitudinis mathematicarum esse, quia versantur circa quantum. quãtitates enim vt dicit ipse, sunt res sensatæ, & causas sensatas habent, & ideo nobis notas. Hoc idem Aristoteli, confirmat. 7. Metaph. 37. dicens quòd ideo naturalia non possunt abstrahi, sicut mathematicalia, quia habent determinatam materiam, tali, ac tali forma actuatam, & limitatam, quam limitationem sine longo usu, & obseruatione, cognoscere non possumus. Ergo res mathematicæ, cum abstrahibiles sint, ut diximus, limitatas mate-

rias non sibi uendicant. Circulus enim neque autū, neque lignum, neque aliquid aliud determinatum sibi a scribit. Cum igitur abstractionis facilitas, ex maiori, uel minori ad materiam determinatione, et limitatione oriatur, sequitur quod res illæ, quæ ad nullam materiam in actū, determinantur, sed cum denudata materia, coeternæ sunt, abstrahibiles erūt maxime, & ideo faciles cognitū, certæ, ac manifestæ. Quantitas igitur, quia sensibile commune est, nullique materia limitatæ addicitur, scilicet nihil habet arcani, seque totam nobis explicat & manifestat.

Siquis autem diceret, quod naturalia etiam illa accidentia, sensibilia, sunt propria, & ideo propriorem, & apertio rem sensationem faciunt.

Respondebo quod ex hoc argumento, tantum sequitur accidentia ista, quo ad esse manifestari, sed non quo ad causas, quæ in substantiis rerum occultissimæ iacent.

Si uero adhuc replicaretur, quod motus etiā est sensibile quoddam commune, sicut magnitudo. habet autem motus suas passiones, & suas causas, ut patet. 5. & 6. Phyl. ergo ita erit certa de motu scientia, naturalis scilicet, sicut scientia de quantitate, quæ Mathematica est.

Ad hoc respondere possumus, quod si motum cōsiderabimus, incommuni, abstrahitū a materia quatenus continuum quoddam est, sicut considerat de illo Aristo 6. Phyl. tunc consideratio erit mathematica, & nihil contra nos, si autem quatenus uel est

motus in corpore cœlesti, uel in animali, uel alio quouis modo limitato, tunc cum oriatur, & fluat ex principiis propriis, & materiam sibi propriam limitet, cognitionem reddet arduam, & difficilem. Concluditur igitur ex Arist. & eius antiquis interpretibus, non absque causa, mathematicas disciplinas esse certas, non vi demonstrationis, sed ex subiecti ipsius ratione. Quod idem asseuerat Proclus in i. Elem. pagina. 57. ubi habet hæc legitima uerba. *παιπαχδ, ὅτι τὸ αἰαγμαῖον, ἔχουσι οἱ γιωματικοὶ λόγοι διὰ τὴν ὑποκειμένην ὕλην.* Quid apertius desiderandum in hac materia? apertius tamen Arist. ipse assignat causam certitudinis mathematicæ, ex hoc scilicet, quia non est ibi limitata materia, quæ est causa, certitudinis, & scientiæ destructiua. 2. enim Meta. habet hæc uerba. *ἀκεβολογία τῶν μαθηματικῶν οὐκ ἐστὶ ἀπασὶ ἀπαιτήτοι. ἀλλ' ἐστὶ τῶν μὴ ἔχουσιν ὕλην.* Quantitas igitur ob imperfectionem suam, cum coeterna sit primæ materiæ, & nulli limitato subiecto addita sit, ex consequenti, ab omni materia, facillime abstrahitur, & ita certitudinem ex subiecto sensibus familiari, & domestico mathematicæ scientiæ sortita sunt.

Et si forte mirabitur aliquis unde sit, quòd quantitas, quæ passio est primæ materiæ, & cum eadem ab aeterno cōnexa, facillime abstrahatur a materia, ita quòd in sui diffinitione, subiecta mathematica, materiam ipsam pro uehiculo non admittant, intellexus uero, qui sua natura abstractus est, sine sensibili materia non possit declarari, nec diffiniri, uide-

tur enim quòd deberet oppositum contingere.

Huic admirationi facillime mederi possumus, dicentes, quod hoc ex imperfectione quantitatis contingit, res enim quanto perfectior est, tanto magis limitatam & organizatam postulat materiam. Intellectus igitur, tanquam forma, & illa nobilis, longè quantitate perfectior, limitationem, & determinationem postulat materiam, & ideo sine illa declarari non potest. Quantitas autem quia non hanc sibi ascribit materiam, magis quam aliam, sed nulla limitata dispositione materiae indiget, nil mirum si abstrahibilis est valde. & ideo certiore, & sensatorem generat cognitionem.

P E R O R A T I O.

Sed iam forte nimis multa dicta sunt. Concludentes igitur intentionem nostram, affirmamus esse maxime peripateticum, & ad mentem Aristotelis, mathematicas disciplinas esse in primo ordine certitudinis, non ratione demonstrationum potissimarum, quæ in illis exacta materia, circa quam versantur huiusmodi disciplina. & hoc erat quod ab initio huius commentarii, primaria intentione, proposuimus declarandum.

Reliqua multa, quæ dici adhuc possunt in hâc sententiâ, relinquo perspicacioribus pertractanda ingenii eorû, qui hac nostra legerint. Satis, n. est mihi, & ego primus (quod quidè sciam) hac tēpestate hanc veritatē olsecerim, et illius aliis doctoribus ansam dederim.

F I N I S.

The first part of the document discusses the importance of maintaining accurate records of all transactions. It emphasizes that every entry should be clearly documented, including the date, amount, and purpose of the transaction. This ensures transparency and allows for easy reconciliation of accounts.

The second part of the document provides a detailed breakdown of the financial data. It includes a table summarizing the key figures, such as total revenue, total expenses, and net profit. The table is structured as follows:

| Category | Amount |
|----------------|--------|
| Total Revenue | 10,000 |
| Total Expenses | 7,500 |
| Net Profit | 2,500 |

The final part of the document concludes with a statement of the overall financial health and a recommendation for future actions. It suggests that the current performance is satisfactory, but there is room for improvement in certain areas, such as reducing overhead costs and increasing sales volume.



